





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.64







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.64





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.64




Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.64














1.6.64















1.6.64  
25294(PW)

A


V14

A

1.6.64

V14







L. APVLEI MA-  
DAVRENSIS PHILO-  
SOPHI PLATONICI  
Apologia.

ISAACVS CASAVBONVS *recensuit, Græca  
supplevit, & CASTIGATIONVM  
libellum adiecit.*

Ad virum illustrem  
IOSEPHVM SCALIGERVVM  
IVL. CÆS. FIL. eruditorum nostræ  
ætatis facile principem.




Ex typographico Hieronymi Comelini.

---

M. D. XCIII.









Viro illustri

IOSEPHO SCALIGERO

IUL. CÆSARIS FIL.

I S. CASAVBONVS

S. D.

**R**ITNE, vir nobilissime, vt tu me putes otio meo abusum, cum hisce diebus recensendæ huic quã tibi mitto Orationi, tēporis aliquātum posui? Scis enimpater illius quàm malè apud multos audiat: quàm graues de eius Latinitate sentētiæ vulgò ferantur. Quod si tu idem censes, quid aliud de me, & ea quam hīc impendi opera pronunties, nisi bonas horas malè me collocasse? Ego verò cum ab eo lōgè absum, vt ita de hoc scripto (nam reliqua eiusdem nihil moror) existimantibus assentiar: tum eiusdem te mihi iudicij esse, nullus dubito. Nisi enim illorum opinioni accedimus, qui totius

\* ij



Latinitatis fines sex, septem auctorum scri-  
ptis contineri putant: quid est cur hic liber  
lectione ac studio nostro indignus esse videa-  
tur? Nam equidem sic censeo: post tempora  
Antoninorū vix quicquam aliud extare ho-  
die magis *περιωρδύον*, magis contum, magis  
denique Latinum. Aut dicat mihi aliquis, v-  
bi maior quàm in hoc tantulo, & eo quidem  
forensi scripto, eruditionis non protritæ co-  
pia. quàm eleganter, quàm doctè loci hîc ali-  
quot è Philosophia tractantur? quantùm in-  
sententiis acumen? quanta in dictione, vt iis  
temporibus & locis, castitas? Non, hîc mihi  
quisquam reperiat vllos *ἡ συνματῶν ὄγκος* & tu-  
mores vanos, aut argutiolas ineptas: non vl-  
las verborum sordes: quæ maxima orationis  
vitia plerisque omnibus eius sæculi auctori-  
bus, & qui deinceps infecuti, fato quodam  
Eloquentiæ & Imperij Romani simul ruen-  
tium, adhæserunt. At erūt fortasse qui non ver-  
borum, sed rerum crimina obiectent: quippe  
Apologiam hanc, à famoso olim mago pro  
defensione Magiæ scriptam, ab oculis cōspe-  
ctūque



Etūque nostro esse reiiciendam: more multo<sup>iii</sup>  
rum videlicet facient, vt ea dānent quæ nun-  
quam legerint, si qui ita sibi persuadebunt.  
Nos contrā, non defensionem hanc esse Ma-  
giæ, sed grauissimam eiusdem accusationem,  
audenter affirmamus. Quid enim aliud hinc  
colligas, quàm fuisse omnibus semper sani iu-  
dicij hominibus curiosas artes improbatas,  
& legibus vetitas? ni ita sit, nunquam profe-  
ctò, vt doctè sanctissimus vir Augustinus di-  
sputat, tanta contentione, tantòque opere id  
crimen, ceu omnium maximum à se auctor  
disertissimus amolitum isset. Quamobrem  
dabunt, spero, nobis optimi & grauissimi viri  
voti nostri veniam, quod tam eruditum anti-  
quitatis monumentum non ita lacerum cir-  
cūferri, neq; ita *ἀεικέσι πολλοῖς* deformari, sem-  
per optauerimus. Quamquā votum hoc no-  
strum nihil aliud nisi votum fuisse, nōsq; de  
hac editione nunquam ante hoc tēpus, quic-  
quam cogitasse, & liquidò iurare ipsi possu-  
mus: & norunt illi optimè, quorum petitu su-  
scepta mihi & nata hæc scriptio est. Nuper

\* iiij



adeo cum apud me essent amici quidam &  
familiares mei, adolefcentes has literas appri-  
me docti, & super mensam orto de huius li-  
bri mendis sermone, ostendissem iis quæ pri-  
dem inter legendum, vt fit, ad oram mei codi-  
cis adnotaueram: ceperunt vehementer à me  
contendere, vellem illa ipsa cū studiosis com-  
municare. Quid multa? non ante finem oran-  
di mei fecerunt, quàm exorarunt. Hęc ita ac-  
cidisse, meq; pæne inuitum, certè ἐκόντα ἀέκοντα  
δυσμῶς horum fuisse impulsus, illi ipsi amici  
mei, quod gaudeo, testimonium mihi apud  
te perhibebunt. Commodum enim, vt spero  
& opto, eodem tempore & illi isthuc appel-  
lent, & hæc nostra in tuas manus venient. En-  
igitur tibi Iosephe Scaliger princeps erudito-  
rum, paucorum dierum dicam, an horarum  
foetum: quem etsi ὑποχρέμιον, ausus sum muneri  
tibi mittere. Nam & gestiebat pridē animus  
mei in te amoris atq; obseruantiae monumē-  
tum aliquod in vulgus edere: & me nunc il-  
lustris tui nominis patrocinio cum maximè  
indigere probè intelligebam. Tu ne auctori-  
tatem



tatem defugias, per ego te nostrā amicitiam,<sup>-IV</sup>  
etiam atq; etiam rogo atque obtestor. Debes  
hoc mihi, vir nobilissime, debes: qui tuis lite-  
ris ita me nuper excitasti, ita *ἐπὶ τῶν πρῶτων* vt siquid  
in hoc negotio confidentiùs à me sit admis-  
sum: id ego non tam meum quàm tuum iudi-  
cium secutus, peccauerim. Quæ ergo eius ge-  
neris erunt, ea tu, pro diuina illa tua æquani-  
mitate quæ me non ita pridem in ruborem  
dedit, excusabis: pro illa singulari eruditione,  
qua omnes mortales in tui admirationem ra-  
puisti, corriges: ac, pro tuo, tuique parentis il-  
lius Sophi, more, quæ nobis aliisque sunt in-  
comperta, nos docebis. Deus O P T. M A X. te  
seruet *Μεσηρέα*. Vale: & proxima foetura,  
si vitam idem Deus, si otium con-  
cesserit, Athenæum ac Sueton-  
ium à nobis expecta.





EX LIBRO VIII. DE  
CIVITATE DEI D. AVRELII

Augustini, capite XIX.

**P**OSTREMÒ ipse Apuleius nunquid apud  
iudices Christianos de magicis artibus accusatus  
est? Quas utique sibi obiectas, si diuinas & pias esse  
nouerat, & diuinarum potestatum operibus esse con-  
gruas, non solum eas confiteri debuit, sed etiam profiteri, leges cul-  
pans potius, quibus hæc prohiberentur, & damnanda puta-  
rentur, quæ haberi miranda, & veneranda oporteret. Ita e-  
nim vel sententiam suam persuaderet Iudicibus, vel si illi se-  
cundum iniquas leges saperent, eumque talia prædicantem  
atque laudantem morte multarent, digna animæ illius dæ-  
mones dona reprehenderent: pro quorum diuinis operibus  
prædicandis, humanam vitam sibi adimi non timeret.

Εἰς Ἀπυλῆιον Χειροδῶρα·  
Καὶ νοερῆς ἀφθεγκτα Λατινίδος ὄργια μύσης  
Ἀΐζετο παπταίνων Ἀπυλῆιος ὄνπινα μύσιν  
Αὐσονὶς ἀρρήτης σοφίης ἀνεθρέφατο σείρην.

L. APV-





L. APVLEI  
MADA VRENSIS, PHILOSO-  
PHI PLATONICI

Apologia.



ERTVS. equidem eram , próque  
vero obtinebam, Maxime Claudí,  
quíque in concilio estis, Sicinium  
Æmilianum, senem notissimæ te-  
meritatis, accusationem mei prius  
apud te cœptam , quàm apud se  
cogitatam, penuria criminum , solis conuiciis im-  
pleturum. Quippe insimulari quiuis inñocens po-  
test: reuinci, nisi nocens , non potest. Quo ego v-  
no præcipuè cōfissus, gratulor mediùs si diùs, quòd  
mihi copia & facultas, te iudice, obtigit, purgandæ  
apud imperitos Philosophiæ , & probandi mei.  
Quamquam istæ calumniæ, vt prima specie graues,  
ita ad difficultatem defensionis repentinæ fuère.  
Nam, vt meministi, dies abhinc quintus an sextus

A



est, cum me causam pro vxore mea Pudentilla ad-  
uersus Granios agere aggressum, decompositò, nec  
opinantem, patroni eius incessere maledictis, &  
insimulare Magicorum maleficiorum, ac deni-  
5 que necis Pontiani priuigni mei cœpère. Quæ e-  
go cum intelligerem, non tam crimina iudiciò,  
quàm obiectamenta iurgiò prolata; vtrò eos ad  
accusandum crebris flagitationibus prouocaui. Ibi  
verò Æmilianus, cum te quoque acrius motum, &  
10 ex verbis rem factam videret; quærere occepit ex  
diffidentiâ latibulum aliquod temeritati. Igitur  
Pontianum fratris sui filium, quum paulò prius oc-  
cisum à me clamitaret: postquam ad subscriben-  
dum compellitur, illicò oblitus est de morte cogna-  
15 ti adolescentis, subitò tacens tanti criminis descri-  
ptionem. Tamen ne omnino desistere videretur,  
calumniam Magiæ, quæ faciliùs infamatur quàm  
probat, eam solùm sibi delegit ad accusandum.  
Ac ne id quidem de professo audet: verùm postera  
20 die dat libellum, nomine priuigni mei Sicinij Pu-  
dētis admodum pueri: & ascribit, se ei assistere, no-  
uo more per aliū lacessendi: scilicet vt obtentu eius  
ætatulæ, ipse insimulationis falsæ non plecteretur.  
Quod cum tu solertissimè animaduertisses, & iccir-  
co eum denuò iussisses propriò nomine accusatio-  
nem delatam sustinere; pollicitus ita facturum, ne  
sic



sic quidem quitus est. ubi ut cominus ageret propellis; etiam aduersum te contumaciter eiminus calumniis velitatur. Ita toties ab accusandi periculo profugus, in assistendi venia perseverauit. Igitur & priusquam causa ageretur, facile intellectu cuius fuit, qualisnam accusatio futura esset; cuius qui fuerat professor & machinator, idem fieri auctor timeret: ac praesertim Sicinius Aemilianus: qui si quippiam veri in me explorasset, numquam profecto tam contanter hominem extraneum, tot tantorumque criminum postulasset: qui auunculi sui testamentum, quod verum sciebat, pro falso infamarit: tanta quidem pertinacia, ut cum Lollius Urbicus V.C. VERVM VIDERI, ET RATVM ESSE DEBERE, de consilio consularium virorum pronuntiasset; contra clarissima voce iurauerit vecordissimus iste tamen, illud testamentum fictum esse, adeo ut aegre Lollius Urbicus ab eius perniciem temperarit. Quam quidem vocem, & tua aequitate & mea innocentia fretus, spero in hoc quoque iudicio erupturam. Quippe qui sciens innocentem criminatur: eo sane facilius, quod iam ut dixi, mentiens apud praefectum Urbis in amplissima causa conuictus est. Namque peccatum semel, ut bonus quisque postea sollicitius cauet: ita qui ingenio malo est, confidentius integrat, ac iam de

A ij



cætero, quo sapius, eo apertius delinquit. Pudor.  
enim, veluti vestis, quanto obsoletior est, tanto  
incuriosius habetur. Et ideò necessarium arbitror  
pro integritate pudoris mei, priusquam ad rem ag  
5 grediar, maledicta omnia refutare. Sustineo enim  
non modò meam, verùm etiam Philosophiæ de-  
fensionem, cuius magnitudo vel minimam repre-  
hensionem proximam crimini aspernatur: propter  
quod paulo priùs patroni Æmiliani multa in me  
10 propriè conficta, & alia communiter in philoso-  
phos ficta ab imperitis, mercenaria loquacitate  
effutierunt. Quæ etsi possunt ab his futiliter blat-  
terata ob mercedem & auctoramenta impuden-  
tiæ, deprehensa haberi, iam concesso quodam  
15 more rabulis id genus, quo ferinæ solent linguæ  
suæ virus alieno dolori locare; attamen vel mea  
causa paucis refellenda sunt: ne is, qui sedulò la-  
bore ut ne quid maculæ aut inhonestamēti in me  
admittam, videar cui piam, si quid ex friuolis præ-  
20 teriero, id agnouisse potius quàm cōtempnisse. Est  
enim pudentis animi & verecundi, ut mea opinio  
fert, vel falsa vituperatione grauari; cum etiam hi  
qui sibi delicti alicuius conscij sunt, tamen cum  
malè audiunt, impendiò commoueantur, & obi-  
rascantur. quamquam exinde ut malefacere cœ-  
perunt consueuerint malè audire. Quod si à cæte-  
ris



ris silentium est : tamen ipsi sibi met conscij sunt  
 posse se meritò increpari. Enimuerò bonus & in-  
 noxius quisque , rudis & imperitas aureis ad malè  
 audiendum habens , & laudis assuetudine quanto  
 5 contumeliæ insolens , multo tanto ex animo labo-  
 rat , ea sibi immeritò dici , quæ ipse possit aliis verè  
 obiectare. Quòd si fortè inepta videbor , & oppi-  
 dò friuola velle defendere : illis debet ea res vitio  
 verti , quibus turpe est etiam hæc obiectasse : non  
 10 mihi culpæ dari , cui honestum erit etiam hæc di-  
 luisse. Audisti ergo paulò priùs , in principio accu-  
 sationis ita dici : *Accusamus apud te philosophum formo-  
 sum, & tam Græcè quam Latine, proh nefas! disertissimū.*  
 Nisi fallor enim , his ipsis verbis accusationem mei  
 15 ingressus est Tannonius Pudens , homo verè ille  
 quidem non disertissimus. Quòd vtinam tam gra-  
 uia formæ & facundiæ crimina verè mihi oppro-  
 brasset . non difficile ei respōdissem , quod Home-  
 ricus Alexander Hectori :

20 Οὐ πῶς ἐλπίστ' ὅστις θεῶν ἐρικύδεια δῶρα

ὄσσα κεν αὐτοὶ δῶσιν, ἐκὼν δ' οὐκ αὖ τις ἐλοιπό.

Munera deūm gloriosissima nequaquam aspernā-  
 da : quæ tamen ab ipsis tribui sueta , multis volenti-  
 bus non obtingunt. Hæc ego de forma respon-  
 dissem. præterea , licere etiam philosophos esse vul-  
 tu liberali. Pythagoram , qui primū sese philoso-

A. iij.



phum nuncuparit, cum sui sæculi excellentissimâ  
formâ fuisse: item Zenonem illum antiquum Velia  
oriundum, qui primus omnium dictionem soler-  
tissimo artificio ambifariam dissoluerit, eum quo-  
5 que Zenonem longè decorissimum fuisse, vt Plato  
autumat. Itémque multos philosophos ab ore ho-  
nestissimos memoriæ prodi, qui gratiam corporis  
morum honestamenti ornauerunt. Sed hæc de-  
fensio, vt dixi, aliquam multum à me remota est:  
10 cui, præter formæ mediocritatē, continuatio etiam  
litterati laboris omnem gratiam corpore deterget,  
habitudinem tenuat, succū exorbet, colorem ob-  
litterat, vigorem debilitat. Capillus ipse, quem isti  
aperto mendacio ad lenocinium decoris promif-  
15 sum dixere, vides quàm non sit amœnus ac delica-  
tus, horrore implexus atque impeditus, stupreo  
tormento assimilis, & inæqualiter hirtus, & globo-  
sus, & congestus: prorsus inenodabilis diutinâ in-  
curiâ, non modò comendi, sed saltem expediendi  
20 & discriminandi. Satis, vt puto, crinium crimen  
quod illi quasi capitale intenderunt, refutatum est.  
De eloquentia verò, si qua mihi fuisset, neque mi-  
rum, neque inuidiosum deberet videri, si ab in-  
eunte æuo vnis studiis litterarum ex summis viri-  
bus deditus, omnibus aliis spretis voluptatibus, ad  
hoc æui, haud sciam an ne super omneis homines  
impen-



impenso labore, diuque noctuque, cum despectu  
& dispendio bonę valetudinis, eam quæsissem. Sed  
nihil ab eloquentia metuant: quam ego, si quid o-  
mnino promoui, potius spero quàm præsto. Sanè  
5 quidem si verum est, quod Statium Cæcilium in  
suis poëmatibus scripsisse dicunt, *Innocentiam elo-*  
*quentiam esse*, ego verò profiteor ista ratione, ac præ  
me fero, nemini omnium de eloquentia concessu-  
rum. Quis enim me hoc quidem pacto eloquen-  
10 tior viuat? quippe qui nihil vñquā cogitavi, quod  
eloqui non auderem. Eundem me aio facundissi-  
mum: nam omne peccatum semper nefas habui.  
Eundem disertissimum: quòd nullum meum fa-  
ctum vel dictū extet, de quo differere publicè non  
15 possim. ita vt iam de versibus dissertabo, quos à me  
factos quasi pudendos protulerunt: cùm quidem  
me animaduertisti cum risu illis succensentē, quòd  
eos absone & indoctè pronuntiarent. Primò igitur  
legerunt è Ludicris meis epistolium de denti-  
20 fricio, versibus scriptum ad quendam Calpurnia-  
num: qui cùm aduersum me eas litteras promeret,  
non vidit profectò cupiditate lædendi, si quid mi-  
hi ex illis fieret criminofum, id mihi secū esse com-  
mune. Nam petisse eum à me aliquid tersui den-  
tium, versus testantur:

*Calpurniane salue properis versibus:*



*Nisi, ut petisti, mundicias dentium:*

*Nitelas oris ex Arabicis frugibus,*

(Nisi fortè in eo reprehendendus sum, quòd Calpurniano puluisculum ex Arabicis frugibus miserim: quem multo æquius erat, spurcissimo ritu Hiberorum, ut ait Catullus, --sua sibi vrina

Dentem atque rufam pumicare gingiuam.)

*Tenuem, candificum, nobilem puluisculum,*

*Complanatorem tumidulae gingiuulae,*

10 *Conuertitorem pridianae reliquiae,*

*Nequa visatur tetra labes sordium,*

*Restrictis fortè si labellis riseris.*

Quaeso quid habet isti versus re aut verbo pudendum? quid omnino, quod philosophus suum nolit videri? Vidi ego dudum vix risum quosdam tenentes, cum mundicias oris videlicet, orator ille asperè accusaret, & dentifricium tanta indignatione pronuntiaret, quanta nemo quisquā venenum. Quid ni? crimen haud contemnendum philosopho, 20 nihil in se sordidum sinere, nihil vspiam corporis apertum, immundum pati ac foetulentum: praesertim os, cuius in propatulo & conspicuo usus homini creberrimus: siue ille cuiuspiam osculum ferat, seu cum cuiquam sermocinetur, siue in auditorio dissertet, siue in templo preces alleget. omnem quippe hominis actum sermo praet: qui, ut ait poeta

ta



ta præcipuus, è den ium muro proficiscitur. Dares nunc aliquem similiter grandiloquum: diceret suo more, cum primis cui vlla fandi cura sit, impensius cætero corpore os colendum, quod esset animi vestibulum, & orationis ianua, & cogitationum comitium. Ego certè pro meo captu dixerim, nihil minus quàm oris illuuiem libero & liberali viro competere. Est enim ea pars hominis loco celsa, visu prompta, usu fœcunda.  
10 Nam quidem feris & pecudibus os humile, & deorsum ad pedes deiectum, vestigio & pabulo proximum, nūquam fermè nisi mortuis, aut ad morsum exasperatis, conspicitur: hominis verò nihil prius tacentis, nihil sapius loquentis, contemplè-  
15 re. Velim igitur censor meus Æmilianus respondeat, vmquam ne ipse soleat pedes lauare? vel si id non negat, contendat maiorem curam mundiciarum pedibus, quàm dentibus impertiendam. Planè quidem, si quis ita vt tu Æmiliane, num-  
20 quam fermè os suum nisi maledictis & calumniis aperiat, censeo, ne vlla cura os percolat, neque ille exotico puluere denteis emaculet, quos iustius carbone de rogo obtriuerit: neque saltem communi aqua perluat, quin ei nocens lingua mendaciorum & amaritudinum præministra, semper in fœtutinis & olenticetis suis iaceat. Nam quæ malum, ra-

B



tio est, linguam mundam & lotam, vocem contra  
spurcam & tetram possidere? viperæ ritu, niueo  
denticulo atrum venenum inspirare? Ceterum qui  
sefe sciat rationem prompturum neque inutilem  
neque iniucundam, eius meritò os, vt bono po-  
tui poculum, prælaui. Et quid ego de homine  
nato diutius? Belua immanis crocodilus ille qui in  
Nilo gignitur, ea quoque, vti comperior, purgan-  
dos sibi denteis innoxio hiato præbet. Nam quòd  
est ore amplo, sed elingui, & plerumque in aqua  
recluso, multæ arundines dentibus implectun-  
tur: eas illi, cùm egressus in præripia fluminis hia-  
uit, vna ex auibus fluuiialibus amica auis, iniecto  
rostro sine noxæ periculo exscalpit. Mitto hæc.  
venio ad cæteros versus, vt illi vocant, amatorios: 15  
quos tamen tam durè & rusticè legere, vt odium  
mouerent. Sed quid ad magica maleficia, quòd e-  
go pueros Scribonij Lati, amici mei, carmine lau-  
daui? An ideo Magus quia poëta? Quis vmquam  
fando audiuit tam similem suspiciõem? tam a- 20  
ptam coniecturam? tam proximum argumentum?  
Fecit versus Apuleius: si malos, crimen est, nec  
tamen id philosophi, sed poëtæ: si bonos, quid  
accusas? At enim ludicros & amatorios fecit. Num  
ergo hæc sunt crimina mea, & nomine erratis,  
qui me magiæ detulistis? Fecere tamen & alij ta-  
lia:



lia: & si vos ignoratis, apud Græcos Teius quidam, & Lacedæmonius, & Ceus, cū aliis innumeris: & mulier Lesbica, lasciue illa quidem, tantæque gratia, vt nobis insolentiam linguæ suæ, dulcedine carminum commendet: apud nos verò, Ædituus, & Portius, & Catullus: isti quoque cum aliis innumeris. At philosophi non fuere. Nū igitur etiam Solonem fuisse serium virum, atque philosophū negabis? cuius ille lasciuiissimus versus est:

10 Μνησθὲν ἡμετέρων, καὶ γλυκερῆ σόματος.

Et quid tam petulans habent omnes versus mei, si cum isto vno contendantur? vt taceā scripta Diogenis cynici, & Zenonis Stoicæ sectæ conditoris.

Id genus plurima recitem denuò, vt sciant me eorum non pigere.

*Et Critias mea delicias sit salua Charine,*

*Pax in amore meo vita tibi remanet.*

*Ne metuas: nam me ignis & ignis torreat vt vult:*

*Hæc duas flammæ, dum potior, pariat.*

20 *Hoc modò sim vobis, vnus sibi quisque quod ipse est:*

*Hoc mihi vos eritis, quod duo sunt oculi.*

Recitem nunc & alios, quos illi, quasi intemperatissimos, postremum legere:

*Florea ferta, meum mel, & hæc tibi carmina dono.*

*Carmina dono tibi, ferta tuo genio:*

*Carmina, vti Critia lux hæc optata canatur,*

B. ij.



*Quæ bis septeno vere tibi remeat,  
Serta autem, ut lato tibi tempore tempora vernalia:*

*Ætatis florem floribus ut decores.*

*Tu mihi da contra pro verno flore tuum ver,*

*Ut nostra exuperes munera muneribus.*

*Pro implexis sertis, complexum corpore redde:*

*Proque rosis, oris sania purpurei.*

*Quod si animum inspices, dona & iam carmina nostra*

*Cedent victa tuo dulciloquo calamo.*

Habes crimen meum, Maxime, quasi improbi commissatoris, de sertis & canticis compositum. Hic il-<sup>10</sup>  
lud etiam reprehendi animaduertisti, quod cum aliis nominibus pueri vocetur, ego eos Charinum & Critiam appellitarim. Eadem igitur opera accusent C. Catullum, quod Lesbiam pro Clodia nominarit: & Tigidam similiter, quod quæ Metella<sup>15</sup>  
erat, Perillam scripserit: & Propertium, qui Cynthia dicat, Hostiam dissimulet: & Tibullum quod ei sit Plania in animo, Delia in versu: Equidem C. Lucullum, quamquam sit Iambicus, tamen improbarim, quod Gentilem & Macedonem pueros<sup>20</sup>  
directis nominibus carmine suo prostituerit. Quanto modestius tandem Mantuanus poeta, qui itidem ut ego, puerum amici sui Pollionis bucolico ludicro laudans, & abstines nominum, sese quidem Corydonem, puerum vero Alexin vocat. Sed  
Æmilia-



Æmilianus, vir ultra Virgilianos opiliones & bu-  
sequas rusticanus, agrestis quidem semper & bar-  
barus, verum longè austerior, ut putat, Serranis &  
Curiis & Fabriciis, negat id genus versus Platoni-  
co philosopho competere. Etiamne Æmiliane, si  
Platonis ipsius exemplo doceo factos? cuius nulla  
carmina extant, nisi amoris elegia: nam cætera  
omnia, credo quòd tam lepida non erant, igni  
deussit. Disce igitur versus Platonis philosophi in  
puerum Aspera: si tamen tantus natu potes literas  
discere.

Ἀσέρας εἶσα θρέεις, Ἀσὴρ ἐμὸς, εἶδε γανοίμην  
Οὐρανὸς ὡς πολλοῖς θυμασιν εἰς σε βλέπω.

*Astra vides. utinam fiam, mi sidus, Olympus,  
Ut multis sic te luminibus videam.*

Ἀσὴρ ὡς ἐν μὲν ἐλαμπες ἐνὶ ζωοῖσιν ἑῷος,  
Νῦν δὲ θαντὼν λάμπεις ἔσπερος ἐν φθιμένοισι.

*Lucifer ante meus rutilans mortalibus Aster:  
Hesperus à fato manibus ecce nites.*

Item eiusdem Platonis, in Alexin Phædrumque pue-  
ros, in coniuncto carmine:

Νῦν ὅτε μηδὲν Ἀλέξιος ὅσον μόνον εἶφ' ὅτι καλὸς

ἄπται, καὶ πάντῃ πᾶς τις ὅπως ρέφεται.

Θυμὲ, τί μινύεις κυσὶν ὅς ἐόν, εἴτ' ἀνιήσεις

Ἦς ἐρον, εἴχ' ἔπειτα Φαῖδρον ἀπωλέσας μῦθον.

*Dixerit hic tantum cum nil nisi pulcher Alexis*

*Exitit, & vertunt quilibet in te oculos.*

*Cur anime os canibus monstras, aficisque dolore*

B iij



*Postmodò? non Phædrum sic prius amisimus?*

Et, ne plures commemorem, nouissimum versum  
eius de Dione Syracusano si dixerò, finem faciam.

Κεῖσθαι δ' Ὀρυζόρῳ ἐν πατρίδι, τίμιος ἄριστος,

ὃ ἐμὸν ἐμνήνας θυμὸν ἔλεπεν Δίων,

*Ciuius ingenti in patria laudate iaces nunc,*

*Qui insanum me animi reddis amore Dion.*

Sed sumne ego ineptus, qui hæc etiam in iudicio?  
an vos potius calumniosi, qui etiam hæc in accusa-  
tione? quasi vllum specimen morum sit, versibus  
ludere. Catullum ita respondentem maliuolis non  
legistis?

*Nam castum esse decet pium poetam*

*Ipsum, versiculos nihil necesse est,*

Diuus Hadrianus, cum Voconij amici sui poetæ  
tumulum versibus veneraretur, ita scripsit:

*Lasceius versu, mente pudicus eras.*

Quod nunquam ita dixisset, si forent lepidiora car-  
mina, argumentum impuditiæ habenda. Ipsius  
etiam diui Hadriani multa id genus legere me me-  
mini. Aude sis igitur Æmiliae dicere, malè id  
fieri, quod Imperator, & Diuus, & Cenfor Hadria-  
nus fecit, & factum memoriæ reliquit. Cæterum  
Maximum quidquam putas culpaturū, quod sciat  
Platonis exemplo à me factum? Cuius versus, quos  
nunc percensui, tanto sanctiores sunt, quāto aper-  
tio-



tiores: tanto pudicitius cōpositi, quanto simplicius  
professi. Namque & id genus omnia dissimulare &  
occultare, peccantis: profiteri & promulgare, luden-  
tis est. Quippe natura vox innocentia, silentiū ma-  
5 leficio distributa. Mitto enim dicere alta illa & di-  
uina Platonica, rarissimo cuique piorum gnara, cæ-  
terum omnibus profanis incognita: geminam esse  
Venerem deam, proprio quamq; Amore & diuer-  
fis amatoribus pollētis. Earum alteram Vulgariam,  
10 quæ sit percita populari Amore, non modò huma-  
nis animis, verum etiam pecuinis & ferinis ad libi-  
dinem imperitare, vt immodico trucique percul-  
forum, animalium serua corpora complexu vin-  
cientem: alteram verò Cælitē Venerem, prædita  
15 quæ sit optimati Amore, solis hominibus, & eorū  
paucis curare, nullis ad turpitudinem stimulis vel  
illecebris sectatores suos percellentem. Quippe e-  
ius amore non amœnum & lasciuum, sed contra  
incomptum & ferum, pulcritudine honestatis vir-  
20 tutis amatoribus suis cōciliare: & si quando decora  
corpora commendet, à contumelia eorum procul  
absterrere. Neque enim quidquam aliud in corpo-  
rum forma diligendum, quàm quòd admoneat di-  
uinos animos eius pulcritudinis, quam prius verā  
& sinceram inter Deos videre. Quapropter, vt sem-  
per, eleganter Afranius hoc scriptum reliquit,



*Amabit sapiens, cupient ceteri.*

Attamen si audire verum velis AEmiliane, vel si hæc intelligere unquam potes: non tam amat sapiens, quam recordatur. Da igitur veniam Platoni philosopho versus eius de amore, ne ego necesse habeam, contra sententiam Neoptolemi Enniani, pluribus philosophari: vel si tu id non facis, ego me facile patiar in huiusmodi versibus culpari cum Platone. Tibi autem Maxime habeo gratiam propensam, cum has quoque appendices defensionis meae, idcirco necessarias, quia accusationi rependuntur, tam attentè audis: & ideo hoc etiam peto, quod mihi ante ipsa crimina superest, audias, ut adhuc fecisti libenter & diligenter. Sequitur enim de Speculo, longa illa & censoria oratio: de quo pro rei atrocitate pænè disruptus est Pudens, clamitans: *Habet speculum philosophus, possidet speculum philosophus.* Ut igitur habere concedam, ne aliquid obiecisse te credas, si negaro: non tamen ex eo accipi me necesse est exornari quoque ad speculum solere. Quid enim si choragium thymelicum possiderem, num ex eo argumentarere etiam uti me consuesse tragædi sirmate histrionis: crotaloue ad Trieterica Orgia, aut mimi centunculo? Non opinor. Nā & contra plurimis rebus possessu careo, usu fruor. Quod si neque habere utendi argumentum est, neque



neque non vtendi non habere: & speculi non tam  
possessio culpatur,quàm inspectio,illud etiam do-  
ceas necesse est , quando, & quibus præsentibus,  
in speculum inspexerim , quoniam , vt res est,  
5 maius piaculum decernis , speculum philosopho,  
quàm Cereris mūdum profano videre. Cedo nūc,  
etsi inspexisse me fateor, quod tamen crimen est  
imaginem suam nosse;eāque non vno loco con-  
ditam,sed quoquò velis paruo speculo promptam  
10 gestare? An tu ignoras , nihil esse aspectabilius ho-  
mini nato ,quàm formam suam ? Equidem scio  
& filiorum cariores esse , qui similes videntur : &  
publicitus simulacrum suum cuique, quod videat,  
pro meritis præmio tribui. Aut quid sibi statuæ &  
15 imagines variis artibus effigiatae volunt? nisi fortè  
quod artificio elaboratum laudabile habetur, hoc  
natura oblatum culpabile iudicandum est: cū sit  
in ea vel magis miranda & facilitas & similitudo,  
Quippe in omnibus manu faciundis imaginibus  
20 opera diutinò sumitur,neq; tamē similitudo æquē  
ac in speculis comparet. Deest enim & luto vigor,  
& saxo color,& picturæ rigor,& motus omnibus,  
qui præcipua fide similitudinem repræsentedat. Cū  
in eo visitur imago mirè relata, vt similis , ita mo-  
bilis , & ad omnem nutum hominis sui morigera:  
eadem semper contemplantibus æquæa est , ab

C



incunte pueritia, ad obeuntē senectam. tot ætatis  
vices induit, tam varias habitudines corporis par-  
ticipat: tot vultus eiusdem latantis vel dolentis  
imitatur. Enimuerò quòd luto fictum, vel ære in-  
fufum, vel lapide incisum, vel cera inustū, vel pig- 5  
mento illitum, vel alio quopiam humano artificio  
adsimilatū est, non multa intercapedine temporis  
dissimile redditur: & ritu cadaueris, vnum vultum  
& immobilem possidet: tantum præstat imaginis  
artibus ad similitudinem referendum, læuitas illa 10  
speculi fabra, & splendor opifex. Aut igitur vnus  
Agefilai Lacedæmonij sententia nobis sequenda  
est, qui se neque pingi neque fingi vñquam, dis-  
fidens formæ suæ, passus est: aut si mos omnium  
cæterorum hominum retinendus videtur, in sta- 15  
tuis & imaginibus non repudiandis, cur existi-  
mes imaginem suam cuique visendam potius in  
lapide, quàm in argento? magis in tabula, quàm  
in speculo? An turpe arbitraris, formam suam spe-  
ctaculo assiduo explorare? An non Socrates phi- 20  
losophus vltro etiam suasisse fertur discipulis suis,  
crebrò vt semet in speculo contemplarentur? vt  
qui eorum foret pulcritudine sibi complacitus, im-  
pendio procuraret, ne dignitatem corporis malis  
moribus dedecoraret: qui verò minus se commen-  
dabilem formâ putaret, sedulò operam daret, vt  
virtutis



virtutis laude turpitudinem tegeret. Adeo vir omnium sapientissimus speculo etiam ad disciplinam morum utebatur. Demosthenem vero, primum dicendi artificem, quis est qui non sciat, semper ante speculum, quasi ante magistrum, causas meditatum? ita ille summus orator, cum à Platone philosopho facundiam hausisset, ab Eubulide dialectico argumentationes edidicisset, nouissimam pronuntiandi congruentiam ab speculo petiuit. Vtrum igitur putas maiorem curam decoris in adseueranda oratione suscipiendam rhetori iurganti, an philosopho obiurganti? apud iudices sorte ductos paulisper disceptanti, an apud omnes homines semper differenti? de finibus agrorum litiganti, an de finibus bonorum & malorum docti? Quid? quod nec ob hæc debet tantummodo philosophus speculum inuisere. Nam sæpe oportet non modò similitudinem suam, verum etiam similitudinis ipsius rationem considerare: Num, ut ait Epicurus, profectæ à nobis imagines, velut quædam exuiæ, iugi fluore à corporibus manantes, cum læue aliquid & solidum offenderunt, illis reflectantur, & retro expressæ controuersim respondeant: an uti alij philosophi disputant, radij nostri, seu mediis oculis proliquati, & lumini extrario mixti, atque eiuniti, uti Plato arbitratur,

C ij



seu tantum oculis profecti, sine vlllo foris adminiculo, vt Architas putat, seu intentu aëris fracti, vt Stoici rentur, cum alicui corpori incidere spisso & splendido & laui, paribus angulis, quibus inciderant, resultent ad facies suas reduces: atque ita quod extra tangunt ac visant, id intra speculum imaginentur. Videntur ne vobis debere philosophi hæc omnia vestigare & inquirere, & cuncta specula vel vda vel suda soli videre? Quibus præter ista quæ dixi, etiam illa <sup>10</sup> ratiocinatio necessaria est, cur in planis quidem speculis fermè pares obtutus & imagines videantur in tumidis verò & globosis omnia defectiora: at contrà in cauis auctiora: vbi, & cur læua cum dexteris permutentur: quando se imago eodem <sup>15</sup> speculo tum recondat penitus, tum foras exerat: cur caua specula, si exaduersum Soli retineantur, appositum fomitem accendunt? qui fiat, vti arcus in nubibus, varij & duo Soles æmula similitudine visantur? Alia præterea eiusdemodi plurima, <sup>20</sup> quæ tractat volumine ingēti Archimedes Syracusanus, vir in omni quidē Geometria multum ante alios admirabili subtilitate: sed haud sciam, an propter hæc vel maximè memorandus, quòd inspexerat speculum sæpe ac diligenter. Quem tu librum Æmiliane, si noesses: ac non modò campo & gle-



glebis, verum etiam abaco & puluisculo te dedisses:  
mihi istud crede, quamquam teterrimum os tuum  
minimum à Thyesta tragico demutet, tamen pro-  
fectò, discendi cupidine, speculum inuiferes: & ali-  
quando, relicto aratro, mirarè tot in facie tua ful-  
cos rugarum. At ego non mirer, si boni consulis  
me de isto distortissimo vultu tuo diceis, de mori-  
bus tuis multo truculentioribus reticere. Ea res est:  
præterquàm quòd non sum iurgiosus, etiam liben-  
ter te, nuper vsque, albus an ater esses ignoravi. ad-  
huc hercle non satis noui. Id adeò factum, quòd &  
tu rusticando obscurus es, & ego discendo occu-  
patus. ita & tibi umbra ignobilitatis à probatore  
obstitit: & ego numquam studui malefacta cuius-  
quam cognoscere: sed semper potius duxi mea pec-  
cata tegere, quàm aliena indagare. Igitur hoc mihi  
aduersum te vsuuenit, quòd qui fortè constitit in  
loco lumine conlustrato, atque cum alter è tene-  
bris prospectat. Nam ad eundem modum tu qui-  
dem quid ego in propatulo & celebri agam, facile  
è tenebris tuis arbitraris, cum ipse humilitate abdi-  
ta & lucifuga, non sis mihi mutuò conspicuus. Ego  
adeò feruior: tu an habeas ad agrum colendum, an  
ipse mutuarias operas cum vicinis tuis cambias, ne-  
que scio neque laboro. At tu me scis eadè die treis  
Oæ manumisisse. idque mihi patronus tuus inter

C iij



cætera à te sibi edita obiecit, quamquam modico prius dixerat, me vno seruo comite Oeam venisse. Quod quidem velim mihi respondeas, qui poterim ex vno treis manumittere, nisi & hoc magicum est? Tantàmne esse mentiendi cæcitatem dicam, an consuetudinem? *Venit Apuleius Oeam cum vno seruo.* dein, pauculis verbis intergarritis: *Apuleius Oea vna die treis manumisit.* Ne illud quidem credibile fuisset, cum tribus venisse, omnes liberasse. quod tamen si ita fecissem, cur potius treis seruos inopiæ signum putares, quàm treis libertos opulentia? Nescis profectò, nescis Æmiliane, philosophum accusare, qui famulitij paucitatem obprobarris: quam ego gloriæ causa e mentiri debuissem. quippe qui scirem, non modò philosophos, quorū me sectatorem fero, verum etiam Imperatores populi Romani paucitate seruorum gloriatos. Itane tandem, ne hæc quidem legere patroni tui? M. Antonium consularem, solos octo seruos domi habuisse? Carbonem verò illum, qui rebus potitus est, vno minus? At enim Manio Curio, tot ad oreis longè incluto, quippe qui ter triumphum vna porta egerit: ei igitur Manio Curio, duos solos in castris calones fuisse? Ita ille vir de Sabinis, deque Samnitibus, deque Pyrrho triumphator pauciores seruos habuit, quàm triumphos. M. autem Cato nihil op-  
pertus



pertus vt alij de se prædicarent, ipse in Oratione scriptum reliquit, cum in Hispaniam consul proficisceretur, treis seruos solos ex Vrbe duxisse: quum iam ad villam publicam venerat, parum visum qui vteretur: iussisse duos pueros in foro de mensa emi: eos quinque in Hispaniam duxisse. Hæc Pudens si legisset, vt mea opinio est, aut omnino huic maledicto supersedisset: aut in tribus seruis multitudinem comitum philosophi, quàm paucitatem reprehendere maluisset. Idem mihi etiam paupertatem obprobrauit, acceptum philosopho crimen, & vltro profitendum. Enimuerò paupertas olim philosophiæ vernacula est: frugi, sobria, paruo potens, æmula laudis, aduersum diuitias possessa, habitu  
15 secura, cultu simplex, consilio benesuada: neminem vmquàm superbia inflauit, neminem impotentia deprauauit, neminem tyrannide efferauit. delicias ventris & inguinum neque vult vllas, neque potest. Quippe hæc & alia flagitia, diuitiarum alumni solent. Maxima quæque scelera si ex  
20 omni memoria hominum percontas, nullum in illis pauperem reperies: vbi contra haud temerè inter illustres viros diuites comparent. sed quemcunque in aliqua laude miramur, cum paupertas ab incunabulis nutrita est. Paupertas inquam, prisca apud secula omnium ciuitatum



conditrix, omnium artium repertrix, omnium  
peccatorum inops, omnis gloriæ munifica, cun-  
ctis laudibus apud omnes nationes perfuncta. Ea-  
dem enim est paupertas apud Græcos in Aristide  
iusta, in Phocione benigna, in Epaminunda stre-  
nua, in Socrate sapiens, in Homero diserta. Eadem  
paupertas etiâ populo Rom. imperium à primor-  
dio fundavit. proque eo in hodiernum Diis im-  
mortalibus simpulo & catino fictili sacrificat.  
Quod si modò iudices de causa ista sederent C. Fa-  
bricius, Cn. Scipio, Manius Curius, quorum filia,  
ob paupertatem, de publico dotibus donatæ ad  
maritos ierunt, portâtes gloriâ domesticam, pe-  
cuniam publicam: si Publicola regum exactor, &  
Agrippa populi reconciliator, quorum funus, ob  
tenueis opes, à populo Romano collatis sextanti-  
bus adornatum est: si Atilius Regulus, cuius agel-  
lus ob similem penuriam publica pecunia cultus  
est: si denique omnes illæ veteres pro sapia Consu-  
lares & Censoria & triumphales, breui vsura lucis  
ad iudicium istud remissæ audirêt: auderêsne pau-  
pertatē philosopho exprobrare, apud tot Consu-  
les pauperes? An tibi Claudius Maximus idoneus  
auditor videtur ad irridendam paupertatem, quod  
ipse vberem & prolixam rem familiarem sortitus  
est? Erras Æmiliane: & longè huius animi frustra es, si  
cum



eum ex Fortunæ indulgentia, non ex philosophiæ  
censura metiris: si virum tam austeræ sectæ, tamque  
diutinæ militiæ non putas amicitiorem esse coërci-  
tæ mediocritati, quàm delicatæ opulentæ: Fortu-  
5 nam, velut tunicam, magis concinnam quàm lon-  
gam probare. quippe etiam ea si non gestetur, &  
trahatur, nihilo minus quàm lacinia præpendens  
impedit, & præcipitat. Etenim omnibus ad vitæ  
munia vtendis, quidquid aptam moderationem  
10 supergraditur, oneri potius quàm vsui exuberat. I-  
gitur & immodicæ diuitiæ, velut ingentia & enor-  
mia gubernacula, facilius mergunt quàm regunt:  
quòd habent irritam copiam, noxiam nimietatem.  
Quin ex ipsis opulentioribus eos potissimùm vi-  
15 deo laudari, qui nullo strepitu, modico cultu, dis-  
simulatis facultatibus agunt: & diuitias magnas ad-  
ministrant sine ostentatione, sine superbia, specie  
mediocritatis pauperum similes. Quòd si etiam di-  
tibus ad argumentum modestiæ quæritur imago  
20 quæpiam & color paupertatis, cur eius pudeat te-  
nuiores, quòd ea non simulata, sed verè fungimur?  
Possum quidem tibi & ipsius nominis controuer-  
siam facere: neminem nostrum pauperem esse, qui  
superuacanea nolit, poscit necessaria. quæ natura  
oppidò pauca sunt. Namque is plurimum habebit,  
qui minimum desiderabit. Habebit enim quatum

D



volet, qui volet minimum. Et iccirco diuitiæ non melius in fundis & in fœnore, quàm in ipso hominis æstimantur animo. qui si est auaritiâ egenus, & ad omne lucrum inexplibilis, nec montibus auri satiabitur, sed semper aliquid, antè parta vt augeat, mendicabit. Quæ quidem vera confessio est paupertatis. Omnis enim cupido acquirendi ex opinione inopiæ venit. Nec refert quàm magnū sit quod tibi minus est. Non habuit tantam rem familiarem Philus, quātam Lælius: nec Lælius, quantam Scipio: nec Scipio, quantam Crassus Diues: at enim nec Crassus Diues, quantam volebat. Ita cū omneis superaret, à suamet auaritia superatus est: omnibūque potius diues visus est, quàm sibi. At contrā hi philosophi quos cōmemorauī, non vlti<sup>15</sup> volentes quàm poterant, sed congruentibus desideriiis & facultatibus, iurè meritōque dites & beati fuerunt. Pauper enim sis appetendi egestate, diues non egēdi satietate. quippe qui inopia, desiderio, opulentia, fastidio cernuntur. Igitur Æmiliane, 20 si pauperem me habere vis, prius auarum esse doceas necesse. Quòd si nihil in animo deest, de rebus extraneis quantum desit non laboro: quarum neque laus in copia, neque culpa in penuria cōsistit. Sed finge hæc aliter esse, ac me ideo pauperem, quia mihi Fortuna diuitias inuidit, easque, vt fer-  
mè



mè euenit, aut tutor minuit, aut inimicus eripuit,  
aut pater non reliquit: hocine homini obpro-  
brari, pauperiem, quod nulli ex animalibus vitio  
datur? non aquilæ, non tauro, non leoni. Equus si  
5 virtutibus suis polleat vt sit æquabilis vector, &  
cursor pernix, nemo ei penuriam pabuli expro-  
brat: tu mihi vitio dabis, non facti vel dicti alieu-  
ius prauitatem: sed quòd viuo gracili Lare, quòd  
pauciores habeo, parcius pasco, leuius vestio, mi-  
10 nus obsono? Atqui ego contrà, quantulacunque  
tibi hæc videntur multa etiam, & nimia arbitror, &  
cupio me ad pauciora coërcere: tanto beatior fu-  
turus, quanto collectior. Namque animi, ita vt cor-  
poris, sanitas expedita, imbecillitas laciniosa est:  
15 certumque signum est infirmitatis, pluribus indi-  
gere. Prorsus ad viuendum, velut ad natandum, is  
melior, qui onere liberior. Sunt enim similiter e-  
tiam in ista vitæ humanæ tempestate leuia susten-  
tari, grauia demersui. Equidem didici, ea re præ-  
20 cedere maximè Deos hominibus, quòd nulla re ad  
vsum sui indigeant. Igitur ex nobis, cui quàm mi-  
nimis opus sit, eum esse Deo similiorem. Proinde  
gratum habitum, ad contumeliam diceretis, rem  
familiarem mihi peram & baculum fuisse. quod v-  
tinam tantus animi forem, vt præter eam supelle-  
tilem nihil quidquam requirerem, sed eundem

D ij



ornatum dignè gestarem, quem Crates vltro diuitiis abiectis appetiuit ! Crates inquam, si quid credis Æmiliæne, vir domi inter Thebanos procere diues, & nobiles, amore huius habitus quem mihi obiectas, rem familiarem largam & vberem populo donauit. multis seruis à sese remotis solitatem delegit : arbores plurimas & frugiferas præ vno baculo spreuit : villas ornatissimas vna perula mutauit. quam postea, comperta vtilitate, etiam carmine laudauit, flexis ad hoc Homericis versibus, 10 quibus ille Cretam insulam nobilitat. Principium dicam, ne me hæc ad defensionem putes confinxisse:

Πῆρῃ τις πόλις ἔστι μέσῳ ἐνὶ οἴνοπι τύφῳ

Καλὴ καὶ πύργῳ.

*Ceruleo in medio quædam vrbs est perula ponto*

*Pulchra & opima.*

Iam cætera tam mirifica. quæ si tu legisses, magis mihi peram, quàm nuptias Pudentillæ inuidisses. Peram & baculum tu philosophis exprobrares: igitur & equitibus faleras, & peditibus clypeos, & signiferis vexilla, & denique triumphantibus quadrigas albas & togam palmatam. Non sunt quidem ista Platonice sectæ gestamina, sed cynicæ insignia familiæ. Verumtamen hoc Diogeni & Antistheni pera & baculus, quod Regibus diadema, quod Imperatoribus



peratoribus paludamentum, quod Pontificibus gal-  
lerum, quod lituum Auguribus. Diogenes quidem  
Cynicus, cum Alexandro Magno de veritate re-  
gni certabundus, baculo vice sceptri gloriabatur.  
Ipse denique Hercules inuictus, quoniam hæc tibi  
vt quædam mendicabula animi fordent, ipse in-  
quam Hercules lustrator orbis, purgator ferarum,  
gentiũ domitor: is tamẽ Deus cum terras peragra-  
ret, paulo prius quàm in cælum ob virtutes ascitus  
est, neque vna pelle vestitior fuit, neque vno bacu-  
lo comitator. Quòd si hæc exempla nihili putas,  
ac me non ad causam agendam, verum ad censum  
differendum vocasti, ne quid tu rerum mearum  
nescias, si tamen nescis, profiteor mihi ac fratri  
meo relictum à patre H S. vicies, paulo secus: idque  
à me longa peregrinatione, & diutinis studiis, &  
crebris liberalitatibus modicè imminutum. Nam  
& amicorum plerisque opem tuli, & magistris plu-  
rimis gratiam retuli, quorundam etiam filias dote  
auxi, neque enim dubitassem equidem vel vniuer-  
sum patrimonium impendere, vt acquirerem  
mihi, quod maius est, contemptum patrimonij.  
Tu verò Æmiliane, & id genus homines, vti tu  
es, inculti & agrestes, tanti reuera estis, quantum  
habetis: vt arbor infecunda & infelix, quæ nul-  
lum fructum ex sese gignit, tãti est in pretio, quan-

D iij



ti lignum eius in trunco. Attamen parce postea,  
Æmiliane, paupertatem cui piam obiectare, qui  
nuper vsque agellum Zarathensem, quem tibi vni-  
cum pater tuus reliquerat, solus vno asello ad tem-  
pestiuum imbrem, triduò exarabas. Neque enim,  
diu est, cum te crebræ mortes propinquorum im-  
meritis hereditatibus fulserunt: vnde tibi potius,  
quàm ob istam teterrimam faciem, Charon no-  
men est. De patria mea verò, quòd eam sitam Nu-  
midæ & Gætuliæ in ipso confinio, meis scriptis o-  
stendi: scis quibus memet verbis professus sum, cum  
Lolliano Auito c. v. præfente publicè differerem,  
Seminumidam & Semigætulum. Non video, quid  
mihi sit in ea re pudendum: haud minus quàm Cy-  
ro maiori, quòd genere mixto fuit Semimedus ac  
Semiperla. Non enim vbi prognatus, sed vt mo-  
ratus quisque sit, spectandum: nec qua regione,  
sed qua ratione vitam viuere inierit, consideran-  
dum est. Olitori & cauponi meritò est concessum,  
olus & vinum ex nobilitate soli commendare: vi-  
num Thasium, olus Phliasium. Quippe illa terræ  
alumna multum ad meliorem saporem iuuerit, &  
regio fœcunda, & cælum pluuium, & ventus cle-  
mens, & Sol apricus, & solum succidum. Enim-  
verò animo hominis extrinsecus in hospitium cor-  
poris immigranti, quid est istis addi vel minui ad  
virtu-



virtutem vel malitiam potest? Quando non in omnibus gentibus varia ingenia prouenere quamquam videantur quædam stultitia vel solertia insigniores. Apud socordissimos Scythas, Anacharsis sapiens natus est: apud Athenienses catos, Meletides fatuus. Neque hoc eò dixi, quò me patriæ meæ pæniteret, et si adhuc Syphacis oppidum essemus. quo tamen victo, ad Masinissam regem concessimus, munere populi: ac deinceps, veteranorum militum nouo conditu, splendidissima colonia sumus. in qua colonia patrem habui loco principe Duumvirale, cunctis honoribus perfunctum. Cuius ego locum in ea republ. exinde, vt participare curiam cœpi, nequaquã degener, pari spero honore & existimatione tueor. Cur ergo illa protuli? vt mihi tu, Æmiliane, minus posthac succēseas, potiusque vt veniam impertias, si per negligentia fortè non elegi illud tuum Atticum Zarathe, vt in eo nascerer. Nónne vos puditum est, hæc crimina tali viro audiente, tam asseueratè obiectare? friuola & inter se repugnantia simul promere? & vtraque tamen reprehendere? An non contraria accusatis? peram & baculum, ob auctoritatem: carmina & speculum, ob hilaritatem: vnum feruum, vt deparci, treis liberos, vt profusi: præterea eloquentiam Græcam; patriam barba-



ram? Quin igitur tandem expergiscimini, ac vos cogitatis apud Claudium Maximum dicere, apud virum seuerum & totius prouinciæ negotiis occupatum? Quin inquam vana hæc conuicia aufertis? quin ostenditis, quod insimulauistis, scelera immunia, & inconcessa maleficia, & arteis nefandas? Cur vestra oratio rebus flaccet, strepitu viget? Aggredior enim iam ad ipsum crimen Magiæ, quod ingenti tumultu, ad inuidiam mei, accensum, frustrata expectatione omnium, per nescio quas anileis fabulas deflagrauit. Ecquandone vidisti Maxime, flammam stipula exortam, claro crepitu, largo fulgore, cito incremento? sed enim materia leui, caduco incendio, nullis reliquiis? Hem tibi illa accusatio iurgiis inita, verbis aucta, argumentis defecta, nullis post sententiam tuam reliquiis calumniæ permãfura. quæ quidem omnis Æmiliano fuit in isto vno destinata, me Magum esse. & ideò mihi libet quærere, ab eruditissimis eius aduocatis, quid sit Magus. Nam si, quod ego apud plurimos lego, Persarum lingua Magus est, qui nostra sacerdos, quod tandè est crimen, sacerdotem esse? & ritè nosse, atque scire, atque callere, leges ceremoniarum, fas sacrorum, ius religionum! Si quidem Magia id est, quod Plato interpretatur *θεῶν διατάξεις*, cum commemorat, quibusnam disciplinis puerum regum adulescen-



lescentē Persæ imbuant. Verba ipsa diuini viri me-  
mini, quæ tu mecum Maxime recognosce, dicētia:  
δις ἑπτὰ δὲ γυρομένων ἐτῶν τὸν παῖδα πρὸς λαμβάνουσιν οὓς ἐκεί-  
νοι βασιλείους παιδαγωγούς ὀνομάζουσιν. εἰσὶ δὲ ἑξελεγμένοι  
περσῶν οἱ ἀρίστοι δόξαντες ἐν ἡλικίᾳ τέτταρες. ὁ, τε σοφώτατος,  
καὶ ὁ δικαιοτάτος, καὶ ὁ σωφρονέστατος, καὶ ὁ ἀνδρείοτατος. ὧν ὁ  
μὲν μαγίαν τε διδάσκει τὸν Ζωροάστρου, τοῦ Ωρομάζου. ὅστις  
δὲ τοῦτο θεῶν θεοπραΐα. διδάσκει δὲ καὶ τὰ βασιλικά. Au-  
ditisne Magiam, qui eam temerè accusatis, artem  
esse Diis immortalibus acceptam, colendi eos ac  
10 venerandi pergnaram, piam scilicet, & diuini sci-  
entem, iam inde à Zoroastre & Oromaze auctori-  
bus suis nobilem, cælitum antistitam? quippe inter  
prima regalia docetur. nec vlli temerè inter Persas  
concessum est Magum esse, haud magis quàm re-  
15 gnare. Idem Plato in alia sermocinatione, de Za-  
molxi quodam Thraci generis, sed eiusdem artis  
viro, ita scriptum reliquit: θεοπραΐα δὲ τὴν ψυχὴν ἔφην  
ὡς μαγεία, ἐπὶ δ' αἷς ποτὶ τὰς δι' ἐπὶ δ' αἷς τοῖς λόγοις ἔστι τοῖς καλῆς.  
Quod si ita est, cur mihi nosse non liceat vel Za-  
20 molxi bona verba, vel Zoroastri sacerdotia? Sin ve-  
rò, more vulgari, cum isti propriè Magum existi-  
mant, qui communione loquendi cum Diis Im-  
mortalibus, ad omnia quæ velit incredibilia qua-  
dam vi cantaminum polleat, oppidò miror cur ac-  
cusare non timuerint, quem posse tantum fatetur.  
Neque enim tam occulta & diuina potentia ca-

E



ueri potest, itidem ut cætera, Sicarium qui in iudi-  
 cium vocat, comitatus venit: qui venenarium ac-  
 cusat, scrupulosius cibatur. qui furem arguit, sua  
 custodit. Enimvero qui Magum, qualem isti dicunt,  
 in discrimen capitis deducit, quibus comitibus, qui-  
 bus scrupulis, quibus custodibus perniciem cæcam  
 & ineuitabilem prohibeat? nullis scilicet. & ideo  
 id genus crimen non est eius accusare, qui credit.  
 Verum hæc ferme communi quodam errore impe-  
 ritorum Philosophis obiectantur: ut partim eorum <sup>10</sup>  
 qui corporum causas meras & simplicibus rimantur,  
 irreligiosos putent, eoque aiant Deos abnuere,  
 ut Anaxagoram, & Leucippum, & Democritum,  
 & Epicurum, cæterosque rerum naturæ patronos:  
 partim autem, qui Providentiam mundi curiosius <sup>15</sup>  
 vestigant, & impensius Deos celebrant, eos vero  
 vulgo Magos nominent: quasi facere etiam sciant,  
 quæ sciant fieri: ut olim fuere Epimenides, & Or-  
 pheus, & Pythagoras, & Aftanes. Ac dein similiter  
 suspectata Empedocli Catharinæ, Socrati Dæmo- <sup>20</sup>  
 nion Platonis, τὸ ἀγαθόν. Gratulor igitur mihi: cum &  
 ego tot & tantis viris adnumeror. Cæterum quæ  
 ab illis ad ostendendum crimen obiecta sunt vana  
 & inepta & simplicia, vereor ne ideo tantum cri-  
 mina putes, quod obiecta sunt. *Cur*, inquit, *piscium*  
*quædam genera quæsisisti?* Quasi id cognitionis gratia  
 philo-



philosopho facere non liceat, quod luxurioso gula causa liceret? *Cur mulier libera tibi nupsit post annos tredecim viduitatis? Quasi non magis mirandum sit, quod totannis non nupserit. Cur prius quam tibi nuberet, scripsit nescio quid in epistola, quod sibi videbatur? Quasi quisquam debeat causas alienae sententiae reddere. At enim maior natu non est iuuenem aspernata.* Igitur hoc ipsum argumentum est, nihil opus Magia fuisse, ut nubere vellet mulier viro; vidua coelibus, maior iuniori. Iam & illa similia: *Habet quidam Apuleius domi, quod secretò colit.* Quasi non id potius crimen sit, quod colas non habere. *Cecidit praesente Apuleio puer.* Quid enim si iuuenis, quid si etiam senex adfistete me corruisset, vel morbo corporis impeditus, vel lubrico soli prolapsus? His cinne argumētis Magiam probatis: casu puerili, & matrimonio mulieris, & obsonio pisciū? Possem equidem bono periculo, vel his dictis contentus, perorare. Quoniam tamē mihi pro accusationis longitudo largiter aquae superest, cedò, si videtur, singula cōsideremus. Atq; ego omnia obiecta, seu vera, seu falsa sint, nō negabo: sed perinde atq; si facta sint fatebor, ut omnis ista multitudo, quae plurima vndique ad audiendum cōuenit, apertè intelligat, nihil in philosophos non modò verè dici, sed ne falsò quidem posse confingi, quod nō ex innocen-



tia fiducia, quamuis liceat negare, tamen habeant  
potius defendere. Primum igitur argumēta eorum  
conuincam, ac refutabo nihil ea ad Magiam perti-  
nere: deinde, etsi maximè Magus forem: tamen  
ostendam, neque causam vllam, neq; occasionem,  
fuisse, vt me in aliquo maleficio experirentur. Ibi  
etiam de falso inuidia, deq; epistolis mulieris per-  
peram lectis, & nequius interpretatis, deque matri-  
monio meo ac Pudentillæ disputabo. idq; à me su-  
sceptum officij gratia, quàm lucri causa docebo. 10  
Quod quidem matrimonium nostrum Æmiliano  
huic immane quanto angori, quantæque inuidiæ  
fuit. Inde omnis huiusce accusationis obeunda ira  
& rabies, & denique insania exorta est. Quæ si  
omnia palàm & dilucidè ostendero, tunc denique 15  
te, Claudii Maxime, & omneis qui adsunt contesta-  
bor, puerum illum Sicinium Pudētem priuignum  
meum, cuius obtentu & voluntate à patruo eius  
accusor, nuperrimè curæ meæ creptum, postquam  
frater eius Pontianus & natu maior, & moribus 20  
melior, diē suum obiit, atque ita in me ac matrem  
suam nefariè efferatum non mea culpa, desertis  
liberalibus studiis, ac repudiata omni disciplina,  
scelestis accusationis huius rudimentis, patruo  
Æmiliano potiùs quàm fratri Pontiano similem  
futurum. Nunc, vt institui, proficiscar ad omnia.  
Æmiliana



Æmiliani huiusce deliramenta, orsus ab eo, quod  
ad suspensionem Magiæ, quasi validissimū in prin-  
cipio dici animaduertisti: nonnulla me piscium  
genera per quosdam piscatores pretio quæsisse. V-  
trum igitur horum ad suspectandam Magiam va-  
let: quod ne piscatores mihi piscem quæsierunt: sci-  
licet ergo phrygionibus aut fabris negotium istud  
dandum fuisse: atque ita opera cuiusque artis per-  
mutanda, si vellem calumnias vestras vitare, ut fa-  
ber mihi piscem, ut piscator mutuò lignum dedo-  
laret? An ex eo intellexistis maleficio quæri pisci-  
culos, quod pretio quærebantur? Credo si conui-  
uium vellem, gratis quæsissem. Quin igitur etiam ex  
aliis plerisque me arguitis? Nam sæpenumero & vi-  
num, & olus, & pomum & panem pretio mutavi.  
Eo pacto cupediariis omnibus famem decernis.  
Quis enim ab illis obsonare audebit: siquidem sta-  
tuitur, omnia edulia, quæ depenso parantur, non  
cænæ, sed Magiæ desiderari. Quod si nihil remanet  
suspicionis, neque in piscatoribus mercede inuita-  
tis, ad quod solent, ad piscem capiundum, quos ta-  
mē nullos ad testimonium produxere: quippe qui  
nulli fuerunt: neque in ipso pretio rei venalis, cuius  
tamen quantitatem nullam taxauere, ne, si medio-  
cre pretium dixissent, cōtemneretur: si plurimum,  
non crederetur: si in his, ut dico, nulla suspicio est,

E iij



respondeat mihi Æmilianus, quo proximo signo ad accusationem Magiæ sit inductus. *Pisces*, inquit, *quæris*. Nolo negare. Sed oro te, qui pisces quærit, Magus est? Equidem non magis arbitror quàm si lepores quærerem, vel apros, vel altilia. An soli pisces habent aliquid occultum aliis, sed Magis cognitum? Hoc si scis quid sit, Magus es profectò: sin nescis, confitearis necesse est, id te accusare, quod nescis. Tam rudes vos esse omnium litterarum, omnium denique vulgi fabularum, ut ne fingere quidem possitis ista verisimiliter? Quid enim competit ad amoris ardorem accendendum, piscis brutus & frigidus, aut omnino res pelago quæsitæ? Nisi fortè hoc vos ad mendacium induxerit, quod Venus dicitur pelago exorta. Audi sis Tantonî Pudens, quàm multa nescieris, qui de piscibus argumentum Magiæ recepisti. At si Virgilium legis, profectò scisses, alia quæri ad hanc rem solere. Ille enim, quantum scio, enumerat *vitæ molles*, & *verbenæ pingues*, & *thura mascula*, & *licia discolora*: præterea *laurum fragilem*, *linum durabilem*, *ceram liquabilem*: nec minus, quæ iam in opere scripsit serio,

*Falcibus & messe ad Lunam quæruntur ahenis*

*Pubentes herbæ, nigri cum lacte veneni.*

*Quæritur & nascentis equi de fronte reuulsus*

*Et*



*Et matri præreptus amor.*

At tu piscium infimulator, longè diuersa instru-  
 menta Magis attribuis: non frontibus teneris de-  
 tergenda, sed dorsis squalentibus excindenda: nec  
 5 fundo reuellenda, sed profundo extrahenda: nec  
 falcibus metenda, sed hamis inuncanda. Postremò,  
 in maleficio ille venenum nominat, tu pulmen-  
 tum: ille herbas & furculos, tu squamas & ossa: ille  
 pratum decerpit, tu fluctum scrutaris. Memorassem  
 10 tibi etiam Theocriti paria, & alia Homeri, & Or-  
 phei plurima, & ex comædiis & tragædiis Græcis,  
 & ex historiis multa repetissem, nisi te dudum ani-  
 maduertissem Græcam Pudentillæ epistolam lege-  
 re nequiuisse. Igitur vnum etiam poëtam Latinum  
 15 attingam. versus ipsos, quos agnoscent qui Læ-  
 lium legere:

*Philtæ omnia vndique eruunt.*

*Antipathes illud queritur,*

*Trochiscili, vngues, tenia,*

20 *Radicula, herba, furculi,*

*Auræ ilices, bichordilæ.*

*Hinnientum dulcedines.*

Hæc & alia quæsisse me potius, quàm pisces, longè  
 verisimilius confinxisses, (his etenim fortasse per  
 famam peruulgatam fides fuisset,) si tibi vlla eru-  
 ditio adfuisset. Enimuerò piscis ad quam rem fa-



ciat captus, nisi ad epulas coctus? cæterum ad Magiam nihil. Quare autē videatur nihil adiutare, dicam vnde id cōiectem. Pythagoram plerique Zoroastri sectatorem, similiterque Magiæ peritum arbitrati, eum memoriæ prodiderunt, cum animaduertisset proximè Metapontum, in littore Italiæ suæ, quam subsiciuam Græciam fecerat, à quibusdā piscatoribus euerriculum trahi, fortunam iactus eius emisse: & pretio dato, iussisse illico pisces eos qui capti tenebātur, solui retibus, & reddi profundo. Quos scilicet eum de manibus amissurum non fuisse, si quid in his vtile ad Magiam comperisset. Sed enim vir egregiè doctus & veterum æmulator, meminerat Homerum poëtam multiscium, vel potius cunctarum rerum adprimè peritum, vim omnem medicaminum non mari sed terræ ascripsisse: cum de quadam saga ad hunc modum memorauit:

Τοῖα Διὸς θυγάτηρ ἔχε φάρμακα μητόεντα  
 Ἐὐδ' ἅ, τὰ οἱ Πολύδαμνα πόρεν Θῶνος ᾠδ' ἔκοιτις  
 Αἰγυπλίῃ τῇ πλεῖστα φέροι ζείδωρος ἄρ' ἔρα  
 Φάρμακα, πολλὰ μὲν ἔσθ' ἅ μεμιγμένα, πολλὰ δὲ λυγρὰ.

20

Itémque alibi carminum similiter:

Ὡς ἄρα φωνήσας, πόρε φάρμακον Ἀργειφόντις  
 Ἐκ γῆς ἐρύσας.

Cum tamen numquam apud eum marino aliquo & pisculento medicauit: nec Proteus faciem, nec  
 Vlyf-



Vlyſſes ſcrobem, nec Æolus follem, nec Helena crateram, nec Circe poculum, nec Venus cingulū. At vos ſoli reperti eſtis ex omni memoria, qui vim herbarum, & radicum, & ſurculorum, & lapillo-  
rum, quaſi quadam colluuiione naturæ, de ſummis montibus in mare transferatis, & penitus piſcium ventribus inſuatis. Igitur vt ſolebat ad Magorum ceremonias aduocari Mercurius carminum vector, & illex animi Venus, & Luna noctium con-  
ſcia, & manium potens Triuia: vobis auctoribus, poſthac Neptunus cum Salacia, & Portunus cum omni choro Nereidum, ab æſtibus fretorum ad æſtus amorum transferentur. Dixi cur non arbitrer quidquam negotij eſſe Magis & piſcibus. Nunc, ſi  
videtur, credamus Æmiliano, ſolere piſces etiam ad Magicas poteſtates adiuuare. nū ergo propterea, quicumque piſcem quærit, & ipſe Magus eſt: Eo quidem pacto, & qui myoparones quæſierit, pirata erit: & qui vectem, perfoſſor: & qui gladium, ſicarius. Nihil in rebus omnibus tam innoxium dices,  
quin id poſſit aliquid aliquà obefſe: nec tam lætum, quin poſſit ad triftitudinem intelligi. Nec tamen idcirco omnia ad nequio- rem ſuſpicionem trahū-  
tur. vt ſi thus & caſiam & myrrham, cæterosque id genus odores funeri tantum emptos arbitreris, cum & medicamento parentur, & ſacrificio. Cæte-

F



rùm eodem piscium argumento, etiam Menetali  
socios putabis Magos fuisse, quos ait poëta præci-  
piuus, flexis hamulis apud Pharum insulam famem  
propulsasse. etiam mergos, & delphinos, & scyllas,  
tu eodem referes: etiam gulones omnes, qui im-  
penso pisces pretio à piscatoribus mercantur: e-  
tiam ipsos piscatores, qui omnium generum piscis  
arte anquirunt. Cur ergo & tu quæris? Nolo equi-  
dem, nec necessarium habeo tibi dicere: sed per te,  
si potes, ad hoc quæsisse me argue. Vt si hellebo-  
rum, vel cicutam, vel succum papaueris emissem, i-  
tem alia eiusdem modi, quorum moderatus usus  
salutaris, sed commixtio vel quantitas noxia est:  
quis æquo animo pateretur, si me per hoc venefi-  
cij arcesseres, quod ex illis potest homo occidi? Vi-  
deamus tamen quæ fuerint piscium genera, tam  
necessaria ad habendum, tamque rara ad reperien-  
dum, ut merito statuto præmio quærentur. Tria  
omnino nominauerunt: vnum falsi, duo mentiti.  
Falsi, quod leporem marinum fuisse dixerunt, qui  
alius omnino piscis fuit: quem mihi Themison ser-  
uus noster, medicinæ non ignarus, ut ex ipso audi-  
sti, ultro attulit ad inspiciendum. nam quidem Le-  
porem nondum etiam inuenit. Sed profiteor me  
quærere & cætera, non piscatoribus modò, verum  
etiam amicis meis negotio dato, quicunque minus  
cogniti



cogniti generis piscis inciderit, ut eius mihi aut  
formam commemorent, aut ipsum viuum: si id ne-  
quierint, vel mortuum ostendant. Quamobrem id  
faciam, mox docebo. Mentiti autem sunt callidif-  
5 simi accusatores mei, ut sibi videntur: cum me ad  
finem calumniae confinxerunt, duas res marinas,  
impudicis vocabulis quæsisse. quas Tannonius il-  
le, cum utriusque sexus genitalia intelligi vellet, sed  
eloqui propter infantiam, caufidicus summus, ne-  
10 quiret, multum ac diu hæsitato, tandem *virile mari-  
num*, nescio qua circumlocutione malè ac sordidè  
nominavit. Sedenim feminal nullo pacto reperiēs  
munditer dicere, ad mea scripta confugit, quia & è  
quodam meo libro legit: *Interfeminium tegat, & femo-  
15 ris obiectu, & palmae velamento*. Hic etiam, pro sua gra-  
uitate, vitio mihi vertebat, quod me nec sordidio-  
ra dicere honestè pigeret. At ego illi contrà iustius  
exprobrauerim, quod qui eloquentiæ patrocinium  
vulgò profiteatur, etiam honesta dictu sordidè  
20 blatteret, ac sæpe in rebus nequaquam difficilibus  
fringuliat, vel omnino obmutescat. Cedo enim, si  
ego de Veneris statua nihil dixissem, neque *inter-  
feminium* nominassem, quibus tandem verbis ac-  
cusasses crimen illud, tam stultitiæ quàm linguæ  
tuæ congruens? An quidquam stultius, quàm ex  
nominum propinquitate vim similè rerum conie-

F ij



ctari? Et fortasse an peracutè reperisse vobis videbami-  
mini. At quæsisse me fingeretis ad illecebras Magi-  
cas duo hæc marina, Veretillam, & Virginal. disce  
enim nomina rerum Latina. quæ propterea variè  
nominaui, vt denuò instructus accuses. Memento  
tamen tam ridiculum argumentum fore, desidera-  
ta ad res Venereas marina obscœna, quàm si dicas  
marinum pectinem comendo capillo quæsitum,  
vel aucupandis volantibus piscem accipitrem, aut  
venandis apris piscem apriculum, aut eliciendis  
mortuis marina caluaria. Respondeo igitur ad  
hunc vestrum locum, non minus insulsè quàm ab-  
surdè commentū, me hæc nugas marinas, & quif-  
quillas littoraleis neque pretio neque gratis quæ-  
sisse. Illud etiam præterea respondeo, nescisse vos,  
quid à me quæsitum fingeretis. Hæc enim friuola,  
quæ nominastis, pleraque in littoribus omnibus  
congestim & acervatim iacent, & sine ullius opera,  
quâlibet leuiter motis flucticulis, vltro foras euol-  
uuntur. Quin ergo dicitis me eadem opera pretio  
impenso per plurimos piscatores quæsisse de lito-  
re, conchulam striatam, testam hebetem, calculum  
teretem: præterea cancrorum furcas, echinorum  
calyculos, lolliginum ligulas: postremò assulas, fe-  
stucas, resticulas, & ostrea Pergami vermiculata:  
denique muscum, & algam, & cætera maris eiec-  
ta-  
menta



menta. quæ vbique litorum ventis expelluntur,  
falo expuuntur, tempestate reciprocantur, tran-  
quillo deferuntur. Neque enim minus istis, quæ  
commemorauī, accommodari possunt similiter ex  
5 vocabulo suspiciones. Posse dicitis ad res Venereas  
sumpta de mari spuria & fascina, propter nomi-  
num similitudinem, qui minus possit ex eodem lit-  
tore calculus ad vesicam, testa ad testamentum, can-  
cer ad vlcera, alga ad querquerum? Næ tu Claudi  
10 Maxime nimis patiens vir es, & oppidò proxima  
humanitate, qui hæc eorum argumentationes diu  
herclè perpeßus sis. Equidem cū hæc ab illis qua-  
si graua & inuincibilia dicerentur, illorum stulti-  
tiam ridebam, tuam patientiam mirabar. Ceterū,  
15 quamobrem plurimos iam piscis cognouerim,  
quorundam adhuc nescius esse nolui, discat Æmi-  
lianus, quoniā vsque adeò rebus meis curat. quam-  
quam est iam præcipiti æuo, & occidua senectute,  
tamen si videtur, suscipiat doctrinam, seram planè,  
20 & postumam. Legat veterum philosophorum mo-  
numenta, tandem vt intelligat, non me primū  
hæc requisisse, sed iam pridem maiores meos, Ari-  
stotelem dico, & Theophrastum, & Eudemum, &  
Lyconem, cæterosque Platonis minores: qui pluri-  
mos libros de genitu animalium, deque victu, deque  
particulis, deque omni differentiâ relique-



runt. Bene, quòd apud te, Maxime, causa agitur, qui  
 pro tua eruditione legisti profectò Aristotelis Περὶ  
 ζῶων γενέσεως, Περὶ ζῶων ἀνατομῆς, Περὶ ζῶων ἰσοείας multiu-  
 ga volumina: præterea Problemata innumera eiū-  
 dem: tum ex eadem secta cæterorū, in quibus id ge-  
 nus varia tractantur. Quæ tanta cura conquisita, si  
 honestum & gloriosum fuit illis scribere, cur turpe  
 sit nobis experiri? præsertim cū ordinatius & co-  
 hibilius, eadē Græcè & Latinè adnitar conscribere,  
 & in omnibus aut omissa anquirere aut defecta sup-  
 plere? Permittite, si opera est, quædam legi de Magi-  
 cis meis; vt sciat me Æmilianus, plura, quàm putat,  
 quærere, & sedulò explorare. Prome tu librum ex  
 Græcis meis, quos fortè hîc amici habuere, sed utiq;  
 Naturalium Quæstionum: atque eum maximè, in  
 quo plura de piscium genere tractata sunt. Interea  
 dum hic quærit, ego exemplum rei competens di-  
 xero. Sophocles poëta Euripidi æmulus & super-  
 stes, vixit enim ad extremam senectam: cū igitur  
 accusaretur à filio suomet dementiæ, quasi iam per  
 ætatē desiperet: protulisse dicitur Coloneum suam,  
 peregregiam tragædiarum, quam fortè tum in eo  
 tempore conscribebat: eam iudicibus legisse, nec  
 quidquā amplius pro defensione sua addidisse, nisi  
 vt audacter dementiæ cōdemnarent, si carmina se-  
 nis displicerent. Ibi ego comperior; omnes iudices  
 tanto



tanto poëtae adsurrexisse, miris laudibus eum tulisse, ob argumēti solertiam, & cothurnum facundiæ: nec ita multum omnis abfuisse, quin accusatorem potius demētiæ condēnarent. Inuenisti tu librum?

5 Beasti. Cedò. enim experiamur, an & mihi possint in iudicio litterę meę prodesse. Lege pauca in principio, deinde quedā de piscibus. At tu, interea dum legit, aquam sustine. LOCVS EX GRAECÒ LIBRO

APVLEI NATVRALIVM QVAESTIONVM.

10 Audisti Maxime, quorum pleraque scilicet legeras apud antiquos philosophorum. & memento, de solis piscibus hæc volumina à me cōscripta: qui eorum coitu progignantur; qui ex limo coalescant; quoties & quid anni cuiusque eorum generis feminæ subent, mares furiant; quibus membris & causis discreuerit natura viuiparos eorum & ouiparos. ita enim appello, quæ Græci ζωοτόμα καὶ ωοτόμα. Et, ne operosè animalium genita pergam, deinde de differentia & victu, & membris, & æ-

20 tatibus, cæterisque plurimis, scitu quidem necessariis, sed in iudicio alienis. Pauca etiam de Latinis scriptis meis, ad eandem peritiam pertinentibus, legi iubebo. in quibus animaduertes, cum in eis cognitu rara, tum nomina etiam Romanis inusitata, & in hodiernum, quod sciam, infecta: ea tamen nomina labore meo & studio ita



de Græcis prouenire, vt tamen Latina moneta percussa sint. Vel dicant nobis, Æmiliane, patroni tui, vbi legerint Latinè hæc pronuntiata vocabula. de solis aquatilibus dicam, nec cætera animalia nisi in communibus differentiis attingam. Ausculta igitur quæ dicam. Iam me clamabis magica nomina Ægyptio vel Babylonico ritu percensere GRÆCA VOCABULA. Possum etiam pergere. sed non est operæ in istis diem terere, vt sit mihi tempus aggredi ad cætera. hæc interim, quæ dixi, pauca recitata, Latinè à me enuntiata. VERSIO SUPERIORVM GRÆCORVM VOCABULORVM.

Vtrum igitur putas philosopho, non secundum Cynicam temeritatem rudi & indocto, sed qui se Platonice scholæ meminerit, vtrum ei putas turpe, scire ista an nescire? negligere, an curare? nosse quanta sit etiam in istis prouidentie ratio, an de Diis immortalibus matri & patri credere? Q. Ennius ædes Phagitica, quæ versibus scripsit, innumerabilia piscium genera enumerat, quæ scilicet curiosè cognouerat. Paucos versus memini. eos dicam:

*Omnibus vt Clypea præstat, mustela marina,  
Mures sunt AEni, ast aspra ostrea plurima Abydi,  
Nirylena est pecten, caprosque apud Ambracienses  
Brundusii sargus bonus est. hunc, magnus erit si,*

*Sume.*



*Sume. Apriculum piscem scito primum esse Tarenti.*

*Surrenti fac emas, glaucum Cumas apud. at quid?*

*Scarum præterij, cerebrum Iouis pæne supremi.*

*Nestoris ad patriam hic capitur magnusque bonusque.*

5 *Melanurum, curdum, merulamque, umbramque marinam.*

*Polypus Corcyra, caluaria pinguis Aterna*

*Purpura, muriculi, murex, dulces quoque echini.*

Alios etiam multis versibus decorauit, & vbi  
gentium quisque eorum inueniatur ostendit: qua-  
liter assus aut iussulentus optimè sapiat. nec tamen  
10 ab eruditis reprehenditur: ne ego reprehendar, qui  
res paucissimis cognitas Græcè, Latinè propriis &  
elegantibus vocabulis conscribo. Cùm hoc satis  
dixi, tum aliud accipe. Quid enim tandem, si medi-  
15 cinæ neque instudiosus, neque imperitus, quæpiam  
remedia ex piscibus quæro, vt sanè sunt plurima,  
cum in aliis omnibus rebus eodem naturæ munere  
interspersa atque interseminata, tum etiam non-  
nulla in piscibus. an remedia nosse, & ea conqui-  
20 rere, magi potius esse, quàm medici, quàm denique  
philosophi putas? qui illis non ad quæstum, sed ad  
suppetias vsurus est. Veteres quidem medici etiam  
carmina remedia vulnerum norant, vt omnis ve-  
tustatis certissimus auctor Homerus docet: qui fa-  
cit Vlixi de vulnere sanguinem profluentem sisti  
cantamine. Nihil enim quod salutis ferendæ gratia

G



fit, criminofum eft. *At enim*, inquit, *pifcem cui rei nifi  
male proſcidifti, quem tibi Themifon ſervus attulit*? Quafi  
verò non paulò prius dixerim, me de particulis  
omnium animalium, de fitu earum, deque nume-  
ro, deque cauſa conſcribere: ac libros *Ἀνατομῶν*,  
Ariſtoteli & explorare ſtudio, & augere. Atque  
adeò miror, quòd vnum à me piſciculum inſpectū  
ſciatis, cum iam plurimos qui vbicunque locorum  
oblati ſunt, æquè inſpexerim. præſertim quòd ego  
nihil clanculo, ſed omnia in propatulo ago, ac qui  
uis vel extrarius arbiter aſſiſtat: more hoc & inſti-  
tuto magiſtrorum meorum, qui aiunt, hominem  
liberum & magnificum debere, ſi queat, in primo-  
ri fronte animum geſtare. Hunc adeò piſciculum,  
quem vòs *leporem marinum* nominatis, plurimis  
qui aderant oſtendi. necdum etiam decerno quid  
vocent, niſi quæram fanè accuratius, quòd nec  
apud veteres philoſophos proprietatem eius piſcis  
reperio. quamquam ſit omnium rariffimà, & hercu-  
lè memoranda. Quippe ſolus ille, quantum ſciam,  
cùm ſit cætera exoffis, duodecim numero oſſa, ad  
ſimilitudinem talorum ſuillorum, in ventre eius  
connexa & catenata ſunt. Quod Ariſtoteles ſi  
ſciſſet, numquam proſectò omiſiſſet ſcripto pro-  
dere: qui aſelli piſcis ſolius omnium in mediâ aluo  
corculum ſitum pro maximo memoravit. *Piſcem*,  
inquit



inquit *proscidisti*. Hoc quis ferat philosopho crimen  
 esse, quòd lanio vel coco non fuisset? *Pisces prosci-*  
*disti*. quod crudum? id accusas? si cocto ventrem ru-  
 sparet, hepeticia suffoderem, ita ut apud te puerulus  
 5 ille Sicinius Pudens suomet obsonio dixit, eam  
 rem non putares accusandam? Atqui maius cri-  
 men est philosopho comesse pisceis, quàm inspi-  
 cere. An hariolis licet iocinera rimari, philoso-  
 pho contemplari non licebit? qui se sciat omnium  
 10 animalium aruspice, omnium Deum sacerdo-  
 tem? Hoc in me accusas, quod ego & Maximus in  
 Aristotele miramur? cuius nisi libros bibliothecis  
 exegeris, & studioforum manibus extorseris, ac-  
 cusare me non potes. Sed de hoc panè plura quàm  
 15 debui. Nunc præterea vide, quàm ipsi sese reuin-  
 cant. Aiunt, mulierem magicis artibus, marinis il-  
 lecebris à me petita eo in tempore, quo me nō ne-  
 gabunt in Gætuliæ mediterraneis montibus fuisse:  
 ubi pisces per Deucalionis diluvia reperiantur.  
 20 Quod ego gratulor nescire istos, legisse me Theo-  
 phraستي quoque Περὶ θαλασσίων καὶ βλητικών, & Nicandri,  
 Θηλειαν. Ceterum me etiam beneficij postularent: ut  
 qui hoc negotiū ex lectione & æmulatione Aristoteli  
 nactus sim: non nihil & Platone me adhortante,  
 qui ait, eum qui ista vestiget, *θερνεῖν ἀθάνατοι καὶ θεῖα*  
*αἴτια ἀληθείας ἐφάπτεται*. Nūc quoniam pisces horum



fatis patuerunt: accipe aliud, pari quidem stultitia,  
sed multo tanto vanius & nequius excogitatum.  
Scierunt & ipsi, argumētum piscarium futile, & ni-  
hili futurum: præterea nouitatem eius ridiculam.  
'Quis enim fando audiuit, ad maleficia Magica dis-  
quamari & exdorsari pisceis solere? Potius aliquid  
de rebus peruulgatioribus, & iam creditis fingen-  
dum esset. Igitur ad præscriptū opinionis & famæ,  
confinxere puerum quempiam carmine cantatum  
remotis arbitris, secreto loco, arula & lucerna, &  
paucis consciis testibus: ubi incantatus sit, cor-  
ruisse: postea nescientem sui, excitatum. Nec ultra  
isti quidem progredi mēdacio ausi. Etenim fabula  
ut impleretur, addendum etiam illud fuit, puerum  
eundem multa præfagio prædixisse. quippe hoc  
emolumentum canticis accipimus, præfagium &  
diuinationem. Nec modò vulgi opinione, verum  
etiam doctorum virorū auctoritate, hoc miracu-  
lū de pueris cōfirmatur. Memini me apud Varronē  
philosophum, virum accuratissimè doctum atque  
eruditum, cū alia huiusmodi, tum hoc etiam le-  
gere: Trallibus de euentu Mithridatici belli Ma-  
gica percontatione cōsulentibus, puerum in aqua  
simulacrum Mercurij contemplantem, quæ futura  
erant centum sexaginta versibus cecinisse. Itēque  
Fabium, cū quingentos denarios perdidisset, ad  
Nigi-



Nigidium consultum venisse: ab eo pueros carmine instinctos indicasse, vbi locorum defossa esset crumena, cum parte eorum: ceteri vt forent distributi: vnum etiam denarium ex eo numero habere  
5 M. Catonem philosophum. quem se à pedissequo in stipe Apollinis accepisse Cato confessus est. Hęc & alia apud plerosque de Magicis pueris lego equidem: sed dubius sententię sum, dicámne fieri posse, an negem. Quamquam Platoni credam, inter  
10 Deos atque homines, naturâ & loco medias quasdam diuorum potestates intersitas, easque diuinationes cunctas & Magorum miracula gubernare. Quin & illud mecum reputo, posse animum humanum, & puerilem præsertim, simplicemque, seu  
15 carminum auocamento, siue odorum delinimento soporari, & ad obliuionem præsentium externari: & paulisper remota corporis memoria, redigi ac redire ad naturam suam, quæ est immortalis scilicet, & diuina: atque ita, veluti quodam sopore, futura rerum prælagire. Verumenimuerò, vt ista sese habent, si qua fides hisce rebus impertienda est,  
20 debet ille nescio qui puer prouidus, quantum ego audio & corpore decorus atque integer deligi, & animo solers, & ore facundus: vt in eo aut diuina potestas, quasi bonis ædibus, diuersetur, si dignè tamen ea pueri corpore includitur: aut ipse animus

G iiij



expergitus, citò ad diuinationem suam redigatur: quæ ei promptè infita, & nulla obliuione faucia & hebes, facillè resumatur. Non enim ex omni ligno, vt Pythagoras dicebat, debet Mercurius exsculpi. Quod si ita est, nominate quis ille fuerit puer, sanus, incolumis, ingeniosus, decorus, quem ego carmine dignatus sim initiare. Cæterum Thallus, quem nominastis, medico potius quàm Mago indiget. est enim miser morbo comitali ita infectus, vt ter aut quater die sæpenumerò, sine vllis cantaminibus, corruat, omniâque membra conflictationibus debilitet: facie vlcerosus, fronte & occipitio conquassatus, oculis hebes, naribus hiulcus, pedibus caducus. Maximus omnium Magus est, quo præsentè Thallus diu steterit. ita plerumque morbo seu somno vergens inclinatur. Eum tamen vos carminibus meis subuersum dixistis, quòd fortè me coram semel decedit. Conserui eius plerique adsunt, quos exhiberi denuntiastis. Possunt dicere omnes, quid in Thallo dispiciât: cur nemo audeat cum eo ex eodem catino cænare, eodem poculo bibere. Et quid ego de seruis? vos ipsi videtis. Negate Thallum, multò prius quàm ego Oeam venirem, corruere eo morbo solitum, medicis sæpenumerò ostensum. Negant hoc conserui eius, qui sunt in ministerio vestro? Omnium rerû cōiunctum me



me fatebor , nisi de omnium consensu rus diu ab-  
legatus est, in longinquos agros, ne familiam con-  
taminaret. Quod ita factum, nec ab illis negari po-  
test: eò nec potuit hodie à nobis exhiberi. Nam, vt  
5 omnis ista accusatio temeraria & repentina fuit,  
nudiustertius nobis Æmilianus denūtiavit, vt ser-  
uos número quindecim apud te exhiberemus. Ad-  
sunt quatuordecim, qui in oppido erant. Thallus  
solus rus ablegatus, vt dixi, & quidem fermè ad cen-  
10 tesimum lapidē, longè ex oculis. Thallus solus ab-  
est, sed misimus qui eum curriculò aduehat. Inter-  
roga Maxime, quatuordecim seruos, quos exhibe-  
mus, Thallus puer vbi sit, & quàm saluè agat: inter-  
roga seruos accusatorum meorum. non negabunt,  
15 turpissimum puerum corpore putri & morbidò  
caducum, barbarum, rusticanū. Bellum verò pue-  
rum elegistis, quem quis sacrificio adhibeat, cuius  
caput contingat, quem pulcro pallio amiciat, à quo  
responsum speret. Vellem herculè adesset, tibi eum  
20 Æmiliane permissem, vt teneres ipse, vt inter-  
rogares. Iam in media quæstione, hic ibidem  
pro tribunali oculos truces in te inuertisset, fa-  
ciem tuam spumabundus conspuisset, manus con-  
traxisset, caput succussisset, postremò in sinu tuo  
corruisset. Quatuordecim seruos quos postula-  
sti, exhibeo: cur illis ad quæstionem nihil vteris,



vnum puerum, atque eum caducū, requiris, quem  
olim abesse pariter mecum scis? Quæ alia est euidē-  
tior calumnia? Quatuordecim serui petitu tuo ad-  
sunt, eos dissimulas: vnus puerulus abest, eum infi-  
mulas. Postremò quid vis? puta Thallum adesse. Vis  
probare, eum præsentem me concidisse? Vltrò confi-  
teor. Carmine id factum dicis? hoc puer nescit: ego,  
non factum, reuincō. Nunc, caducū esse puerum,  
ne tu audebis negare. Cur ergo carmini potius,  
quàm morbo attribuaturs eius ruina? An euenire  
non potuit, vt fortè præsentem me idem pateretur,  
quod sæpè alias multis præsentibus? Quod si ma-  
gnū putarem, caducū deiicere, quid opus car-  
mine fuit? cū incēsus gagates lapis, vt apud phy-  
sicos lego, pulchrè & facilè hunc morbum explora-  
ret: cuius odore etiam in venalitiis, vulgò sanitatem  
aut morbum venalium experiantur. Etiam orbis à  
figulo circumactus, non difficile eiusdem valitudi-  
nis hominē vertigine sui corripit: ita spectaculum  
rotationis, eius animum faucium debilitat: ac mul-  
tò plus ad caducos consternendos figulus valet,  
quàm Magus. Tu frustra postulasti vt seruos exhi-  
berem: ego nō de nihilo postulo, vt nomines, qui-  
nam testes huic piaculari sacro adfuerint, cū ego  
ruentem Thallum impellerē. Vnum omnino no-  
minas puerulum illum Sicinium Pudentem, cuius  
me no-



me nomine accusas: is enim affuisse se dicit. cuius  
pueritia etsi nihil ad religionem suffragaretur, ta-  
men accusatio fidem derogaret. Facilius fuit Æmi-  
liane, ac multo grauius, tete vt ipsum diceret inter-  
fuisse, & ex eo sacro cœpisse demētire potiùs, quàm  
totum negotium, quasi ludicrum, pueris donares.  
Puer cecidit, puer vidit. num etiam puer aliquis in-  
cantauit? Hic satis veteratoriè Tannonius Pudens,  
cùm hoc quoque mēdacium frigere, ac propè iam  
10 omnium vultu & murmure explosum videret: vt  
vel suspiciones quorundam spe moraretur, ait  
pueros alios producturum, qui sint æquè à me in-  
cantati. atque ita ad aliam speciem argumenti trās-  
gressus est. Quod quamquam dissimulare potui,  
15 tamen vt omnia, ita hoc quoque vltro prouoco.  
Cupio enim produci eos pueros, quos spe liberta-  
tis audio confirmatos ad mentiendum. Sed nihil  
amplius dico, quàm vt producant. Postulo igitur  
& flagito, Tannoni Pudēs, vt expleas quod es pol-  
20 licitus. Cedò pueros istos quibus cōfiditis. produc,  
nomina qui sint. mea aqua licet ad hoc vtare. Dic  
inquam Tannoni. quid taces? quid contaris? quid  
respectas? Quòd si hic nescit quid dixerit, aut no-  
mina oblitus est, at tu Æmiliane cede huc. dic  
quid aduocato tuo mandaueris. exhibe pueros.  
Quid expalluisti? quid taces? hoc cene accusare est?

H



hoccine tantum crimen deferre? an Claudium Maximum, tantum virum, ludibrio habere, me calumnia infectari? Quod si fortè patronus tuus verbo prolapsus est, & nullos pueros habes quos producas, saltem quatuordecim seruis, quos exhibui, ad aliquid vtire: aut cur sisti postulabas tantam familiam? Magiæ accusans de quindecim seruis denuntiasti: quòd si de vi accusares, quot tandem seruos postulares? Sciunt ergo aliquid quindecim serui, & occultum est? an occultum non est, & 10 Magicum est? Alterum horum fatearis necesse est: aut illicitum non fuisse in quo tot conscios non timuerim: aut si illicitum fuit, scire tot conscios non debuisse. Magia ista, quantum ego audio, res est legibus delegata, iam inde antiquitus duodecim 15 Tabulis propter incredundas frugum illecebras interdicta. Igitur & occulta non minus, quàm tetra & horribilis, plerumque noctibus vigilata, & tenebris abstrusa, & arbitris solitaria, & carminibus murmurata. cui non modò seruorum, 20 verùm etiam liberorum pauci adhibentur. Et tu quindecim seruos vis interfuisse? Nuptiæ ne illæ fuerunt, an aliud celebratum officium, an conuiuium tempestiuum? Quindecim serui sacrum Magicum participant, quasi Quindecimviri sacris faciundis creati. Cui tamen rei tot numero adhibuifsem,



sem, si conscientiae nimis multi sunt? Quindecim  
liberi homines, populus est: totidem serui, familia:  
totidem vincti, ergastulum. An adiutorio multi-  
tudo eorum necessaria fuit, qui diutinè hostias lu-  
5 straleis tenerent? At nullas hostias nisi gallinas no-  
minastis. An ut grana thuris numerarent? an ut  
Thallum prosternerent? Mulierem etiam liberam  
perductam ad me domum dixistis, eiusdem Thal-  
li valitudinis: quam ego pollicitus sim curaturum:  
10 eam quoque incantatam à me corruisse. Ut video,  
vos palæstritam, non Magum accusatum veni-  
stis: ita omnis qui me accesserint, dicitis cecidisse.  
Negavit tamen quærente te Maxime, Themison  
medicus, à quo mulier ad inspiciendum perducta  
15 est, quidquam ultra passam: nisi quæsisse me, Ec-  
quid illi aures obtinnirent, & vtra earum magis:  
ubi responderit, dextram sibi aurem nimis inque-  
tam, confestim decessisse. Hic ego Maxime quam-  
quam sedulò impræsentiarum à laudibus tuis tem-  
20 pero, nec ubi tibi ob causam istam videar blâditus,  
tamen solertiam tuam in percûtando nequeo quin  
laudem. Dudum enim cùm agitantur hæc, & illi  
incantatam mulierem diceret, medicus qui adfue-  
rat abnueret, quæsisisti tu nimis quàm prudenter,  
quòd mihi emolumentum fuerit incantandi: respon-  
derunt, ut mulier rueret. Quid deinde? mortua est?

H ij



inquis: negarunt. Quid ergo dicitis? quod Apuleij commodum, si ruisset? ita enim pulchrè ac perseueranter tertio quæsiuisti, ut qui scires omnium factorum rationes diligentius examinandas, ac sæpius causas quæri, facta concedi: eoque etiam patronos litigatorum causidicos nominari, quod cur quæque facta sint, expediant. Cæterum negare factum, facilis res est, & nullo patrono indiget: rectè factum vel perperam, docere, id verò multo arduum & difficile est. Frustra igitur, an factum sit, quæritur, quod nullam malam causam habuit ut fieret. Ita facti reus, apud bonum iudicem scrupulo quæstionis liberatur, si nulla fuit ei ratio peccandi. Nunc quoniam neque incantatam, neque prostratam mulierem probauerunt, & ego non nego petitu medici à me inspectam, dicam tibi Maxime, cur illud de aurium tinnitu quæsierim, non tam purgandi mei gratia in ea re quam tu iam præiudicasti neque culpæ neque crimini confinem, quàm ut ne quid auribus tuis & doctrinæ tuæ congruens reticuerim. Dicam igitur quàm breuissimè poterō. etenim admonendus es mihi, non docendus. Plato philosophus in illo præclarissimo Timeo cælesti quadam facundia vniuersum Mundum molitus, postquam de nostri quoque animi trinis potestatibus solertissimè disseruit, & cur quæque membra



bra nobis diuina prouidentia fabricata sint, aptissime demonstrauit : causam morborum omnium trifariam percenset. Primam causam primordiis corporis attribuit: si ipsæ elementorum qualitates, humida & frigida, & his duæ aduersæ non congruant. id adeo euenit, cum quæpiam earum modo excessit, aut loco demigravit. Sequens causa morborum inest in eorum vitio, quæ iam concreta ex simplicibus elementis, vna tamen specie coaluerunt : vt est sanguinis species, & visceris, & ossis & medullæ, porro illa quæ ex hisce singularibus mixta sunt. Tertiò, in corpore concrementa varij fellis, & turbidi spiritus, & pinguis humoris, nouissima ægritudinum incitamenta sunt. Quorum è numero præcipua sit materia morbi comitialis, de quo dicere exorsus sum, cum caro in humorem crassum & spumidum inimico igni conliquescit, & spiritu indidem parto ex candore compressi aëris albida & tumida tabes fluit. Ea namque tabes, si foras corporis prospirauit, maiore dedecore quàm noxa diffunditur. Pectoris enim primorem cutim vitiligine insignit, & omnimodis maculationibus conuariat. sed cui hoc usu venerit, numquam postea comitali morbo attentatur. Ita ægritudinem animi grauissimam, leui turpitudine corporis compēsat. Enimuero si pernicio-

H iij



sa illa albedo intus cohibita, & bili atræ sociata,  
venis omnibus furēs peruasit: deinde ad summum  
caput viam molita, dirum fluxum cerebro immif-  
cuit; illico regalem partem animi debilitat, quæ  
ratione pollens, verticem hominis velut arcem &  
regiam infedit. Eius quippe diuinas vias & sapien-  
tes meatus obruit & obturbat. quod facit minore  
perniciæ per soporem; cum potu & cibo plenos co-  
mitialis morbi prænuntia strangulatione modicè  
angit. Sed si vsque adeò aucta est, vt etiam vigi-  
lantium capiti offundatur: tum verò repentino  
mentis nubilo obtorpescent, & moribundo cor-  
pore cessante animo cadunt. Eum nostri non mo-  
dò maiorem & comitalem, verum etiam diui-  
num morbum, ita vt Græci *ἰσχυρὸν νόσον*, verè nuncu-  
parunt. videlicet quòd animi partem rationalem,  
quæ longè sanctissima est, eam violet. Agnoscis  
Maxime rationem Platonis, quantum potui pro  
tempore perspicuè explicatam, cui ego fidem arbi-  
tratus, causam diuini morbi esse, cum illa pestis in  
caput redundauit: haudquaquam videor de nihilo  
percōtatus, an esset mulieri illi caput graue, ceruix  
torpens, tempora pulsata, auris sonora. Et cæte-  
rum, quòd dextræ auris crebriores tinnitus fate-  
batur, signum erat morbi penitus adaecti. Nam  
dextera corporis validiora sunt. eoque minus spei ad  
sanita-



sanitatem relinquunt, cùm & ipsa ægritudini succumbūt. Aristoteles adeò in Problematis scriptum reliquit, quibus æquè caducis à dextero morbus occipiat, eorum esse difficiliore medelam. Longum est, si velim Theophrasti quoque sententiam de eodem morbo recensere. est enim etiam eius egregius liber *De caducus*. Quibus tamen in alio libro, quem *De non videntibus animalibus* conscripsit, remedio esse ait exuuias stellionum, quas velut senium, more cæterorum serpentium, temporibus statutis exuant: sed nisi confestim eripias, malignone præfagio, an naturali adpetentia, illico conuertuntur, & deuorant. Hęc idcirco commemoraui, nobilium philosophorum disputata, simul & libros sedulò nominaui, nec vllum ex medicis aut poëtis volui attingere, vt isti desinant mirari, si philosophi suapte doctrina causas morborum & remedia nouerunt. Igitur cùm ad inspiciendum mulier ægra, curationis gratiâ, ad me perducta sit, atque hoc, & medici confessione qui adduxit, ad meam ratiocinationem rectè factum esse conueniat: aut constituent, Magi & malefici hominis esse, morbis mederi: aut si hoc dicere non audent, fateantur se in puero & muliere caducis vanas & prorsus caducas calumnias intendisse. Imò enim, si audire verum velis Æmiliane, tu potiùs caducus,



qui iam tot calumniis cecidisti. Neq; enim grauius est corpore quàm corde collabi: pede potius quàm mente corruere: in cubiculo despui, quàm in isto splendidissimo cœtu detestari. At tu fortasse te putas sanum, quòd non domi cõtineris, sed in saniam, tuam, quoquò te duxerit, sequeris. Atqui si contendere vis furorem tuum cum Thalli furore; inuenies non permultum interesse: nisi quod Thallus sibi, tu etiam aliis furis. Cæterum Thallus oculos torquet, tu veritatem: Thallus manus contrahit,<sup>10</sup> tu patronos: Thallus pauimentis illiditur, tu tribunalibus. Postremò ille quidquid agit, in ægritudine facit, ignorans peccat: at tu, miser, prudens & sciens delinquis: tanta vis morbi te instigat. falsum pro vero insimulas, infectum pro factocrimina-<sup>15</sup> ris. quẽ innocentem liquidò scis, tamen accusas vt nocentem. Quin etiam, quod præterij, sunt quæ fatearis nescire: & eadem rursus, quasi scias, criminaris. Ais enim, me habuisse quædam sudariola inuoluta apud Lareis Pontiani. Ea inuoluta quæ &<sup>20</sup> cuiusmodi fuerint, nescisse te cõfiteris: neque præterea quemquam esse qui viderit. tamen illa contendis instrumenta Magiæ fuisse. Nemo tibi blandiatur Æmiliane. Non est in accusando versutia, ac ne impudẽtia quidem, ne tu arbitreris. Quid igitur? furor infelix acerbi animi, & misera insania crudæ



crudæ senectutis. His enim pænè verbis cum tam  
gravi & perspicaci iudice egisti : *Habuit Apuleius*  
*quæpiam linteolo inuoluta apud Lareis Pontiani. hæc quo-*  
*nam ignoro quæ fuerint, idcirco Magica fuisse contendo. cre-*  
*s de igitur mihi quod dico, quia id dico quod nescio.* O pulcra  
argumenta, & apertè crimen reuincientia! Hoc fuit,  
quoniam quid fuerit ignoro. Solus repertus es Æ-  
miliane, qui scias etiam illa quæ nescis. Tantum su-  
per omneis stultitiâ euectus es. quippe qui solertis-  
10 simi & acerrimi philosophorum fuerūt, ne iis qui-  
dem confidendum esse aiunt, quæ videmus. At tu  
de illis quoque affirmas, quæ neque cōspexisti vm-  
quam, neque audisti. Pontianus si viueret, atque  
eū interrogares quæ fuerint in illo inuolucro; ne-  
15 scire se responderet. Libertus etiam ille qui claues  
eius loci in hodiernum habet, & à vobis stat, num-  
quàm se ait inspexisse : quamquam ipse aperiret,  
(vt pote promus librorum qui illic erant conditi,) pænè  
quotidie, & clauderet: sæpe nobiscum, multo  
20 sæpius solus intraret, linteum in mensa positum  
cerneret, sine vllō sigillo, sine vinculo. Quid ni  
enim? Magicæ res, in eo occultabantur: eò negli-  
gentiùs adseruabam. Sed enim liberè scrutandum  
& inspiciendum, si liberet, etiam auferendum, te-  
merè exponebam, alienæ custodiæ commenda-  
bam, alieno arbitrio permittebam. Quid igitur



impræsentiarum vis tibi credi, quod ne Pontianus  
quidem sciret, qui indiuiduo contubernio mecum  
vixit, id te scire, quem numquam viderim nisi pro  
tribunali? An quod libertus assiduus, cui omnis fa-  
cultas inspiciendi fuit, quod is libertus nō viderit,  
te, qui numquam eò accesseris, vidisse? denique  
ut quod nō vidisti, id tale fuerit, quale dicis? Atqui  
stulte, si hodie illud sudariolum tu intercepisses,  
quidquid ex eo promeres, ego Magicum negarem.  
Tibi adeò permitto, finge quiduis, reminiscere, ex-  
cogita, quod possit Magicum videri: tamen de eo  
tecum decertarem. aut ego subiectum dicerem,  
aut remedio acceptum, aut sacro traditum, aut  
somnia imperatum. Mille alia sunt, quibus pos-  
sem more cōmuni & vulgatissima obseruationum  
consuetudine verè refutare. Nunc id postulas,  
ut quod deprehensum & detentum, tamen nihil  
me apud bonum iudicem læderet, id inani suspi-  
cione incertum & incognitum condemnet. Haud  
sciam, an rursus ut soles, dicas: *Quid ergo illud fuit,*  
*quod linteo tectum, apud Lareis potissimū deposuisti?* Ita ne  
est Æmiliane? sic accusas, ut omnia à reo percon-  
tère, nihil ipse adferas cognitum. *Quamobrem pis-*  
*ceis quæris? Cur ægram mulierem inspexisti? quid in sudario*  
*habuisti insutum?* Accusatum an interrogatum ve-  
nisti? Si accusatum, tute argue quæ dicis: si in-  
terro-



terrogatum , noli præiudicare quid fuerit , quod  
ideò te necesse est interrogare , quia nescis. Cate-  
rùm hoc quidem pacto omneis homines rei con-  
stituentur: si ei qui nomen cuiuspiã detulerit, nulla  
5 necessitas sit probandi, omnis contrà facultas per-  
cõtandi. Quippe omnibus sicut fortè negotiũ Ma-  
giæ faceßitur, quidquid omnino egerint, obicie-  
tur. Votũ in alicuius statuẽ femore assignasti: igitur  
Magus es: aut cur signasti? Tacitas preces in tem-  
10 plo Deis allegasti? igitur Magus es: aut quid opta-  
sti? Contrà, nihil in templo precatus es: igitur Ma-  
gus es: aut cur Deos non rogasti? Similiter si po-  
fueris donũ aliquod, si sacrificaueris, si verbenam  
sumpseris. Dies me deficiet, si omnia velim perfe-  
15 qui, quorum rationem similiter calumniator flagi-  
tabit. præsertim quod conditum cunque, quod  
obsignatum, quod inclusum domi adseruatur, id  
omne eodem argumento Magicum dicetur: aut è  
cella promptuaria in forũ atque in iudicium pro-  
20 feretur. Hæc quanta sint, & cuiusmodi, Maxime,  
quantũque campus calumniis hoc Æmiliani tra-  
mite aperiatur, quantũque sudores innocentibus  
hoc vno sudariolo adferantur, possem equidem  
pluribus disputare. sed faciam quod institui. etiam  
quod non necesse est confitebor: & interrogatus  
ab Æmiliano respondebo. Interrogas Æmiliane

I ij



quid in sudario habuerim. at ego, quamquam omnino positum vllum sudarium meum in biblio theca Pontiani possim negare, tamē Maxime fuisse concedam: cū habeam dicere, nihil in eo inuolutum fuisse: quæ fudicam, neque testimonio aliquo, neque argumento reuincar. Nemo enim qui attigerit est: vnus libertus, vt ais, qui viderit: tamen inquam, per me licet fuerit repertissimū. si cenim, si vis, arbitrare: vt olim Vlixis socij thesaurum reperisse arbitrati sunt, cū vtrem ventosissimum manticularentur. Vin dicam, cuiusmodi illas res in sudario obuolutas, Laribus Pontiani commendarem? Mos tibi geretur. Sacrorum pleraque initia in Græcia participauī. Eorum quædam signa & monumenta tradita mihi à sacerdotibus sedulo conseruo. Nihil insolitum, nihil incognitum dico: vel vnus Liberi patris symmista, qui adestis, scitis; quid domi conditum celetis, & absque omnibus profanis tacitè veneremini. At ego, vt dixi multiuga sacra, & plurimos ritus, varias ceremonias, studio veri & officio erga Deos didici. Nec hoc ad tempus compono: sed abhinc fermè triennium est, cū primis diebus quibus Oeam veneram, publicè differēs de Æsculapij maiestate, eadem ista præ me tuli, & quot sacra nossē percensui. Ea disputatio celebratissima est: vulgò legitur: in omniū manibus



manibus versatur, non tam facundiâ meâ, quàm  
mentionē Æsculapij, religiosiſ Ocenſibus com-  
mendata. Dicite aliqui, ſi quis fortè meminit, hu-  
ius loci principium. Audisne Maxime multos fug-  
gerentes? immò ecce etiam liber offertur, recitari i-  
pſa hæc iubebo: quoniam ostendis humaniſſimo  
vultu, auditione te iſta non grauari. L O C V S E X  
O R A T I O N E A P V L E I O E A E H A B I T A. Etiâm-  
ne cuiquam mirum videri poteſt, cui ſit vlla me-  
10 moria religionis, hominem tot myſteriis Deûm  
conſcium, quædam ſacrorum crepundia domi ad-  
ſeruare? atque ea lineo textu inuoluere, quod puriſ-  
ſimum eſt rebus diuinis velamentum? Quippe la-  
na, ſegniſſimi corporis excrementum, pecori de-  
15 tracta, iam inde Orphei & Pythagoræ ſcitis, profa-  
nus veſtitus eſt. Sed enim mundiſſima lini ſeges,  
inter optimas fruges terra exorta, non modò indu-  
tui & amiſtui ſanctiſſimis Ægyptiorum ſacerdoti-  
bus, ſed opertui quoque inde rebus ſacris uſurpa-  
20 tur. Atque ego ſcio nonnullos, & cum primis Æ-  
milianum iſtum, ſacetiæ ſibi habere, res diuinas de-  
ridere. Nam, ut audio, per cenſentibus iis qui iſtum  
nouère, nulli Deo ad hoc æui ſupplicauit, nullum  
templum frequentauit. ſi ſanum aliquod prætereat,  
neſas habet, adorandi gratia manum labris admo-  
uere. Iſte verò nec Diis rurationis, qui cum paſcūt

I iij



ac vestiunt, segetis villas, aut vitis aut gregis primitias impartit. nullum in villa eius delubrum situm, nullus locus aut lucus consecratus. Et quid ego de luco & delubro loquor? Negant vidisse se, qui fuere, vnum saltem in finibus eius aut lapidem vinctum, aut ramum coronatum. Igitur agnomenta ei duo indita: Charon, ut iam dixi, ob oris & animi diritatem: sed alterum quod libentius audit, ob Deorum contemptum, Mezentius. Quapropter facile intelligo, hasce ei tot initiorum enumerationes nugas videri: & forsan, ne ob hanc diuini contumaciam non inducat in animum, verum esse quod dixi, me sanctissime tot sacrorum signa & memoracula custodire. Sed ego quid de me Mezentius sentiat, manum non vorterim. Cæteris autem clarissima voce profiteor, si qui fortè adest eorumdem solemnum mihi particeps, signum dato, & audiat licet quæ ego adseruem. Nam equidem nullo vnquam periculo compellar, quæ reticenda accepi, hæc ad profanos annuntiare. Ut putato, Maxime, satis videor cuius vel iniquissimo animum explese, & quod ad sudarium pertineat, omnem criminis maculâ deterfisse: ac bono iam periculo ad testimonium illud Crassi, quod post ista quasi grauissimū legerūt, à suspicionibus Æmiliani transcensurus. Testimonium ex libello legi audisti



audisti gumia cuiusdam, & desperati lurconis, Iu-  
nij Crassi, me in eius domo nocturna sacra cū Ap-  
pio Quintiano amico meo factitasse, qui ibi mer-  
cede deuersabatur. Idque se ait Crassus, quamquam  
5 eo tempore vel Alexandria fuerit, tamen à cæde &  
fumo & auium plumis cōperisse. Scilicet eum, cū  
Alexandrię symposia obiret: (est enim Crassus iste,  
qui non inuitus de die in ganeas correpat: ) in illo  
cauponis nidore pinnas de penatibus suis adue-  
10 ctas, aucupantem, fumū domus suæ agnouisse, pa-  
trio culmine longè exortum. Quem si oculis vidit,  
ultra Vlixī vota & desideria hic quidem est ocula-  
tus. Vlixes fumum terra sua emergentem complu-  
ribus annis è littore prospectans, frustra captauit:  
15 Crassus in paucis quibus abfuit mensibus, eundem  
fumum, sine labore in taberna vinaria sedens, con-  
spexit. Sin verò naribus nidore domesticum præ-  
sensit, vincit idem sagacitate odorandi canes &  
vulturios. Cui enim cani, cui vulturio Alexandrini  
20 cæli, quidquā abusque Oeenfium finibus oboleat?  
Est quidem Crassus iste summus helluo, & omnis  
fumi non imperitus. sed profectò pro studio bi-  
bendi, quo solo censetur, facilius ad eum Alexan-  
driam vini aura quàm fumi perueniret. Intellexit  
hoc & ipse incredibile futurum. Nam dicitur ante  
horam diei secundam, ieiunus adhuc & abstemius,



testimonium istud vendidisse. Igitur scripsit, hæc  
se ad hunc modum comperisse. Postquam Alexan-  
dria reuenerit, domum suam rectà contendisse, ex  
qua iā Quintianus migrarat. ibi in vestibulo mul-  
tas auium pinnas offendisse: præterea parietes fuli-  
gine deformatos: quæsisse causas ex seruo suo quem  
Oeæ reliquerit, eumque sibi de meis & Quintiani  
nocturnis sacris indicasse. Quàm verò subtiliter  
compositum, & verisimiliter commentum, me, si  
quid eius facere vellem, non domi meæ potius fa-  
cturum? Quintianum istum qui mihi assistit, quem  
ego pro amicitia, quæ mihi cum eo artificissima est,  
proque eius egregia eruditione, & perfectissima e-  
loquentia, honoris & laudis gratia nomino: hunc  
igitur Quintianum, si quas auis in cæna habuisset, 15  
aut quod aiunt, Magiæ causa interemisset, puerum  
nullum habuisse qui pinnas conuerneret, & foras  
abiiceret? præterea fumi tantam vim fuisse, ut pa-  
rietes atros redderet: eamque deformitatem, quoad  
habitauit, passum in cubiculo suo Quintianum? 20  
Nihil dicis Æmiliane. non est verisimile. nisi fortè  
Crassus nō in cubiculum reuersus perrexit, sed suo  
more rectà ad focum. Vnde autem seruus Crassi su-  
spicatus est, noctu potissimum parietes fumigatos?  
an ex fumi colore? videlicet fumus nocturnus ni-  
grior est, eoque diurno fumo differt? Cur autem  
suspica



fuspica seruus, ac tam diligens, passus est Quintia-  
num migrare prius, quàm mundam domum red-  
deret? Cur illæ plumæ, quasi plumbeæ tamdiu, vs-  
que ad aduentum Crassi manserunt? Non insimu-  
let Crassus seruum suum? sed ipse hæc potius de fu-  
ligine & pinnis mentitus est, dum non potest nec  
in testimonio dando discedere longius à culina.  
Cur autem testimonium ex libello legistis? Crassus  
ipse ubi gentium est? An Alexandriam tædio do-  
10 mus remeavit? an parietes suos detergit? an, quod  
verius est, ex crapula helluo attentatur? Nam equi-  
dem hæc fabra tecum hesternæ die animaduerti sa-  
tis notabiliter in medio foro tibi Æmiliane obru-  
ctantem. Quære à nomenclatoribus tuis Maxime,  
15 quamquam est ille cauponibus quàm nomencla-  
toribus notior: tamen inquam interroga, an hic  
Iunium Crassum Oenssem viderint, non negabunt.  
Exhibeat nobis Æmilianus iuuenem honestissi-  
mum, cuius testimonio nititur. Quid sit dici vides.  
20 Dico Crassum iamdudum ebrium stertere, aut se-  
cundo lauacro, ad repotia cænæ obeunda, vinolē-  
tum sudorem in balneo desudare. Iste cum maxi-  
mè præsens per libellum loquitur, non quin adeò  
sit alienatus omni pudore, vt etiam sub oculis tuis si  
foret, sine rubore vlllo mentiretur: sed fortasse nec  
tantulum potuit ebrius sibi temperare, vt hanc ho-

K



ram sobriè expectaret, aut potius Æmilianus de  
consilio fecit, ne cum sub tam seueris oculis tuis  
constitueret, ne tu belluam illam vulsis maxillis,  
fædo aspectu, de specie improbares: cùm animad-  
uertisses caput iuuenis barba & capillo populatum,  
madentes oculos, cilia turgentia, rictum: saliuosa  
labia, vocem absonam, manuum tremorem, ru-  
ctus. Nam patrimonium omne iam pridem abli-  
gurriuit: nec quidquam ei de bonis paternis su-  
perest, nisi vna domus ad calumniã venditandam. 10  
quam tamen numquam carius quàm in hoc testi-  
monio locauit. Nam temulentum istud menda-  
cium tribus milibus nummis Æmiliano huic ven-  
didit: idque Oeæ nemini ignoratur. Omnes hoc,  
antequam fieret, cognouimus. & potui denuncia- 15  
tione impedire, nisi scirem mendacium tã stultum  
potius Æmiliano, qui frustra redimebat, quàm  
mihi, qui meritò contemnebã, obfuturum. Volui  
& Æmilianum damno affici, & Crassum testimo-  
nij sui dedecore prostitui. Cæterum nudiustertius 20  
haudquaquam occulta res acta est in Rufini cuius-  
dam domo, de quo mox dicam, intercessoribus &  
deprecatorib<sup>9</sup> ipso Rufino & Calpurniano. Quod  
eo libentius Rufinus perfecit, quòd erat certus, ad  
uxorem suam, cuius stupra sciens dissimulat, non  
minimam partem præmij, eius Crassum relaturum.

Vidi



Vidi te quoque Maxime, coitionem aduersum me,  
& coniurationem eorum pro tua sapientia suspi-  
catum, simul libellus ille prolatus est, totam rem  
vultu aspernantem. Denique quamquam sunt so-  
luta audacia & importuna impudentia præditi, ta-  
men testimonium Crassi, cuius oboluisse sæcem  
videbant, nec ipsi ausi sunt perlegere, nec quidquã  
eo niti. Verùm ego ista propterea commemoravi,  
non quòd pinnarum formidines, & fuliginis ma-  
culam, te præsertim iudice, timerem: sed vt ne im-  
punitũ Crasso foret, quòd Æmiliano homini ru-  
stico fumum vendidit. Vnde etiam crimen ab il-  
lis, cum Pudentillæ litteras legerent, de cuiusdam  
figilli fabricatione prolatus est. quod me aiunt ad  
15 Magica maleficia occulta fabrica, ligno exquisi-  
tissimo cõparasse: & cùm sit sceleti forma turpe &  
horribile, tamen impendio colere, & Græco voca-  
bulo nuncupare βασιλέα. Nisi fallor, ordine eorum  
vestigia persequor, &, singillatim apprehendens,  
20 omnem calumniæ textum retexo. Occulta fuisse fa-  
bricatio figilli, quod dicitis, quĩ potest? cuius vos  
adeò artificem non ignorastis, vt ei, vtĩ præstò ef-  
fet, denuntiaueritis? En, adest Cornelius Satur-  
ninus artifex, vir inter suos & arte laudatus, &  
moribus comprobatus, qui tibi. Maxime, paulo  
antè diligenter sciscitanti, omnem ordinem gestæ

K ij



rei summa cum fide & veritate percensuit: me, cùm apud eum multas geometricas formas è buxo vidissem subtiliter & adfabrè factas, inuitatum eius artificio, quædam mechanica, vt mihi elaboraret, petisse: simul & aliquod simulacrum cuiuscunque; vellet Dei, cui ex more meo supplicarem, quacunque materia, dummodò lignea exsculperet. igitur primò buxeam tentasse. interim dum ego ruri ago, Sicinium Pontianum priuignum meum, qui mihi factum volebat, impetratos hebeni loculos à muliere honestissima Capitolina ad se attulisse: ex illa potius materie rariore & durabiliore, vti faceret, adhortatum: id munus cum primis gratum mihi fore. ex ea se fecisse, perinde vt loculi suppetebant. Ita minutatim ex tabellis compacta crassitudine Mercuriolum expediri potuisse. Hæc, vt dico, omnia audisti. Præterea à filio Capitolinæ probissimo adolescente, qui præsens est, sciscitante te, eadem dicta sunt: Pontianum loculos petisse, Pontianum Saturnino artifice detulisse. Etiam illud non negatur, Pontianum à Saturnino perfectum sigillum recepisse, & postea dono mihi dedisse. His omnibus palàm atque apertè probatis, quid omnino superest, in quo suspicio aliqua Magiæ delitescat? immo quid omnino est quod vos manifesti mendacij non reuincat? Occultè fabricatum



catum esse sigillum dixistis, quod Pontianus splen-  
didissimus eques fieri curavit : quod Saturninus,  
vir gravis, & probè inter suos cognitus, in taber-  
nula sua sedens, propalam exsculpsit : quod orna-  
tissima matrona munere suo adiuuit : quod & fu-  
turum, & factum multi cum seruorum, tum ami-  
corum, qui ad me ventitabant, scierunt. Lignum à  
me toto oppido, & quidem oppidò quæsitum, nō  
piguit vos commentiri: quem quidem abfuisse eo  
10 tempore scitis. quem iussisse fieri qualicunque ma-  
teria probatum est. Tertium mendacium vestrum  
fuit, macilētam, vel omnino euisceratam formam  
diri cadaueris fabricatam, prorsus horribilem &  
larualem. Quòd si compertum habebatis adeo cui-  
15 dens signum Magiæ : cur mihi vt exhiberem non  
denuntiastis ? An vt possetis in rem absentem li-  
berè mentiri ? Cuius tamen falsi facultas, oppor-  
tunitate quadam meæ cōsuetudinis vobis adempta  
est. Nam morem mihi habeo, quoquò eam simula-  
20 crum alicuius Dei inter libellos conditum gestare:  
eiq; diebus festis, thure & mero, & aliquādo victi-  
mis supplicare. Dudum ergo cū audirem sceletum  
perquam impudēti mendacio dictitari: iussi curri-  
culo iret aliquis, & ex hospitio meo Mercuriolum  
afferret, quem mihi Saturninus iste Oeæ fabrica-  
tus est. Cedò tu: eum videant, teneant, considerent.

K iij



En vobis, quem scelestus ille sceletum nominabat. Auditis ne reclamationem omnium qui adsunt? Auditis ne mendacij vestri damnationem? Non vos tot calumniarum tandem dispudet? Hiccine est sceletus? hæccine est larua? hocce est quod appellabatis Dæmonium? Magicum ne istud, an solemne & commune simulacrum est? Accipe quæso Maxime, & cōtemplare: bene tam puris & tam piis manibus tuis traditur res cōsecrata. En, vide quàm facies eius decora & succi plena sit, quàm hilaris Dei<sup>10</sup> vultus: vt decenter vtrimq; lanugo malis deserpat: vt in capite crispatus capillus sub imo pilei umbraculo appareat: quàm lepidè super tēpora pares pinnulæ emineant: quā autem festiuè circa humeros vestis suscripta sit. Hunc qui sceletum audet<sup>15</sup> dicere, profectò ille simulacra Deorum nulla videt, aut omnia negligit. Hunc denique qui Laruam putat, ipse est laruatus. At tibi Æmiliane, pro isto mendacio, duat Deus iste, Superum & Inferum cōmeator vtrorumq; Deorum malam gratiam, semperq; obuias species mortuorum, quidquid Umbrarum est vsquam, quidquid Lemurum, quidquid Manium, quidquid Laruarum oculis tuis oggerat: omnia noctium occursacula, omnia bustorum formidamina, omnia sepulcrorum terriculamenta, à quibus tamen æuo & merito haud longè abes. Ceterum



terum Platonica familia nihil nouimus nisi festum  
 & lætum & solemne & superum & cæleste. Quin  
 altitudinis studio secta ista etiam cælo ipso subli-  
 miora quæpiâ vestigauit, & in extimo mûdi tergo  
 5 degit. Scit me vera dicere Maximus, qui πὲν ὑπερ-  
 βαρύνειον τόπον ὅτι τῷ τοῦ οὐρανοῦ ἰσχύϊ legit in Phædro di-  
 ligenter. Idem Maximus optimè intelligit, vt de  
 nomine etiam vobis respondeam, quisnam sit ille  
 non à me primo, sed à Platone nuncupatus βασιλεὺς,  
 10 totius rerum naturæ causa, & ratio & origo initia-  
 lis, summus animi genitor, æternus animatum sos-  
 pitator, assiduus mûdi sui opifex. Sedenim sine ope-  
 ra opifex, sine cura sospitator, sine propagatione  
 genitor: neque loco, neque tempore, nec vice vlla  
 15 comprehensus, eoque paucis cogitabilis, nemini effa-  
 bilis. En, vltro augeo Magiæ suspensionem. non re-  
 spōdeo tibi Æmiliane quem colam βασιλέα. Quin  
 si ipse proconsul interroget, quid sit Deus meus, ta-  
 cebo. De nomine, vt impræsentiarum satis dixi.  
 20 Quod superest, nec ipse sum nescius, quosdam cir-  
 cumstantium cupere audire, cur non argento vel  
 auro, sed potissimum ex ligno simulacrû fieri vo-  
 luerim, idque eos arbitror tam ignoscendi quàm  
 cognoscendi causa desiderare: vt hoc etiam scrupulo liberetur, cum viderint omnem suspensionem  
 criminis abundè confutatam. Audi igitur, cui cu-



ra cognoscere est : sed animo quantum potes erecto & attento , quasi verba ipsa Platonis iam senis, de nouissimo Legum libro auditurus : *Θεοῖσι δὴ ἀναθήματα χρῶν ἑμμετρα τὸν μέτριον ἀνδρα ἀναπιδέντα δωρεῖσθαι. Γῆ μὲν δὲν ἐστὶ αὖτε οἰκησεως, ἱερὰ πᾶσι πάντων θεῶν· μηδὲ εἰς οὐδὲν δευτέρως ἱερὰ καὶ θιεράτω θεοῖς.* Hoc eò prohibet, vt delubra nemo audeat priuatim constituere. Censet etenim satis esse ciuibus , ad immolandas victimas; templa publica. Deinde subnectit: *χρυσὸς δὲ καὶ ἀργυρὸς ἐν ἄλλαις πόλεσιν ἰδίᾳ τε, καὶ ἐν ἱεροῖς ἐστὶν ὑπὸ φθορῶν κτήματ' ἐλέφαντες δὲ ὑπολειποῦτος ψυχρὸν σώματος, καὶ οὐ χερὲς ἀνάθημα· σίδηρος δὲ καὶ χαλκός, πόλεμον ὄργανα. ξύλα δὲ μονόξυλον δ', πᾶν ἐδέλη τις ἀναπιδέτω, καὶ λίθ' ὡσαύτως πρὸς τὰ κοινὰ ἱερὰ.* Vt omnium assensus declarauit, maximèque qui in consilio estis, competentissimè videor vsus Platone, vt vitæ magistro, ita causæ patrono, cuius legibus obedi-  
tem me videtis.

Nunc tempus est ad epistolas Pudentillæ præuerti, vel adeò totius rei ordinem paulò altiùs petere: vt omnibus manifestissimè pateat, me, quem lucri cupiditate inuasisse Pudentillæ domum dictitant, si vllum lucrum cogitarem, fugere semper à domo ista debuisse: quin & in ceteris causis minimè prosperum matrimonium, & nisi ipsa mulier tot incommoda virtutibus suis repensaret, inimicum. Neque enim vlla alia causa præter cassam inuidiam, reperiri potest, quæ iudicium istud mihi, &  
multa



multa antea pericula vitæ conflauerit. Cæterum  
cur Æmilianus commoueretur, etsi verè me Ma-  
gum comperisset, qui non modò vllò facto, sed  
ne tantulo quidem dicto meo læsus est, vt videre-  
tur se meritò vltum ire? Neque autem gloriæ causa  
me accusat, vt M. Antonius Cn. Carbonem, C. Mu-  
tius A. Albutium, P. Sulpitius Cn. Norbanus, C. Fu-  
rius M. Aquilius, C. Curio Q. Metellus. Quippe  
homines eruditissimi, iuuenes laudis gratia primū  
10 hoc rudimentum forensis operæ subibant: vt ali-  
quo insigni iudicio ciuibus suis noscerentur. Qui  
mos incipiētibus adulescentulis, ad illustrandū in-  
genij florem, apud antiquos concessus, diu exole-  
uit. quòd si nunc quoque frequens esset, tamen ab  
15 hoc procul abfuisset. Nā neque faciūdiæ ostentatio  
rudi & indocto, neq; gloriæ cupido rustico & bar-  
baro, neq; inceptio patrociniōrū capulari seni cō-  
gruisset. nisi fortè Æmilianus, pro sua seueritate,  
exemplum dedit, & ipsis maleficiis infensus, accu-  
20 sationem istam, pro morum integritate, suscepit.  
At hoc ego Æmiliano, non huic Afro: sed illi Afri-  
cano, & Numantino, & præterea Censorio vix cre-  
didissem: ne huic frutici credam non modò odium  
peccatorum, sed saltem intellectum inesse. Quid i-  
gitur est? Cuius clarè dilucet aliā rem Inuidia nul-  
lam esse: quæ hunc, & Herennium Rufinum, im-

L



pulforem huius, de quo mox dicā, ceterosque inimicos meos, ad nectendas Magiæ calumnias pro-uocarit. Quinque igitur res sunt, quas me oportet disputare. Nā si probè memini, quod ad Pudentillam attinet hæc obiecere. Vna res est, quod *numquam eam voluisse nubere post priorem maritum, sed meis carminibus coactam* dixere: altera res est *de epistolis eius,* quam confessionem Magiæ putant: deinde *sexagesimo anno ætatis ad libidinem nupsisse:* & quod in villa, ac non in oppido, *tabulæ nupciales sint consignatæ,* tertio & 10 quarto loco obiecere. Nouissima & eadem inuidiosissima criminatio *de dote* fuit. ibi omne virus totis viribus adnixa effudere: ibi maximè angebantur. Atque ita dixere: me grandem dotem mox in principio coniunctionis nostræ, mulieri amanti, 15 remotis arbitris, in villa extorsisse. Quæ omnia tam falsa, tam nihili, tam inania ostendam, adeoque facile & sine vlla controuersia refutabo; vt medius fidius verear Maxime, quique in consilio estis, ne dimissum & subornatum à me accusatorem pute- 20 tis, vt inuidiam meam reperta occasione palam restingerem. Mihi credite, quod reapse intelligetur, oppidò quàm mihi laborandum est, ne tam friuolam accusationem me potius callidè excogitasse, quàm illos stultè suscepisse existimetis. Nunc dum ordinem rei breuiter persequor, & efficio vt ipse  
Am i-



Æmilianus recognoscat falso se ad inuidiam  
meam inductum, & longè à vero aberrasse necesse  
habeat confiteri; quæso, vti adhuc feceritis, vel si  
quo magis etiam potestis, ipsum fontem & funda-  
mentum mendacij huiusce diligentissimè cogno-  
scatis. Æmilia Pudentilla, quæ nunc mihi vxor  
est, ex quodam Sicinio Amico, quicum antea nu-  
pta fuerat, Pontianum & Pudentem filios genuit:  
eosque pupillos in potestate aui relictos paterni,  
10 (nā superstitè patre Amicus decesserat) per annos  
fermè quatuordecim memorabili pietate sedulò  
aluit. Non tamen libenter in ipso ætatis suæ flo-  
re tam diu vidua, sed puerorum auus, inuitam eam  
conciliare studebat alteri filio suo Sicinio Claro.  
15 eoque ceteros procos absterrebat, & præterea mi-  
nabatur, si extrario nupsisset, nihil se filiis eius ex  
paternis eorum bonis testamento relicturum.  
Quam conditionem cum obstinatè propositam  
videret mulier sapiens, & egregiè pia: ne quid  
20 filiis suis eo nomine incommodaret, facit qui-  
dem tabulas nuptiales, cum quo iubebatur, cum  
Sicinio Claro: verum enim verò vanis frustra-  
tionibus nuptias eludit, eo ad, dum puerorum  
auus fato concessisset, relictis filiis eius heredi-  
bus: ita vt Pontianus, qui maior natu erat, fratri  
suo tutor esset. Eo scrupulo liberata, cum à princi-

L ij



pibus viris in matrimonium peteretur, decreuit,  
 sibi diutius in viduitate non permanendū. Quippe  
 vt solitudinis tedium perpeti posset: tamen ægri-  
 tudinem corporis ferre nō poterat. Mulier sanctē  
 pudica, tot annis viduitatis sine culpa, sine fabula, 5  
 assuetudine coniugis torpens, & diutino situ vis-  
 cerum faucia, vitiatas intimis vteri, sæpe ad extre-  
 mum vitæ discrimen doloribus obortis exanima-  
 batur. Medici cum obstetricibus consentiebant,  
 penuria matrimonij morbum quæsitum, malum 10  
 in dies augeri, ægritudinem ingrauescere: dum æta-  
 tis aliquid superfit, nuptiis valitudinem medican-  
 dum. Consilium istud cū alij approbarent, tum  
 maximè Æmilianus iste, qui paulo prius confiden-  
 tissimo mendacio adseuerabat, numquam de nu- 15  
 ptiis Pudentillam cogitasse, priusquàm foret Ma-  
 gicis maleficiis à me coacta: me solum repertum,  
 qui viduitatem eius, velut quādam virginitatem,  
 carminibus & venenis violarem. Sæpe audiui non  
 de nihilo dici, *Mendacem memorem esse oportere.* 20  
 At tibi Æmiliane non venit in mentem, prius-  
 quam ego Ocam venirem, te litteras etiam, vt  
 nuberet, scripsisse ad filium eius Pontianum, qui  
 tum adultus Romæ agebat? Cedò tu epistolam,  
 vel potius da ipsi: legat. sua sibi voce, suisque ver-  
 bis seferuincat. INITIVM EPISTOLÆ ÆMILIANI.  
 Estne



Estne hæc tua epistola? quid palluisti? nam erube-  
scere tu quidem non potes: est ne tua ista subscri-  
ptio? Recita quæso clarius, ut omnes intelligant,  
quantum lingua eius manu discrepet, quātūmq̃  
5 minor illi sit mecum quàm secum dissensio. E P I-  
S T O L A A E M I L I A N I . Scripsisti ne hæc Æmi-  
liane, quæ lecta sunt? *Nubere illam velle, & debere scio:*  
*sed quem eligat, nescio.* Rectè tu quidè, nesciebas. Pu-  
dentilla enim tibi, cuius infestam malignitatē pro-  
10 bè norat, de ipsa re tantū, ceterū de petitore ni-  
hil fatebatur. At tu dum eam putas etiam nunc Cla-  
ro fratri tuo denupturam, falsa spe inductus, fi-  
lio quoque eius Pontiano auctor assentiendi fui-  
sti. Igitur si Claro nupisset, homini rusticano &  
15 decrepito seni, sponte eam diceres, sine vlla Magia,  
iam olim nupturisse: quoniam iuuenem talem,  
qualem dicitis, elegit, coactam fecisse ais: ceterū  
semper nuptias aspernatam. Nescisti improbe, e-  
pistolam tuam de ista re teneri: nescisti te tuomet  
20 testimonio conuictum iri, Quam tamen episto-  
lam Pudentilla, testem & indicem tuæ voluntatis  
ut quæ te leuem & mutabilem, nec minus menda-  
cem & impudentem sciret, maluit retinere, quàm  
mittere. Ceterū ipsa de ea re Pontiano filio suo  
Romam scripsit: etiam causas consilij sui plenè al-  
legavit. Dixit illa omnia de valitudine: nihil præ-

L iij



terea esse, cur amplius deberet obdurare: hæredita-  
 rem auitam longa viduitate, cum despectu salu-  
 tis suæ quæsisse: eandem summa industria auxis-  
 se. Iam Deum voluntate, ipsum vxori, fratrem eius  
 virili togæ idoneos esse. Tandē aliquando se quo-  
 que paterentur solitudini suæ, & ægritudini sub-  
 uenire. Cæterum de pietate sua & supremo iudi-  
 cio nihil metuerent: qualis vidua eis fuerit, talem  
 nuptā futuram. Recitari iubebo exemplū epistolæ  
 huius, ad filiū missæ. **EPISTOLA PUDENTILLÆ**  
**AD PONTIANVM F.** Satis puto ex istis cuius liquere  
 posse, Pudentillā nō meis carminibus ab obstinata  
 viduitate cōpulsam: sed olim sua sponte à nubendo  
 non alienam, me fortasse præ cæteris maluisse. Quæ  
 electio tam grauis feminae, cur mihi crimini potius  
 quam honori danda sit, non reperio. Non nihil ta-  
 men miror, quod Æmilianus & Rufinus id iudiciū  
 mulieris ægrè ferāt: cū iij qui Pudentillam in ma-  
 trimonium petiuerunt, æquo animo patiantur me  
 sibi prælatum. Quod quidem illa vt faceret, filio suo  
 potius quam animo obsecuta est. Ita factum, nec  
 Æmilianus poterit negare. Nam Pontianus acce-  
 ptis litteris matris, confestim Roma aduolauit: me-  
 tuens ne si quem auarum virum nacta esset, omnia,  
 vt sæpè fit, in mariti domum conferret. Ea sollici-  
 tudo non mediocriter animū angebat. Omnes illi,  
 fratri-



fratříque diuitiarum spes in facultatibus matris sitę  
erāt. Auus modicum reliquerat, mater H S quadra-  
gies possidebat. Ex quo sanè aliquantam pecu-  
niam, nullis tabulis, sed vt æquum erat, mera fide  
5 acceptam filiis debebat. Hunc ille timorem mussi-  
tabat aduersari propalām non audebat, ne videretur  
diffidere. Cū in hoc statu res esset, inter pre-  
cationem matris, & metum filij, forte ne an. fato  
ego aduenio, pergens Alexandriam. Dixissem her-  
10 culè, Quod vtinam nunquam euenisset; ni me v-  
xoris meę respectus prohiberet. Hyems anni erat.  
Ego ex fatigatione itineris aduectus, apud Appios  
veteres amicos meos, quos honoris & amoris gra-  
tia nomino, aliquam multis diebus decumbo. Eò  
15 venit ad me Pontianus. nam fuerat mihi non ita  
ante multos annos Athenis, per quosdam commu-  
neis amicos conciliatus, & arto postea contuber-  
nio intimè iūctus. facit omnia circa honorē meum  
obseruanter, circa salutem sollicitè, circa amorem  
20 callidè. Quippe etenim videbatur sibi peridoneum  
maritum matri reperisse, cui bono periculo totam  
domus fortunam concrederet. Ac primò quidem  
voluntatem meam verbis inuersis periclitabun-  
dus, quoniam me vię cupidum & conuersum ab  
vxoria re videbat, orat saltem paulisper manerem.  
velle se mecum proficisci: hyemem alteram pro-



pter Syrtis æstus & bestias opperiendam, quòd il-  
lam mihi infirmitas exemisset. Multis etiam pre-  
cibus me ab amicis meis Appiis aufert, vt ad sese  
in domum matris suæ transferat, salubriorem mihi  
habitationem futuram. Præterea prospectu maris, 5  
qui mihi gratissimus est, liberius me ex ea fruitu-  
rum. Hæc omnia, adnexus impenso studio, persua-  
det: & matrem suam, suumque fratrem puerum  
istum mihi commendat. nonnihil à me in com-  
munibus studiis adiuuantur. augetur oppidò fa- 10  
miliaritas. Interibi reualeasco. Dissero aliquid, po-  
stulantibus amicis, publicè. omnes qui aderant, in-  
genti celebritate basilicam, qui locus auditorij e-  
rat, complentes, inter alia pleraque congruentis-  
sima voce insigniter acclamant, petentes vt rema- 15  
nerem, fieremque ciuis Oceansium. Mox auditorio  
misso, Pontianus eo principio me adortus, consen-  
sum publicæ vocis pro diuino auspicio interpreta-  
tur: aperitque, consilium sibi esse, si ego non no-  
lim, matrem suam, cui plurimi inhient, mecum con- 20  
iungere, quoniam mihi soli, ait, rerum omnium  
confidere sese, & credere, vt id onus recipiam: quo-  
niam non formosa pupilla, sed mediocri facie ma-  
ter liberorum mihi offeratur. Si hæc reputans, for-  
mæ aut diuitiarum gratiâ me ad aliam conditio-  
nem reseruarem, neque pro amico, neque pro phi-  
losopho



losopho facturum. Nimis multa oratio est, si velim  
memorare, quæ ego cōtrā responderim, quàm diu  
& quoties inter nos verbigeratum sit, quot &  
qualibus precibus me adgressus, haud prius omi-  
serit, quàm denique impetrarit. non, quin ego Pu-  
dentillā iam annō perpetim assiduo conuictu pro-  
bè spectassem, & virtutum eius dotes explorassem:  
sed utpote peregrinationis cupiens, impedimētum  
matrimonij aliquantisper recusaueram: mox ta-  
men talem feminam nihilo segniùs volui, quàm si  
vltro appetissem. Persuaserat idem Pontianus ma-  
tri suæ, ut me aliis omnibus mallet: & quampri-  
mum hæc perficere incredibili studio auebat. Vix  
ab eo tantulam moram impetramus, dum prius  
ipse vxorem duceret: frater eius virilis togæ vsum  
auspicaretur: tunc deinde ut nos coniungeremur.  
Utinam hercule possem, quæ deinde dicenda sunt,  
sine maximo causæ dispendio transgredi: ne Pon-  
tiano, cui errorem suum deprecanti simpliciter i-  
gnoui, videar nunc leuitatē exprobrare. Confiteor  
enim, quod mihi obiectum est, eum, postquam  
vxorem duxerit, à conspecta fide descivisse, ac de-  
repentē animi mutatum, quod antea nimio stu-  
dio festinarat, pari pertinacia prohibitum esse: de-  
nique matrimonium nostrū ne coalesceret, quid-  
uis pati, quiduis facere paratum fuisse. Quamuis

M



omnis illa tum animi foeda mutatio, & suscepta  
contra matrem simulas, non ipsi vitio vortenda  
sit, sed focero eius eccilli Herennio Rufino: qui  
vnum neminem in terris viliozem se, aut impro-  
borem, aut inquinatiorem reliquit. Per paucis ho-  
minem, quàm modestissimè poterò, necessariò de-  
monstrabo: ne si omnino de eo reticuerò, operam  
perdiderit, quòd negotium istud mihi ex summis  
viribus conflavit. Hic est enim pueruli huius insti-  
gator, hic accusationis auctor, hic aduocatorum 10  
còductor, hic testium coëmptor, hic totius calum-  
niæ fornacula, hic Æmiliani huius fax & flagellũ.  
Idquæ apud omneis intemperantissimè gloriatur,  
me suo machinatu reum postulatum. Et sanè ha-  
bet in istis quod sibi plaudet: est enim omnium li- 15  
tium deceptor, omnium falsorum commentator,  
omnium simulationum architectus, omnium ma-  
lorum seminarium: nec non idem libidinum ga-  
nearumquæ locus, lustrum, lupanar: iam inde ab  
ineunte æuo cunctis probris palam notus: olim in 20  
pueritia, priusquàm isto caluitio deformaretur,  
emasculatoribus suis ad omnia infanda morigerus:  
mox in iuuentute saltandis fabulis ex ossis planè &  
eneruis, sed, vt audio, indocta & rudi mollitia. Ne-  
gatur enim quidquam histrionis habuisse, præter  
impudicitiam. In hac etiam ætate, qua nunc est,  
qui



qui istum deperdunt multi sunt. Honos auribus  
præfandus est: domus eius tota lenonia, tota fa-  
milia contaminata: ipse propudiosus, vxor lupa,  
filij similes prorsus: diebus ac noctibus ludibrio iu-  
uentutis ianua calcibus propulsata, fenestræ can-  
ticis circumstrepitæ, triclinium comissatoribus in-  
quietum, cubiculum adulteris peruium. neque e-  
nim vlli ad introcundum metus est, nisi qui præ-  
tium marito non attulit. Ita ei lecti sui contumelia  
10 vectigalis est. Olim solens suo, nunc coniugis cor-  
pore vulgò meret. Cum ipso plerique, nec mētior,  
cum ipso inquam de vxoris noctibus paciscuntur.  
Iam illa inter virum & vxorem nota collusio, qui  
amplam stipem mulieri detulerunt, nemo eos ob-  
15 seruat: suo arbitratu ascendunt. Qui inaniores ve-  
nēre, signo dato pro adulterisprehenduntur: &  
quasi ad discendum venerint, non prius abeunt  
quàm aliquid scripserint. Quid enim faciat homo  
miser, ampliuscula fortuna deuolutus, quam ta-  
20 men fraude patris ex inopinato inuenerat? Pater  
eius plurimis creditoribus defœneratus, maluit re-  
tinere pecuniam quàm pudorem: nam cùm vndi-  
queuersum tabulis flagitaretur, & quasi insanus  
ab omnibus obuiss teneretur; Lex, inquit, negat  
posse dissoluere: annulos aureos & omnia insignia  
dignitatis abiicit: cum creditoribus depaciscitur.

M ij



Pleraque tamen rei familiaris in nomen vxoris cal-  
lidissima fraude confert: ipse egens, nudus, & igno-  
minia sua tectus reliquit Rufino huic, non metior,  
Hs xxx. deuorandum. Tantum enim ad eum de  
bonis matris liberum venit, præter quod ei vxor,  
sua quotidianis dotibus quæsiuit. Quæ tamen om-  
nia in paucis annis ita hic degulator studiosè in  
ventrè condidit, & omnimodis collurcationi-  
bus dilapidauit: vt crederes metuere, ne quid ha-  
bere ex fraude paterna diceretur. homo iustus, & 10  
morum \*dedit operam, quod malè partū erat, vt  
malè periret. Nec quidquam ei relictum est ex lar-  
giore Fortuna, præter ambitionē miseram, & pro-  
fundam gulam. Cæterum vxor iam propemodum  
vetula & effœta, totam domum contumeliis ab- 15  
nuit. Filia autem per adulescentulos ditiores, inui-  
tamento matris suæ nequidquam circumlata, qui-  
busdam etiam procis ad experiundum permissa,  
nisi in facilitatem Pontiani incidisset, fortassean  
adhuc vidua antè quàm nupta, domi sedisset. Pon- 20  
tianus ei, multum quidem dehortantibus nobis,  
nuptiarum titulum falsum & imaginarium dona-  
uit; non nescius eam paulo antè quàm duceret, à  
quodam honestissimo iuvene, cui prius pacta fue-  
pat, post satietatē, derelictam. Venit igitur ad eum  
noua nupta, securo & intrepida, pudore dispoliato,  
flore



flore exoleto, flāmeo obsoleto, virgo rursū post  
recens repudium, nomen potius asserens puellæ  
quā integritatem. Vectabatur octophoro: Vi-  
distis profectò, qui affuistis, quā improba iuue-  
num circumspectatrix, quā immodica sui osten-  
tatrix. Quis non disciplinam matris agnouit: cū  
in puella videret immedicatū os, & purpurissatas  
genas, & illices oculos? Dos erat à creditore omnis  
ad teruncium pridie sumpta, & quidem grandior  
10 quā domus exhausta, & plena liberis postulabat.  
Sedenim iste, vt est rei modicus, spei immodicus,  
pari auaritia & egestate, totum Pudentillæ quadra-  
gies præsumptione cassa deuorarat. eóq; me amo-  
liendum ratus, quo facilius Pontiani facilitatem,  
15 Pudentillæ solitudinem circumueniret: in fit gene-  
rum suū obiurgare, quòd matrem suam mihi de-  
sponderat. suadet, quam primum ex tātò periculo,  
dum licet, pedem referat, res matris ipse potius ha-  
beat, quā homini extrario sciens transmittat. ni  
20 ita faciat, iniicit scrupulum amanti adulescentulo  
veterator: minatur se filiam abducturū. Quid mul-  
tis? iuuenem simplicem, præterea nouæ nuptæ ille-  
cebris obfrenatum, suo arbitratu de via deflectit.  
It ille ad matrem, verborum Rufini gerulus: sed  
nequidquam tentata eius grauitate, vltro ipse leui-  
tatis & inconstantia increpitus, reportat ad socer-

M iij



rum haud mollia: Matri suæ, præter ingenium placidissimum, & immobile, iram quoque sua expostulatione accessisse, non mediocre pertinaciæ adiumentum. Respondisse eam denique, non clàm se esse, Rufini ex oratione secum expostulari: eò vel magis sibi auxilium mariti aduersum eius desperatam auaritiam comparandum. Hisce auditis exacerbatur aquariolus iste vxoris suæ, ita ira extumuit, ita exarsit furore, vt in feminā sanctissimam & pudicissimam, præsentē filio eius, digna cubiculo suo diceret: amatricem eam, me Magum & veneficum clamitaret, multis audientibus, quos, si voles, nominabo: se mihi sua manu mortem allaturum. Vix hercule possum iræ moderari. Ingens indignatio animo oboritur. Tūne effeminatissime, tua manu cuiquam viro mortem minitaris? At qua tandem manu? Philomelæ? an Medæ? an Clytæmnestræ? quas tamen cū saltas, tanta mollitia animi, tanta formido ferri est, sine cludine saltas. Sed ne longiùs ab ordine digrediar, Pudentilla, postquam filium videt præter opinionē, contra suā esse sententiam deprauatum, rus profecta, scripsit ad eum obiurgandi gratia illas famosissimas litteras, quibus, vt isti aiebant, confessa est, sese mea Magia in amorem inductā dementare. Quas tamen litteras è tabulario Pontiani, præsentē & contra fili-

bente



bente Æmiliano, nudius tertius tuo iussu Maxime  
testatò descripsimus. in quibus omnia contra præ-  
dicationem istorum pro me reperiuntur. Quam-  
quam etsi districtius Magum me dixisset, posset vi-  
deri excusabunda se filio vim meam, quàm volun-  
tatem suam causari maluisse. An sola Phædra falsum  
epistolum de amore commenta est? An non o-  
mnibus mulieribus hæc ars vsitata est, ut cùm ali-  
quid eiusmodi velle cœperunt, malint coactæ vi-  
deri? Quod si animo etiam ita putauit me Magum  
esse, idcirco ne Magus habear, quia hoc scripsit Pu-  
dentilla? Vos tot argumentis, tot testibus, tanta o-  
ratione, Magum me non probatis: illa vno verbo  
probaret? Et quanto tandem grauius habendum  
est, quod in iudicio subscribitur, quàm quod in  
epistola scribitur? Quin tu me meismet factis, non  
alienis verbis reuincis? Cæterum eadem via multi  
rei cuiusvis maleficij postulabuntur, si ratum futu-  
rum est, quod quisque in epistola sua vel amore  
vel odio cuiuspiam scripserit. Magum te scripsit  
Pudentilla: igitur magus es. Quid si consulem me  
scripsisset, consul essem? Quid enim si pictorem,  
si medicum? quid denique si innocentem? num  
aliquid horum putares, idcirco quòd illa dixisset?  
Nihil scilicet. Atqui periniurium est, ei fidem in  
peioribus habere, cui in melioribus non haberes:



posse literas eius ad perniciem, non posse ad salutem. *Sed inquieti animi fuit: efflictim te amabat.* Concedo interim. Num tamen omnes qui amantur, Magi sunt, si hoc fortè qui amat scripserit? Cedò nunc, quòd Pudētilla me in eo tempore non amabat, si quidem id foris scripsit, quod palàm erat mihi obfuturum. Postremò quid vis, sanam an insanam fuisse, dum scriberet? Sanam, dices? nihil ergo erat Magicis artibus passa. Insanam respondebis? nesciit ergo quid scripserit: eoque ei fides non habenda est. immo etiam si fuisset insana, insanam se esse nescisset. Nam vt absurdè facit, qui tacere se dicit, quòd ibidem dicendo tacere sese, non tacet, & ipsa professione quod profitetur infirmat: ita vel magis hoc repugnat. Ego insanio, quod verum non est, nisi sciens dicit. Porrò sanus est, qui scit quid sit insania. Quippe insania scire se non potest; non magis quàm cæcitas se videre. Igitur Prudentilla compos mētis fuit, si compotem mentis se non putabat. Possum, si velim, pluribus, sed mitto Dialectica. Ipsas litteras longè aliud clamanteis, & quasi dedita opera ad iudicium istud præparatas & accommodatas recitabo. Accipe tu, & lege, vsque dum ego interloquar. L I T E R A E P V D E N T I L L A E. Substine paulisper quæ sequuntur. nam ad diuerticulum rei ventum est. Adhuc



huc enim Maxime, quātum equidem animaduerti, nusquam mulier Magiam nominauit: sed ordinem repetiuit eundem, quem ego paulo prius, de longa viduitate, de remedio valetudinis, de voluntate nubendi, de meis laudibus, quas ex Pontiano cognouerat, de suasu ipsius vt mihi potissimum nuberet. Hæc vsque adhuc lecta sunt. Superest ea pars epistolæ, quæ similiter pro me scripta, in memetipsum vertit cornua: ad expellendum à me  
10 crimen Magiæ, sedulò missa, memorabili laude Rufini vocem mutauit; & vltro contrariam mihi opinionem quorundam Oeenſium, quasi Mago quæsiuit. Multa fando Maxime audisti, & plura legendo didicisti, non pauca experiendo comperi-  
15 sti: sed enim versutiam tam insidiosam, tam admirabili scelere conflata, negabis te vnuquam cognouisse. Quis Palamedes, quis Sisyphus, quis denique Eurybates aut Phrynon das talem excogitasset? Omnes isti, quos nominaui, & si qui præterea fuerunt dolo memorandi, si cum hac vna Rufini fallacia contenduntur, maci prorsus & buccones videbuntur. O mirum commentum! ô subtilitas digna carcere & robore! Quis credat effici potuisse, vt quæ defensio fuerat, eadem, manentibus iisdem literis, in accusationem transuerteretur? Est hercule incredibile. Sed hoc incredibile quī sit factum pro-

N



babo. Obiurgatio erat matris ad filium, quod me-  
 talem virum, qualem sibi prædicasset, nunc de Ru-  
 fini sententia Magum dictitaret. Verba ipsa ad huc  
 modum se habebant: *Απολείας μάγος, καὶ ἐγὼ ὅτι αὐτὴ  
 μαμάγουμαι. καὶ ἐρῶ καὶ ἐλθέτω νῦν πρὸς ἐμὲ, ἕως ἐπὶ σωφρονῶ.* 5  
 Hæc ipsa verba Rufinus, quæ Græcè interposuit,  
 sola excerpta, & ab ordine suo sciugata, quasi con-  
 fessionem mulieris circumferens, & Pontianum  
 per forum ductans, vulgo ostendebat. Ipsas mulie-  
 ris litteras illatenus, quæ dixi, legendas præbebat: 10  
 cætera suprâ & infrâ scripta occultabat. Turpiora  
 esse, quàm vt ostenderentur, dictitabat. Satis esse,  
 confessionem mulieris de Magia cognosci. Quid  
 quæris? verisimile omnibus visum. Quæ purgandi  
 mei gratia scripta erant, eadem mihi immanem in- 15  
 uidiâ apud imperitos conciuere. Turbabat im-  
 purus hic, in medio foro bacchabundus: epistolam  
 sæpe aperiens proquirabat *Apuleius Magus: dicit  
 ipsa quæ sentit & patitur. quid vultis amplius?* Nemo erat  
 qui pro me ferret, ac sic responderet: Totam sodes 20  
 epistolam, cedo: sine omnia inspiciam: principio  
 ad finem perlegam. Multa sunt, quæ sola prolata  
 calumniæ possint videri obnoxia. Cuiusvis oratio  
 in simulari potest; si ea quæ ex prioribus nexa sunt,  
 principio sui defraudentur: si quædam ex ordi-  
 ne scriptorum ad libidinem supprimantur: si quæ  
 simu-



simulationis causa dicta sunt, adseuerantis pronuntiatione quam exprobrantis legantur. Hæc, & id genus ea, quam meritò tunc dici potuerint, ipse ordo epistolæ ostendat. At tu *Emiliane* recognosce, an & hæc mecum testatò descripseris: *βουλομένη γάρ με δι' ας εἶπον ἀγίας χαμηθῶμαι, αὐτὸς τὸν ἐπεισας ἀπὸ πάντων ἀρεῖσθαι, θαυμάζων τὸν ἄνδρα, καὶ σπουδάζων αὐτὸν οἰκεῖον ἡμῖν δι' ἐμοῦ ποιῆσαι. νῦν δὲ ὡς μοχθηρὸν ὑμῶς κακοήδεις τε ἀναπείθουσιν, ἀφ' ἡνίκον ἐχθρὸς Ἀπολείος μάγος, καὶ ἐγὼ*  
10 *μεμάγδυναί ὑπ' αὐτοῦ, καὶ ἐρῶ καὶ ἐλθέτω νῦν πρὸς ἐμὲ, ἕως ἐπιστοφηνῶ.* Oro te Maxime, si litteræ ita vt partim vocales dicuntur, etiam propriam vocem vsurparent. si verba, ita vt poëtæ aiunt, pinnis apta vulgò volarēt; nōne cū primū epistolam istā Rufinus malis  
15 fide exciperet, pauca legeret, multa & meliora sciēs reticeret: nōne tunc cæteræ litteræ scelestè se detineri proclamassent? verba suppressa de Rufini manibus foras euolassent? totū forum tumultu cōplessent? se quoque à Pudentilla missas, sibi etiam quæ  
20 dicerent mandata? improbo ac nefario homini per alienas litteras falsum facere tentāti ne auscultarēt, sibi potius audirent: Apuleium Magiæ non accusatum à Pudentilla, sed accusante Rufino absolutū. Quæ omnia etsi tum dicta non sunt; tamen nunc cum magis profunt, luce illustrius apparent. Patent artes tuæ Rufine, fraudes hiant, detectum menda-



cium est. Veritas olim interuersa, nunc se effert, & velut alto barathro calumniæ emergit. Ad litteras Pudentillæ prouocastis: literis vinco. quarum si vultis extremam quoque clausulam audire, non inuidebo. Dic tu, quibus verbis epistolam finierit, mulier obcantata, vecors, amens, amans. *ἐγὼ ἔτι με- μάλομαι ὅτι δὲ ἐγὼ, πάντα ἢ εἰμαρμένη ἔφθ.* Etiamne amplius? Reclamat vobis Pudētilla, & sanitatem suam à vestris calumniis quodam præconio vindicat. Nubendi autem seu rationem, seu necessitatem Fa-<sup>10</sup> to adscribit, à quo multum Magia remota est, vel potius omnino sublata. Quæ enim relinquitur vis cantaminibus & veneficiis, si Fatum rei cuiusque, veluti violentissimus torrens, neque retineri potest, neque impelli? Igitur hac sententia sua Pu-<sup>15</sup> dentilla non modò me Magum, sed omnino esse Magiam negauit. Bene, quòd integras epistolas matris Pontianus ex more adseruauit: bene, quòd vos festinatio iudicij anteuortit, ne quid in istis litteris ex otio nouaretis. Tuum hoc Maxi-<sup>20</sup> me, tuæque prouidentiae beneficium est, quòd à principio intellectas calumnias, ne corroborarentur tempore, præcipitasti, & nulla impertita mora subneruasti. Finge nunc, aliquid matrem filio secretis literis de amore, vti assolet, confes- sam. hoccine verum fuit Rufine, hoc non dico  
pium,



pium, sed saltem humanum, promulgari eas litteras, & potissimum filij præconio publicari? Sed sum ego inscius, qui postulo vt alienum pudorem conferues, qui tuum perdideris? Cur autem præterita conqueror, cum non sint minus acerba præsentia? Hucusque à vobis miserum istum puerum deprauatum, vt matris suæ epistolas, quas putat amatorias, pro tribunali Proconsuli recitet, apud virum sanctissimum Claudium Maximum; ante  
10 has Imperatoris Pij statuas, filius matri suæ pudenda exprobet stupra, & amores obiectet? Quis tam est mitis, quin exacerbescat? Tunc vltro parentis tuæ animum in istis scrutaris? oculos obseruas? suspiritus numeras? affectiones exploras? tabu-  
15 las intercipis? amorem reuincis? Tunc quod in cubiculo agat, perquiris? ne mater tua non dico amatrix, sed ne omnino femina est? ne tu in ea cogitas, nisi vnā parentis religionem? O infelix veterum tuum Pudentilla! ô sterilitas liberis potior! ô  
20 infausti decem menses! ô ingrati quatuordecim anni viduitatis! Vipera, vt audio, exeso matris vtero in lucem proserpit, atque ita parricidio gignitur. At enim tibi à filio iam adulto, acerbiores morsus viuenti & videnti offeruntur. Silentium tuum laniatur, pudor tuus carpitur, pectus tuum foditur, viscera intima protrahuntur. Hascine gratias bo-

N iij



nus filius matri rependis, ob datam vitam? ob adquisitam hereditatem? ob quatuordecim annorum longas alimonias? His cine te patruus disciplinis erudiuit, ut si compertum habeas filios tibi similes futuros, non audeas ducere uxorem? Est ille poëta, versus non ignotus:

*Odi puerulos præcoci sapientia:*

sed enim malitia præcoci puerum quis non aueretur, atque oderit? cum videat velut monstrum quoddam, prius robustum scelere quam tempore: antè 10  
nocentem quam potentem: viridi pueritia, cana malitia? vel potius hoc magis noxium, quod cum venia perniciosus est: & nondum pœnæ, iam iniuriæ sufficit. Iniuriæ dico? immò enim sceleri aduersum parentem nefando, immani, impetibili. 15  
Athenienses quidem, propter commune ius humanitatis, ex captiuis epistolis Philippi Macedonis hostis sui, vnam epistolam, cum singulæ publicè legerentur, recitari prohibuerunt, quæ erat ad uxorem Olympiadem conscripta: hosti potius pe- 20  
percerunt, ne maritale secretum diuulgarent: præferendum ratifas commune, propriæ ultioni. Tales hostes, aduersus hostem: tu qualis filius aduersus matrem? Vides quam similia contendam? Tu tamen filius matris epistolas, de amore, ut ais, scriptas, in isto cœtu legis. in quo si aliquem poëtam  
lasci-



lasciuiozem iubereris legere, profectò non aude-  
res: pudore tamen aliquò impedirè: immò enim  
numquam matris tuæ litteras attigisses, si vllas a-  
lias litteras attigisses. Atquin aulus es tuam ipsius  
5 epistolam legendam dare, quam nimis irreue-  
renter, nimis contumeliosè & turpiter de matre  
tua scriptam, cùm adhuc in eius sinu alerè, mi-  
seras clanculò ad Pontianum: scilicet ne semel  
peccasses, ac tam bonum tuum factum obliuio  
10 capefferet. Miser non intelligis, idcirco patruum  
tuum hoc fieri passum, quo se omnibus purga-  
ret: si ex literis tuis nosceretur, te etiam prius  
quàm ad eum commigrasses, etiam cùm matri  
blandirere, tamen iam tum vulpionem & impium  
15 fuisse. Cæterum nequeo in animum inducere, tam  
stultum Æmilianum esse, vt arbitretur mihi litte-  
ras pueri, & eiusdem accusatoris mei obfuturas.  
Fuit & illa commenticia epistola, neque mea ma-  
nuscripta, neque verisimiliter conficta, qua videri  
20 volebant blanditiis à me mulierem sollicitatam.  
Cur ergo blandirer, si Magiè confidebam? Qua au-  
tem via ad istos peruenit epistola, ad Pudentillam  
scilicet per aliquem fidelem missa, vt in re tali acti-  
tari solet? Cur præterea tam vitiosis verbis, tam  
barbaro sermone ego conscriberem, quem iidem  
dicunt nequaquam Græcæ linguæ imperitum? Cur



autem tam absurdis tamque tabernariis blanditiis  
 subagitarem, quem iidem aiunt versibus amato-  
 riis satis scitè lasciuire? Sic est profectò: cuius pa-  
 lām est: hic qui epistolam Pudentillæ Græcatio-  
 rem legere non poterat, hanc vt suam facilius le-  
 git, & aptiùs commendauit. Sed iam de epistolis  
 satis dictum habebō, si hoc vnum addidero: Puden-  
 tillam, quæ scripserat dissimulamenti causa & deri-  
 diculi, *ἐλθέτω ἕως ἐπὶ στωφεγνῶν*, post hasce literas euoca-  
 se ad se filios, & nurum: cū his fermè duobus 10  
 mensibus conuersatam. Dicat hic pius filius, quid  
 in eo tempore secus agentem vel loquentem ma-  
 trem suam propter insaniam, viderit. Neget eam  
 rationibus villicorum, & opilionum, & equisio-  
 num solertissimè subscripsisse: neget fratrem suum 15  
 Pontianum grauitè ab ea monitum, vt sibi ab in-  
 fidiis Rufini caueret: neget verè obiurgatum, quòd  
 litteras, quas ad eum miserat, vulgò circumtulif-  
 set, nec tamen bona fide legisset: neget post ista  
 quæ dixi, matrem suam mihi apud villam iam pri- 20  
 dem condicto loco nupsisse. Quippe ita placuerat,  
 in suburbana villa potius vt coniungeremur, ne  
 ciues denuò ad sportulas conuolarent: cū haud-  
 pridē Pudentilla de suo quinquaginta milia num-  
 mūm in populum expunxisset ea die, qua Pontia-  
 nus vxorem duxit, & hic puerulus toga est inuolu-  
 tus.



tus. Præterea ut conuiuiis multis ac molestiis super-  
 sederemus, quæ fermè ex more nouis maritis obe-  
 unda sunt. Habes Æmilianæ causam totam, cur ta-  
 bulæ nuptiales inter me ac Pudentillam non in op-  
 pido sint, sed in villa suburbana consignatæ: ne  
 quinquaginta milia nummum denuò profunden-  
 da essent, nec tecum aut apud te cænandum. Est ne  
 causa idonea? Miror tamen, quòd tu à villa tanto-  
 pere abhorreas, qui plerumque ruri versere. Lex  
 10 quidem Iulia de maritandis ordinibus, numquam  
 scilicet ad hunc modum interdicit: VXOREM IN  
 VILLA NE DVCITO. Immò si verum velis, vxor ad  
 prolem multo auspiciatius in villa quàm in oppido  
 ducitur: in solo vberi, quàm in loco sterili: in agri  
 15 cespite, quàm in fori filice: mater futura in ipso  
 materno sinu ac in segete adulta super fœcundam  
 glebam: vel enim sub vlmò marita cubet in ipso  
 gremio Terræ matris inter soboles herbarum &  
 propagines vitium & arborum germina. Ibi &  
 20 ille celeberrimus in Comædiis versus de proximo  
 congruit, \* \* \* \* \*  
 Romanorum etiam maioribus, Quintiis & Ser-  
 ranis, & multis aliis similibus, non modò vxores,  
 verum etiam consulatus & dictaturæ in agris offe-  
 rebantur. Cohibebo me in tam proluxo loco, ne  
 tibi gratum faciam, si villam laudauero. De x-

O



tate verò Pudentillæ, de qua post ista satis confidenter mentitus es, vt etiam sexaginta annos natam diceres nupsisse, de ea paucis tibi respondebo. nam in re tam perspicua non est necesse pluribus disputare. Pater eius natam sibi filiam, more cæterorum professus est: tabulæ eius partim tabulario publico, partim domo adseruantur. quæ tibi ob os obiiciuntur. Porrige Æmiliano tabulas istas. lignum consideret, signa quæ impressa sunt recognoscat, Consules legat, annos 10 computet. quos sexaginta mulieri assignabat, probet quinque & quinquaginta. Lustro mentitus est: parum hoc est: liberalius agam. nam & ipse Pudentillæ multos annos largitus est: redonabo igitur vicissim. Decem annos Mezentius cum V-<sup>15</sup> lize errauit: quinquaginta saltem annorum mulierem ostendat. Quid multis? vt cum quadruplatore agam, bis duplum quinquennium faciam, viginti annos semel detraham. Iube Maxime consules computari. nisi fallor, inuenies nunc Pu-<sup>20</sup> dentillæ haud multo amplius quadragesimum annum ætatis ire. O falsum audax & nimium! ô mendacium viginti annorum exilio puniendum! dimidio tanta Æmiliæ mentiri falsa audes & sequialtera? Si triginta annos pro decem dixisses: posses videri pro computationis gestu errasse: quos circu-



circulare debueris digitos aperuisse. Cùm verò  
quadraginta, quæ facilius cæteris porrecta palma  
significantur, ea quadraginta tu dimidio auges,  
non potes digitorum gestu errasse. nisi fortè tri-  
5 ginta annorum Pudentillam ratus, binos cuiusque  
anni Consules numerasti. Missa hæc facio. Venio  
nunc ad ipsam stirpem accusationis: ad ipsam cau-  
sam maleficij. Respondeat Æmiliañus & Rufinus,  
ob quod emolumentum, etsi maximè Magus fo-  
10 rem, Pudentillam carminibus & venenis ad matri-  
moniū pellexissem. Atque ego scio plerosque reos  
alicuius facinoris postulatos, si fuisse quæpiam  
causæ probarentur; hoc vno se tamen abundè de-  
fendisse, vitam suam procul ab huiusmodi sceleri-  
15 bus abhorrere: nec id sibi obesse debere, quòd vi-  
deantur quædã fuisse ad maleficium perpetrandum  
inuitaméta. Non enim omnia quæ fieri potuerint,  
pro factis habenda. Rerū vices varias evenire: cer-  
tum indicem cuiusque animum esse: qui semper  
20 eodem ingenio ad virtutem vel ad malitiam mo-  
ratus, firmum argumentum est accipiendi crimi-  
nis, aut respuendi. Hæc ego quamquam possim  
meritò dicere, tamen vobis cōdono: nec satis mihi  
duco, si me omnium quæ insimulastis abundè pur-  
gavi, si nusquam passus sum vel exiguam suspicio-  
nem Magiæ consistere. Reputate vobiscum, quāta

O ij



fiducia innocentiae meae, quantoque despectu vestri  
agam; si vna causa vel minima fuerit inuenta, cur  
ego debuerim Pudentillae nuptias ob aliquod meum  
commodum appetere: si quamlibet modicum e-  
molumentum probaueritis; ego ille sim Carinon-  
das, vel Damigeron, vel is Moses, vel Iannes, vel  
Apollonius, vel ipse Dardanus, vel quicumque al-  
ius post Zoroastrem & Hoftanem inter Magos ce-  
lebratus est. Vide quæso, Maxime, quem tumultum  
fufcitarint, quoniam ego paucos magorum nomi-  
natim percensui. Quid faciam tam rudibus, tam  
barbaris? Doceam Rufinum, hæc & multo plura  
alia nomina in bibliothecis publicis apud clarissi-  
mos scriptores me legisse? an disputem, longè aliud  
esse notitiam nominum, aliud artis eiusdem habere  
re communionem: nec debere doctrinae instru-  
mentum & eruditionis memoriam pro confessio-  
ne criminis haberi? An quod multo præstabilius  
est, tua doctrina Claudii Maxime, tuæque perfecta  
eruditione fretus, contemnam stultis & impolitibus  
ad hæc respondere? Ita potius faciam. quid ille existi-  
ment nauci non putabo. Quod institui, pergam di-  
sputare: nullam mihi causam fuisse, Pudentillam ve-  
nificiis ad nuptias prolektandi. Formam mulieris  
& ætate ipsi ultro improbauerunt, idque mihi vitio  
dederunt, talem vxorem causa auaritiæ concupisse:  
atque



atque adeò primo dotem in congressu grandem  
& vberem rapuisse. Ad hæc, Maxime, longa ora-  
tione fatigare te non est consilium. Nihil verbis  
opus est, cum multo disertius ipsæ tabulæ loquan-  
5 tur: in quibus omnia contrà quàm isti ex sua rapa-  
citate de me quoque coniectauerunt, facta impræ-  
sentiarum, & prouisa in posterum deprehendes.  
Iam primùm mulieris locupletissimæ modicam  
dotem, neque eam datam, sed tantummodo pro-  
10 missam. Præter hæc; ea conditione factam coniun-  
ctionem, si nullis ex me susceptis liberis vita demi-  
grasset: vt dos omnis apud filios eius Pontianum  
& Pudentem maneret: sin verò vno vnâue super-  
stite diem suum obisset, vti tum diuidua pars dotis  
15 posteriori filio, reliqua prioribus cederet. Hæc, vt  
dico, tabulis ipsis docebo. Fors fuerit, vt ne sic  
quidem credat Æmilianus, sola trecenta millia  
nummum scripta, eorumque repetitionem filiis  
Pudentillæ pacto datam. Capiens ipse tu manibus  
20 tuis tabulas istas, da impulsori tuo Rufino. legat.  
Pudeat illum tumidi animi sui, & ambitiosæ men-  
dicitatis. quippe ipse egens, nudus, CCCC mili-  
bus nummum à creditore acceptis filiam dotauit.  
Pudentilla locuples femina trecentis milibus do-  
tis fuit contenta: & maritum habet, & multis sæpe  
& ingentibus dotibus spretis, inani nomine tan-

O iij



tulæ dotis contentum : cæterùm præter vxorem  
suam nihil computantem : omnem supellectilem  
cunctasque diuitias in concordia coniugis & mu-  
tuo amore ponentem. Quamquam qui omnium  
vel exiguè rerum peritus culpæ auderet ; si mulier  
vidua & mediocri forma , at non ætate mediocri ,  
nubere volens , longa dote & molli conditione in-  
uitasset iuuenem , neque corpore , neque animo ,  
neque fortuna pœnitendum ? Virgo formosa , etsi  
sit oppidò pauper , tamen abundè dotata est. Affert  
quippe ad maritum nouum animi indolem , pul-  
chritudinis gratiam , floris rudimentum. Ipsa vir-  
ginitatis commendatio , iure meritòque omnibus  
maritis acceptissima est. Nam quodcunque aliud  
in dotem acceperis , potes , cùm libuit , ne sis benefi-  
cio obstrictus , omne , vt acceperas , retribuere : pec-  
cuniam renumerare , mæcipia restituere , domo de-  
migrare , prædiis cedere. Sola virginitas , cùm semel  
accepta est , reddi nequitur : sola apud maritum ex  
rebus dotalibus remanet. Vidua autem qualis nu-  
ptiis venit , talis diuortio digreditur. nihil affert ir-  
repositibile : sed venit iam ab alio præflorata : certè  
tibi , ad quæ velis , minimè docilis : non minus su-  
spectans nouam domum , quàm ipsa iam ob vnum  
diuortium suspectanda : siue illa morte amisit ma-  
ritum , vt scæui ominis mulier , & infausti coniugij ,  
minimè



minimè appetēda : seu repudio digressa est, vtram-  
uis habeat culpam mulier : quæ aut tam intolerabi-  
lis fuit vt repudiaretur, aut tam insolens vt repu-  
diaret. Ob hæc & alia viduæ dote aucta procos sol-  
licitant. Quod Pudentilla quoque in alio marito  
fecisset, si philosophum spernentem dotis non re-  
perisset. Age verò, si auaritiæ causa mulierem con-  
cupissem : quid mihi vtilius ad possidendam do-  
mum eius fuit, quàm similitudinem inter matrem &  
10 filios ferere? alienare ab eius animo liberorum ca-  
ritatem, quo liberius & artius desolatam mulierem  
solus possiderem? Fuit ne hoc prædonis, quod esse  
vos fingitis? Ego verò quietis & concordia & pie-  
tatis autor, conciliator, fauissor, non modò noua  
15 odia non serui, sed vetera quoque funditus extir-  
pauit. Suasi vxori meæ, cuius, vt isti aiunt, iam vni-  
uersas opeis transuoraram : suasi inquam, ac deni-  
que persuasi, vt filiis pecuniam suam reposcenti-  
bus, de quo suprà dixeram, vt eam pecuniam sine  
20 mora redderet in prædiis vili æstimatis, & quan-  
to ipsi volebant : Præterea ex re familiari sua fru-  
ctuosissimos agros, & grandem domum, opulen-  
tè ornatam, magnamque vim tritici & ordeï, &  
vini & olei, cæterorumque fructuum : seruos quo-  
que haud minus quadringentos : pecora amplius  
neque pauca neque abiecti pretij donaret : vt eos



& ex ea quam tribuisset parte securos haberet, & ad  
 cætera hereditatis bona spe inuitaret. Hæc ego ab  
 inuita Pudentilla, patietur enim me, vti res fuit, ita  
 dicere, ægrè exauditus, ingentibus precibus inuitæ  
 & iratæ extorsi; matrem filiis reconciliaui, priui-  
 gnos meos, primo hoc vitrici beneficio, grandi  
 pecunia auxi. Cognitum hoc est tota ciuitate. Ru-  
 finum omnes execrati, me laudibus tulêre. Venerat  
 ad nos, priusquam istam donationem mater perficeret,  
 cum dissimili isto fratre suo Pontianus: ante  
 pedes nostros aduolutus, veniam & obliuionem  
 præteritorum omnium postulat; flens & manus  
 nostras osculabundus, ac dicens pœnitere, quòd  
 Rufino & similibus auscultarit. Petit postea suppli-  
 citer, vti se Lolliano quoque Auito C.V. purgem,  
 cui haud pridem tyrocinio professionis suæ fuerat  
 à me commendatus. quippe compererat, ante pau-  
 cos dies omnia me, vt acta erant, ad eum perscripsis-  
 se. Id quoque à me impetrat. Itaque acceptis literis  
 Carthaginem pergit: vbi iam propè exacto Consu-  
 latus sui munere, Lollianus Auitus te, Maxime, op-  
 periebatur. His epistolis meis lectis, pro sua eximia  
 humanitate gratulatus Pontiano, quòd citò erro-  
 rem suum correxisset, rescripsit mihi per eum, quas  
 litteras, Dij boni! qua doctrina! quo lepôre! qua  
 verborum amœnitate simul & iucunditate! prorsus vir



5  
10  
15  
20  
fus vt vir bonus dicendi peritus. Scio te, Maxime,  
libenter eius litteras auditurum: & quidem si perle-  
gam: mea voce pronuntiabo. Cedò tu Auiti epi-  
stolas: vt quæ semper ornamento mihi fuerunt,  
sint nunc etiam salutis. At tu, licebit aquam sinas  
fluere. Namque optimi viri literas ter & quater ad-  
eo quantouis temporis dispendio lectitarem. LOL-  
LIANI AVITI LITERAE. Non sum nescius, debuisse  
me post istas Auiti literas perorare. Quæ enim lau-  
datorè locupletiolem, quem testem vitæ meæ san-  
ctiorem producam, quem denique aduocatum  
facundiolem? Multos in vita mea Romani no-  
minis disertos viros sedulò cognoui, sed sum æquè  
neminem admiratus. Nemo est hodie, quantum  
mea opinio fert, alicuius in eloquentia laudis ac-  
spei, quin Auitus esse longè malit, si cum eo se, re-  
mota inuidia, velit conferre. Quippe omnes fandi  
virtutes pænè diuersæ in illo viro congruunt. Quā-  
cunque orationem struxerit Auitus, ita illa erit  
vndique sui perfectè absoluta, vt in illa neque  
Cato grauitatem requirat, neque Lælius lenitatem,  
neque Gracchus impetum, nec Cæsar calorem,  
nec Hortensius distributionem, nec Caluus argu-  
tias, nec parsimoniam Sallustius, nec opulentiam  
Cicero: prorsus in qua, ne omnis persequar, si  
Auitum audias, neque additum quidquam velis,

P



neque detractum, neque autem aliquid commutatum. Video, Maxime, quam benignè audias, quæ in amico tuo Auito recognoscis. Tua me comitas, ut vel pauca dicerem de eo, inuitavit. At non usque adeo tuæ benivolentiæ indulgebo, ut mihi permittam, iam propemodum fesso, in causâ prorsus ad finem inclinata, de egregiis virtutibus eius nunc demum incipere: quin potius eas integris viribus & tēpori libero seruem. Nunc enim mihi, quod ægrè fero, à commemoratione tanti viri, ad 10 pestis istas oratio reuoluenda est. Audēsne te ergo Æmiliane cum Auito conferre? Quemne ille bonum virum ait, cuius animi disputationem tam plenè suis litteris collaudat, eum tu Magiæ, maleficij, criminis infectabere? An inuasisse me 15 domum Pudentillæ, & compilare bona eius, tu magis dolere debes, quam doluisset Pontianus, qui mihi ob paucorum dierum, vestro scilicet instructu, ortas simultates, etiam absenti, apud Auitum satisfecit? qui mihi apud tantum virum gra- 20 tias egit? Puta me acta apud Auitum, non litteras ipsius legisse: quid posses, vel quisquis in isto negotio accusare? Pontianus ipse, quod à matre donatum acceperat, meo muneri acceptum ferebat: Pontianus me vitricum sibi cōtigisse intimis affectionibus letabatur. Quod utinam incolumis Carthagine



thagine reuertisset: vel, quoniam sic ei fuerat Fato  
decretum, utinam tu Rufine supremum eius iudi-  
cium non impedisses: quas mihi aut coram, aut  
denique in testamento gratias egisset! Litteras ta-  
men quas ad me Carthagine, vel iam adueniens  
ex itinere præmisit, quas adhuc validus, quas  
iam æger, plenas honoris, plenas amoris, quæso  
Maxime paulisper recitari sinas, ut sciat frater e-  
ius, accusator meus, quàm in omnibus Mineruæ  
10 curriculum cum fratre optimæ memoriæ viro  
currat. PONTIANI LITTERÆ. Audistine voca-  
bula, quæ mihi Pontianus frater tuus tribuerat: me  
*parentem* suum, me *dominum*, me *magistrum*, cum  
sæpe aliàs, tum in extremo tempore vitæ vocans?  
15 Possem tuas quoque pares epistolas promere: si  
vel exiguam moram tanti putarem: potius testa-  
mentum illud recens tui fratris, quamquam im-  
perfectum, tamen proferri cuperem, in quo mei  
officiosissimè & honestissimè meminit. Quod ta-  
20 men testamentum Rufinus neque comperari, ne-  
que perfici passus est, pudore perditæ hereditatis:  
quam paucorum mensium, quibus socer Pontiani  
fuit, magno quidem pretio noctium computarat.  
Præterea nescio quos Chaldeos cōsuluerat, quo lu-  
cro filiam collocaret. Qui, ut audio, utinam illud  
non verè respondissent, primum eius maritum in



paucis mensibus moriturum. Cætera enim de hæ-  
reditate, vt assolent, ad consulentis votum confin-  
xerunt. Verùm, vt Dij voluere, quasi cæca bestia,  
incassum hiauit. Pontianus enim filiam Rufini ma-  
lè compertam, non modò hæredem non reliquit, s  
sed ne honesto quidem legato impertiuit: quip-  
pe qui ei ad ignominiam linthea adscribi ducen-  
torum ferè denariorum iussit: vt intelligeretur  
iratus potius externaſſe eam, quàm oblitus præter-  
iſſe. Scripsit autem heredes tã hoc testamento quàm 10  
priori, quod lectum est, matrem cum fratre. cui, vt  
vides, admodum puero, eandem illam filia suæ ma-  
chinam Rufinus admouet: ac mulierem alioqui  
multò natu maiorem, nuperrimè vxorem fratris,  
misero puero obiicit, & obſternit. At ille puellæ me 15  
retriciſ blandimentis, & lenonis patris illeſtamen-  
tis captus & poſſeſſus, exinde vt frater eius animam  
edidit, relicta matre, ad patruum cõmigrauit, quo  
facilius remotis nobis cœpta perficerentur. Fauet  
enim Rufino Æmilianus, & prouentum cupit? E- 20  
hem! rectè vos admonetis. etiam suam spem bonus  
patruus temperat in isto, ac fouet: qui ſciat inteſtati  
pueri legitimum magis quàm iuſtum hæredem fu-  
turum. Nollem hercule hoc à me proſectum. Non  
fuit meæ moderationis, tacitas omniũ ſuſpiciones  
palàm abrumperè. malè vos qui ſuggeſſiſtis. Planè  
quidem



quidem si verum velis, multi mirantur Æmiliane  
tam repentinam circa puerum istū pietatem tuam,  
postquam frater eius Pontianus est mortuus: cū  
antea tam ignotus illi fueris, vt sæpe ne in occurſu  
5 quidem filium fratris de facie agnosceres. At  
nunc adeò patientem te ei præbes, itaque eum in-  
dulgentia corrumpis, adeò ei nulla re aduersaris: vt  
per hæc suspicionibus fidem facias. Inuestem à no-  
bis accepisti: vesticipem illico reddidisti. cū à  
10 nobis regeretur, ad magistros ibat: at ab iis nunc  
magna fugela in ganeū fugit: amicos serios asper-  
natur: cū adulescentulis postremissimis inter scor-  
ta & pocula puer hoc æui in conuiuio agitatur. Ipse  
domi tuæ rector, ipse familiæ dominus, ipse magi-  
15 ster in conuiuio. in ludo quoque gladiatorio fre-  
quens visitur, nomina gladiatorum & pugnas &  
vulnera planè quidem vt puer honestus ab ipso la-  
nista docetur. loquitur numquam nisi Punicè, &  
si quid adhuc à matre Græcissat. Latina enim  
20 neque vult, neque potest. Audisti Maxime paulo  
antè, pro nefas! priuignum meum, fratrem Pon-  
tiani, disertum iuuenem, vix singulas syllabas fringul-  
rientem, cū ab eo quæreres, donasset ne illis  
mater, quæ ego dicebā me adiuvante donata. Te-  
stor igitur te, Claudii Maxime, vósque qui in confi-  
lio estis, vósque etiam qui tribunal mecum adsi-

P iij



stiris, hæc damna & dedecora morum eius patruo  
huic, & candidato illi socero adsignanda: meque  
posthac boni consulturum, quod talis priuignus  
curæ meæ iugum ceruice excusserit: neque postea  
pro eo matri eius supplicaturum. Nam, quod pæ-  
nissimè oblitus sum, nuperrimè cùm testamentum  
Pudentilla post mortem Pontiani filij sui, in mala  
valitudine scripserit; diu sum aduersus illam reni-  
sus, ne hunc ob tot insignis contumelias, ob tot  
iniurias exheredaret. elogium grauissimum iam  
totum medijs fidijs perscriptum, vt aboleret, im-  
pensis precibus oraui. Postremò ni impetrarem, di-  
uersurum me ab ea comminatus sum. mihi hanc  
veniam tribueret: malū filium beneficio vinceret;  
me inuidia omni liberaret. Nec prius destiti, quàm  
ita fecit. Doleo me huncce scrupulum Æmiliano,  
dempsisse: tam inopinatam semitam indicasse.  
Specta quæso, Maxime, vt hisce auditis, subito ob-  
stupuerit, vt oculos ad terras demiserit. enim lon-  
gè secius ratus fuerat. nec immeritò, mulierem  
filij contumeliis infectam, meis officiis deuinctam  
sciebat. De me quoque fuit quod timeret. Quis  
enim, vel æquè vt ego spernens hereditatis, tamen  
vindicare de tam inofficioso priuigno recusasset?  
Hæc præcipuè sollicitudo eos ad accusationem  
mei stimulauit. hereditatem omnem mihi relictam  
falso



falsò ex sua auaritia coniectauere. Soluo vos in  
præteritum isto metu. Namque animum meum  
neque hereditatis, neque ultionis occasio potuit  
loco dimouere. Pugnaui cum irata matre, pro  
5 priuigno malo vitricus, veluti pater pro optimo  
filio aduersus nouercam. nec satis fuit: ni bonæ  
vixoris prolixam liberalitatem circa me nimio plus  
æquo coërcerem. Cedò tu testamentum, iam ini-  
mico filio à matre factum: me, quem isti prædo-  
10 nem dicunt, verba singula cum precibus præeun-  
te. Rumpi tabulas istas iube Maxime: inuenies filiū  
heredem: mihi verò tenue nescio quid, honoris gra-  
tia legatum; ne, si quid ei humanitùs attigisset, no-  
men maritus in vxoris tabulis non haberem. Cape  
15 istud matris tuæ testamentum, verè hoc quidem  
inofficiosum. Quid ni? in quo obsequentissimum  
maritum exheredauit, inimicissimum filium scri-  
psit heredem: immò enim uerò non filiū, sed Æmi-  
liani spes, & Rufini nuptias, sed temulentum illud  
20 collegium, parasitos tuos. Accipe inquam filio-  
rum optime, & positis paulisper epistolis amato-  
riis matris, lege potius testamentum. si quid quasi  
insana scripsit, hic reperiēs, & quidem mox à prin-  
cipio: SICINIUS PVDENS FILIUS MEVS  
MIHI HERES ESTO. Fateor: qui hoc legerit,  
insanam putabit. Hiccine filius heres, qui te in



ipso fratris suo funere, aduocata perditissimorum  
iuuenum manu, voluit excludere è domo, quam  
ipsa donaueras, qui te sibi à fratre cohæredem re-  
lictam, grauiter & acerbè tulit? qui confestim te,  
cum tuo luctu & mærore deseruit, & ad Rufinum,  
& Æmilianum de sinu tuo aufugit? Qui tibi pluri-  
mas postea contumelias dixit coràm, & adiuuante  
patruo, fecit? Qui nomen tuum pro tribunalibus  
ventilauit? qui pudorem tuum tuismet literis co-  
natus est publicè dedecorare? qui maritum tuum, 10  
quem elegeras, quem, vt ipse obiiciebat, efflictim  
amabas, capitis accusauit? Aperi quæso bone  
puer, aperi testamentum: facilius insaniam matris  
sic probabis. Quid abnuis? quid recusas, postquam  
solicitudinem de hereditate materna repulisti? At 15  
ego hæc tabulas Maxime, hic ibidem pro pedi-  
bus tuis adiicio: testorque me deinceps incuriosius  
habiturum, quid Pudentilla testamento suo scri-  
bat. Ipse iam, vt libet, matrem suam de cætero  
exoret. mihi, vt vltra pro eo deprecet, locum non 20  
reliquit. Ipse iam, vt sui potens, ac qui acerbissimas  
litteras matri dictet, iram eius delinuat: qui po-  
tuit perorare, poterit exorare. Mihi iamdudum  
satis est, si non modò crimina obiecta plenissimè  
diluui, verum etiam radicem huius iudicij, id est he-  
reditatis quæsitæ inuidiam, funditus substuli. Illud  
etiam,



etiam, ne quid omnium præteream, priusquã peroro, falsò obiectum reuincam. Dixistis, me Magia de pecunia mulieris pulcerrimum prædium meo nomine emisse. Dico, exiguum herediolum sexaginta milibus nummûm, id quoque non me, sed Pudentillam suo nomine emisse: Pudentillæ nomen in tabulis esse: Pudentillæ nomine pro eo agello tributû dependi. Præsens est quæstor publicus, cui depositum est, Coruinus Celer, vir ornatus. adest etiã tutor, auctor mulieris, vir grauissimus & sanctissimus, omni cum honore mihi nominãdus, Cassius Longinus. Quære Maxime, cuius emptionis auctor fuerit: quantulo pretio mulier locuples agellum suum præstinarit. TESTIMONIUM CASSII LONGINI TUTORIS, ET CORVINI CLEMENTIS, QVOD RECITATVM EST. Estne ita vt dixi? vsipiam in hac emptione nomen meum adscriptum est? Num ipsum heredioli pretium inuidiosum est? Num vel hoc saltem in me collatum? Quid etiam est Æmiliane, quod non te iudice refutauerim? quod pretium Magiæ meæ reperisti? cur ego Pudentillæ animum beneficiis flecterem? quod ex ea commodum caperem? vti dotem mihi modicam potius quàm amplam diceret? O præclara carmina! an vt eam dotem filiis suis magis restipularetur, quàm penes me sineret? Quid addi ad hanc Magiam potest? an vti rem fa-

Q



miliarem suam meo adhortatu plerumq; filiis con-  
 donasset, quæ nihil illis ante me maritū fuerat lar-  
 gita, mihi quidquā impartiret? O graue veneficiū,  
 dicam, an ingratum beneficium? an vt testamento,  
 quod irato filio scribebat, filium potius, cui offensa  
 erat, quā me, cui deuincta, heredem relinqueret?  
 Hoc quidem multis carminibus difficilè impetra-  
 ui. Putate vos causam nō apud Claudium Maximū  
 agere, virum æquum, & Iustitiæ pertinacem; sed  
 alium aliquem prauum & sæuum iudicem substi- 10  
 tuite, accusationum fautorem, cupidum condem-  
 nandi: date ei quod sequatur: ministrare vel tantu-  
 lam verisimilem occasionem secundum vos pro-  
 nuntiandi. Saltem fingite aliquid, reminiscimini,  
 quod respōderatis, qui vos ita rogat. Et, quoniam 15  
 omnem conatum necesse est quæpiam causa præ-  
 cedat: respondete, qui Apuleium dicitis animum  
 Pudentillæ Magicis illectamentis adortum, quid ex  
 ea petierit? cur fecerit? Formā eius voluerat? negatis.  
 Diuitias saltem concupierat? negant tabulæ dotis, 20  
 negant tabulæ donationis, negāt tabulæ testamēti.  
 in quibus non modò non cupidè appetisse, verū  
 etiam durè repulisse liberalitatem suæ vxoris osten-  
 ditur. Quæ igitur alia causa est? Quid obmutuistis?  
 quid tacetis? Vbi illud libellivestri atrox principiū,  
 nomine priuigni mei formatum? *Hunc ego, domine*  
*Maxime,*



*Maxime, reum apud te facere institui.* Quin igitur addis, reum magistrum, reum vitricum, reum deprecato-  
rem? Sed quid deinde? *plurimorum malefactorum & manifestissimorum.* Cedò vnum de plurimis: cedo  
5 dubium, vel saltem obscurum de manifestissimis.  
Cæterum ad hæc quæ obiecistis innumera, binis  
verbis respondeam. Dentes splendidas: Ignosce  
mundiciis. Specula inspicias: Debet philosophus.  
Versus facis: licet fieri. Pisces exploras: Aristote-  
10 les docet. Lignum consecras: Plato suadet. Vxo-  
rem ducis: Leges iubent. Prior natu ea est: Solet  
fieri. Lucrum sectatus es dotis: Dotale accipe,  
donationem recordare, testamentum lege. Quæ si  
omnia affatim retudi, si calumnias omnes refu-  
15 tau: si in omnibus non modò criminibus, verum-  
etiam maledictis, procul à culpa Philosophiâ tui-  
tus sum, si Philosophiæ honorem, qui mihi salute  
mea antiquior est, nusquam minui: immò contrà  
vbique, si cum septem pennis eum tenui: si hæc ut  
20 dico ita sunt: possum securius tuam existimatio-  
nem reuereri, quàm potestatem vereri: quod mi-  
nus graue & verendum mihi arbitror, à proconsu-  
libus damnari, quàm si à tam bono, tamq; emen-  
dato viro improber. Dixi.

Q ij







1. 6. 64  
25204 (PH)

125

ISAACI CASAVBONI  
in  
L. APVLEI APOLOGIAM  
Castigationes.

Q. iiij.



ISAACI CASAVBONI  
in  
L. ABRAHE APOTOGIAM  
Cassationes.





ISAACI CASAVBONI

in

L. APVLEI APOLOGIAM

CASTIGATIONES.

15 **A**POLOGIA.) In emendando elegantissimo isto libro, vñ sumus veteri editione Romana; quæ omniū prima anno M. CCCCLXIX. cusa est. ea nobis ad manum semper manuscriptorum loco fuit. Eius ope mendas ex tantulo scripto, plurimas & grauissimas sustulimus. vt quī eorum  
20 negligentiam excusē nescio, qui hoc ipsum ante nos professi, tam leuiter collatione illius libri sint defuncti. Nos contra eam editionem, vt omnium minimē correctorum manus expertam, & proinde minus corruptam, per omnia secuti sumus: nisi ea manifestē vitiosa esset. Nam & ipsa, præ-  
25 ter quam quod Græca fere non habuit, graues nec paucas mendas continet. quas nos, Dei virtute, plerasque omnes sagaci coniectura absterimus. Eiusmodi est quod falsam *ὁμολογίαν*, quæ orationem vnicam, & vt Iuriscōsulti loquuntur, actum legitimum, qui necessario continuus esse debet,  
30 male dispescebat, emendauimus, quæque vitio separabatur, coniunximus, & in pristinam integritatē restituiimus. Auctoris non esse eam sectionem, nemo sanus in controuersia vocare potest. Nam quare, obsecro, in scribendo oratio-



nem diuississet, quam vno tenore apud Procosl. pronuntia-  
 set? quo exemplo? aut quam ob causam? an quia liber lon-  
 gior erat futurus? nugæ. quasi non multæ hodie extent &  
 Græcorum oratorum & Romanorum longiores. Deinde  
 quis non videt, totum orationis contextum vna propo-  
 sitione contineri, vno epilogo claudi? Non ergo auctoris erat  
 illa *τομή*: quam propterea iure merito sustulimus præsertim  
 cum auctoritate summi viri Aurelij Augustini factum no-  
 strum tueri possimus: qui *orationem copiosissimam* hunc li-  
 brum appellat. nimirum eius ætate nondum exortum erat  
 istud ingeniosorum hominum genus, qui partim ignoran-  
 tia, partim *δειρύνει* intolerabili, in bonos auctores pridem  
 grassantur. Eiusmodi hominibus partitionem hanc acce-  
 ptam ferre debemus: qui etiam Floridorum librum pri-  
 mum in duos non minore flagitio tribuerunt. non enim  
 quatuor, sed tres solum libri Floridorum ab Apuleio sunt  
 relictæ. Male etiam iidem philosophica huius auctoris scri-  
 pta digesserunt. cum enim tres libri hi, De dogmate Plato-  
 nis, De philosophia, & *Περὶ ἐκπύρωσεως* vnum opus sint, &  
 corpus vnū debeant efficere, hodie longe aliter eduntur,  
 non secus ac si separati sint, & libri singulares. Atqui ita vt  
 diximus rem habere, testis ipse Apuleius qui non procul à  
 libri *De dogmate Platonis* principio ita scribit, de Platone  
 loquens: *Quoniam treis partes Philosophiæ congruere inter se pri-  
 mus obtinuit, nos quoque separatim dicemus de singulis, à naturali  
 philosophia facientes exordium.* Pollicetur se tres libros scriptu-  
 rum de totidem philosophiæ partibus, ex disciplina Plato-  
 nica. Quære ab iis qui nobis concinarunt hætenus editio-  
 nes Apuleij, vbi illi tres libri sint: negabunt, opinor, integrū  
 opus ad nos peruenisse. id verò peruenit, hodièque extat.  
 tres illos sane libros quin habeamus nemo negabit. Primus  
 est ille ipse, qui *τὸν φυσικὸν τόπον* complectitur: secundus is, cui  
*De philosophia* hodie index est, in quo *ὁ ἡθικὸς τόπος* conti-  
 netur.



netur. Eius initium, *Moralis philosophiæ caput est*. Tertium noli dubitare eum esse qui postremum locum obtinere solet in vulgatis editionibus, & *Περὶ ἐρμηνείας* inscribitur. nam eo complexus auctor τὸν λογικὸν τόπον. Principium ita habet, *Studium sapientiæ quod Philosophiam vocamus, plerisque videtur tres species habere, Naturalem, Moralem, & de qua nunc dicere proposui Rationalem*. Sed redeo ad Romanam editionem: ex qua scire volo lectorem plerasque omnes esse emendationes promptas, quarum ratio hoc libro non reddetur. Porro quis ille fuerit qui primus tantum flagitium admiserit, & tot monstra nobis post illam editionem protulerit, pro certo compertum non habemus. puto tamē Bernardum Philomathē Pisanum fuisse, qui eā editionem curauit quæ anno M. D. X. I. I. Florentia prodiiit: quod ex illius gemina epistola ei editioni præfixa facile quis intelligat. Illi tamen viro, utcumque de cæteris merito, Græca non pauca quæ primus ex suis libris descripsit & edidit, debemus.

Pag. 2, v. 3 *patroni eius*) Si rectum est quod modò præcessit, aduersus *Grauios*, nimirum hîc scribendum, *p. eorum*.

12 *quum paulò prius occisum à me clamitaret*) Ita emendauimus vulgatam lectionem, *quem p. p. o. à me clamitabat*. quæ ferri non potest: est enim prorsus ἀσυντάκτος & incohærens. Romana edit. *Igitur Pontiani*. cætera ut reliquæ.

18 *eam solam sibi delegit*) Possit videri iam scribendum. Sed nihil debet mutari. Est enim Ἑλληνισμὸς familiaris huic scriptori, apud quem sæpe reperias eam dictionem παρέλκουσαν. Infra, quod animi partem rationalem, quæ longè sanctissima est, eam violet. Tolle eam: sententiæ nihil detraxeris. Ita autem Græci, Herodotus præsertim, & Pausanias, atque è recentioribus Agathias. etsi id propriè Hebræorum dialecti esse certum est.

22 *scilicet ut obtentu*) Placuit hæc distinctio, præ vulgata,

R



nouo more per alium laceſſendi ſcilicet : vt obr.

Pag. 3. i ne ſic quidem quitus eſt. ) Sic Roman. editio. cur murarunt homines ἀνοῦτος vulgò enim quietus eſt. Terentius, forma in tenebris noſci non quita eſt. Vtitur, & alibi Lucius noſter.

3 ab accuſandi periculo profugus, ) Id eſt, ab accuſando, in quo erat periculū. Sic ſtatim elegāter & breuiter in aſſiſtēdi venia perſeuerauit. ἀντὶ τῆς in aſſiſtēdo, vbi ſpes veniæ. Hoc moneo, quia reperti ſunt tam corrupti palati homines, quibus vulgata lectio non ſaperet, ac legi vellent, in aſſiſtendi vmbra. ô acumen!

12 pro falſo infamarit. ) Malè in omnibus libris infamaret.

13 tanta quidem pertinacia ) Rom. ed. peruicacia.

16 contra clariſſima voce iurauerit recordiſſimus iſte tamen, )

Sic nos emendauimus corruptam lectionem omnium librorum, contra clariſſimam vocem. Enimuero ea ſcriptura manifeſtò falſa: iſta enim clariſſima vox vox Æmiliani eſt non Lollij Urbici. quod ex ſequentibus clarum. Elegantiſſimè autem Apuleius hominem eum ῥαεαυτιζες quē Theophrastus ἀπορετικὸς vocat : quòd malam cauſam tanta confidentia tueatur : quòd iuret tam facilè, imò peieret: quòd alta & clara voce vociferetur. eadē Theophrastus.

20 ſpero in hoc quoque iudicio erupturam. ) Scribo & diſtinguo, erupturum: quippe, qui ſciens innocentem criminatur. Erumpere vocem, dictum ἐρεπντινός, vt apud Terentium erumpere gaudiū: apud Ciceronem, erumpere ſtomachum in aliquem. Qui nō animaduertērāt: in ſuperiore loco legendū clariſſima voce, eos ne iſtum quidem recte accipere potuiſſe certum eſt. Hoc ait: ſperare ſe fore, vt Æmilianus iſto quoque iudicio victus, idem vācordiæ ſpecimen edat ac fecit priore illo. Id prius iudiciū Romæ non in prouincia fuit celebratum, apud tribunal. Q. Lollij Urbici præfecti.



facti Urbis: de quo vetus lapis extat Romæ,

APOLLINIS

LOLLIVS. VRBICVS

PRÆF. VRB.

5 Pag. 4, 12 *effutierunt.* Roman. *effuderunt.* eadem mox, *utiliter*  
*blatterata:* hoc est, conducibiliter causæ quam tuebantur,  
& sui quæstus gratiâ: non seriò neque ex animi sententia.

14 *deprehensa haberi,* hoc est, pro manifesto falsis, & fa-  
tis reuictis. Quid si tamen scribamus, *ob mercedem* & au-

10 *toramenta impudentiâ depensa.* pro, repensa.

Pag. 5, 15 homo verè ille quidem non disertissimus: Restituimus  
negationem ex editione Romana. Ea vera lectio, & ex

Apuleij mente, qui etiam infra Tannonio eidem infan-  
tiam obiicit: de eò enim sunt hæc, *sed eloqui propter infan-*

15 *tiam causidicus summus nequiver.* Mox, *At ego illi contra iustius*  
*exprobrauerim,* quod qui eloquiæ patrociniū vulgo profiteatur,  
etiam honesta dictu sordide blatteret, ac sæpe in rebus nequaquam  
difficilibus fringuliat, vel omnino obmutescat.

Pag. 6, 2 *Velia oriundum,* Errat vir ille doctissimus cui ait

20 Coluius placere ut *Elea* scribatur. quasi non idem sint *E-*  
*λέα* & *Velia*.

5 ut *Plato autumat* Recte ut non &, quod quibusdam  
placet: qui non vident & præcedentia & sequentia pen-

dere à verbo respondiſsem. *Autumat* est, λέγει, ut rectè ver-  
titur in Glossario. Zenonem Plato vocat *δυσκλινὴ καὶ χαλ-*

25 *ειντα* id est *εἰν*.

16 *horrore implexus atque impeditus* Gloss. *Implexa barba*  
*δασυπώγων:* *νόσσω πώγων* ut quidā sunt qui scribāt horro-

re *impex*. Sic in Glossario, *Impexa, ἀκτένιστος, φεικτὴ.* & ita le-  
go in alio eiusdē libri loco *Horridus, ἀκτένιστος, φεικτός.* vbi

30 vulgati libri valde corruptè *σπαντο φεικτός.* Sed magis pla-  
cet lectio omnium librorum *implexus.* Vtraque voce vsus

Agathias elegantissimus scriptor, in eadem sententia, *οἱ*



πλόκαμοι τῶν Τέρμων τε καὶ βαρβάρων ἀπέκτιντοι καὶ αὐχμηροὶ,  
καὶ ῥυπῶντες, καὶ ἐνέρσει ἀπρεπῶς ἀναπεπλησμένοι.

16 *stuppeo tormento*) Mihi videbatur frigidius, vt capil-  
lus capitis funi (id enim est *tormentum*) assimilaretur: lege-  
bam igitur *tomento*: nihil tamen pronuntio. Rom. cod. 5  
*stuppea t.*

Pag. 7, 22 *non vidit profectō*) Omnino placet mihi lectio quæ  
in quibusdam libris reperitur, *inuidit pr.* Digna vox erudi-  
tione Apuleij *inuidere* pro non videre: vt *inuisus* pro nō vi-  
so etiā apud M. Tullium. Si quis propter huiusmodi vo- 10  
ces fastidiendam putet huius eruditissimi scriptoris ora-  
tionem, eum ego censeo quid scit Latinè scire prorsus i-  
gnorare. Nam certum est optimos quosque Latinitatis  
auctores plerisque compositis cum *re* vel *in* vel *ex* multi-  
fariam vti solitos: quod & veteres critici pridem monue- 15  
runt: & nos ad Persium & Suetonium cis paucos menses  
Deo faciente, ostendemus.

Pag. 8, 1 *Misi vt petisti*) Magnus error admissus erat in dige-  
rendis hisce versibus, quem sustulimus. ita enim absque  
dubio debent hæc edi, vt sunt à nobis collocata, nō vt in 20  
prioribus editionibus. Proferendi huius epistolij occasio  
prima fuit, vt probaret petitu Calpurniani dentifricium  
se misisse: ergo illa verba *Misi vt petisti* male post paren-  
thesin ponuntur. Iam verò ipsius parentheseos dedere oc-  
casionem illa verba, *ex Arabicis frugibus*, perperam igitur il- 25  
li subiiciuntur. sed & aliàs confusā ista ante edebantur,  
quæ iam planissima sunt.

1 *mundicinas dentium*) Vulgo *munditias*, contra modulum  
versus. Obseruare licet in scriptoribus eius æui & de in-  
cipibus frequentem hunc τύπον. Sic *indicinam* alibi dixit 30  
hic idem: Tertullianus *invidicinam* & *vestificinam*. Ammia-  
nus & Symmachus *causidicinam*, ne plura nunc comine-  
morem.

20 Nihil



20 nihil in se sordidum) Ita Rom. alij sordium eadem Ro.  
statim, fœculentum non fœtulentum.

Pag. 9, 1 è dentium muro) -- ποῖόν σε ἔπος φύγῃ ἕρκος ὀδόντων;

2 diceret suo more) Distinctione praua laborabat hic lo-  
cus. At viro doctissimo caue assentiaris, qui suo iure voluit  
scribi. Suo more valet, grandiloquē, μεγαληρότης: cui oppo-  
nuntur mox illa, pro meo capru.

Pag. 10, 4 qui se sciat rationem prompturum) Malim orationem. sed  
alteram lectionē nonnihil confirmat similis locus De do-  
gmate Platonis, homini promptuarium rectæ rationis & suavis-  
simæ orationis os datum est.

6 de homine nato) Græcum est οὗτος αἰθερόπου φυτόν, vel  
πεφυκότος. Cicero pro eo dicere solet, qui se hominem memi-  
nerit. ea enim ἐνέργεια est Græcæ locutionis, quam expref-  
sit ad verbum Apuleius & hîc & paulo post, An tu igno-  
ras nihil esse aspectabilius homini nato quam formam suam?

11 multæ arundines dentibus implectuntur.) Quis locū hunc  
de mendo habeat suspectum? tamen legendum aio, multæ  
hirudines d. imp. Ælianus, ὁ γουὺν κεκοῖδεις ἰσὺς ἔχεται ἅμα καὶ  
κέχηνεν ἐμπήπτειν οὐδ' αἰ βδελλαί εἰς αὐτὸν, καὶ λυπόουσιν. Confir-  
mat Plinius, cuius verba sunt, Hunc saturnum cibo piscium, &  
semper esculento ore. nam quomodo esculentum os appellabi-  
tur, cui arundines implexæ? Idem ex Aristotele colligas,  
qui ait trochilos edere purgamenta ista dentium croco-  
dili, quod & Plinius innuit, & apertius scribit Ælianus:  
non enim sanè tantula auis arundinibus vescitur.

14 exscalpit) Minus rectè vulgo, exsculpit. Aristoteles,  
καταΐπει.

21 tam proximum argumentum?) Infra, Respondeat mihi Æ-  
milianus quo proximo signo ad accusandum magiæ sit inductus.

Pag. 11, 14 Id genus plurima) Lego, pluria.

Pag. 12, 17 Plania in animo) Magis ex consuetudine linguæ  
Ro. nescio an & ex veritate, Flavia scripseris.

R. iij



19 C. Lucillum quanquam sit iambicus) Putem verius, C. Lucillum quanquam sit satyricus. adhuc tamen animi pendeo.

20 quod Gentilem) Lege cum Rom. Gentium. Gentius & Macedo puerorum nomina, alterum vt puto, Illyrici, alterum Macedonis.

Pag. 13, 26 *aficisque dolore*) Nollem virum linguæ Latinæ adeo peritum, tantum licentię vsurpassē contra omnem analogiā. par licentiā sequenti versu in *amissimus*. Sed, quantum video, disertior Apulcius quam *πομπικώτερος*. Fuit autem ea securitas supina multorum illis tēporibus, vt obtemperare legi metricæ non amplius curarent, quā amantes, ait poeta Siculus, *πατερος μύθων καὶ υἱὸς ἀκούων*. vide quæ passim habet carmina Spartianus.

Pag. 15, 9 *proprio quamque Amore & diuersis amatoribus pollentis*) *ἄνμα πρὸς τὸ σπουδαίον*, geminam Venerem pollentes quamque. Est autem Rom. cod. scriptura pollentis pro pollētis. qua de re multa Priscianus.

12 *vt immodico trucique percussorum*) Scriptum erat, vt in modo dico tr. nulla sententia. Percussorum est *οἷς ἐγπ' ἀνθρώπων*. vt, ingenti percussus amore. male qui censent mutādum: sequitur statim: illecebris sectatores suos percellentem.

15 *solis hominibus, & eorum paucis curare*) Nihil mutādum: Plautus Trinummo,

*Sed ego sum insipientior qui rebus curem publicis.*

& in Truculēto, *curare alienis rebus*. Vide Nonium. Sic paulo post adeo rebus meis curat.

17 *Quippe eius amore*) Ne hīc quidem vlla sententia nedum bona. Lege verō *Quippe eius Amorem non amœnum & lasciuum*, sed cōtra incorruptum & serium, pulchritudine honestatis, virtutis amorem amatoribus suis conciliare. verē Platonica sententia. non dubium autem deesse vocem *amorem* ante amatoribus, quam restituiimus. Nemo nescit quā sæpe factum, sæpe fiat ab oscitantibus scribis, vt similium vocum vici-



vicinarum alteram omittant.

Pag. 16, 23 *tragædi sŷmate histrionis*: Nihil planius ista lectione: Ait, *tragædi histrionis*, quia tragicorum histrionum ornamenta erant *σώματα, σατοὶ, ξύσιδες, & χευσόπαντα* id genus *ἰμάτια* personis apta quas ipsi sustinebant. Valerius in Phormione. *Quid hîc cum tragicis versis & sŷma facis?* Valerius Max. lib. vii. *togam velut tragicam vestem in foro trahens.* Frustra igitur sunt qui hîc mendum suspectant: Qui etiâ in eo grauissimè errant, quod ex Luciani loco quodam male intellecto, mimorum centunculos cum ornamētis tragicis confundunt. Sed hæc alterius loci.

Pag. 17, 6 *quàm Cereris mundum*) Sic illa vocat quæ mystæ Cereris Eleusiniæ asseruabant in cistis mysticis. Clemēs Alexandrinus in Protreptico, *οἷα δὲ καὶ αἱ κίς αἱ αἱ μυστικαὶ, δὲ ἔστι τὸ ἀπογυμνῶσαι τὰ ἄγρια αὐτῆς, καὶ τὰ ἄρρητα ἔξειπέν. ἐσσημαῖα ταῦτα καὶ πνευματικές, καὶ τολύπαι, καὶ πόπανα πολυόμφαλα, χονδροὶ τε ἁλῶν, καὶ σπάκων, &c.* vide Arnobium lib. quinto.

18 *& facilitas & similitudo*: Posteriores editiones, *& felicitas*, nos Romanam hîc quoque probauimus: sequentia eam lectionem confirmant.

Pag. 19, 20 *profectæ à nobis imagines, velut quadam exuuiæ*, ) Ita exprimit vocem Græcā Epicuri *ἀπορροῖαι*: Lucretius *texturas* pro ea dixit: quia non solū fluunt de corporibus hæ exuuiæ: sed etiam imaginem obiectu speculi generant & quasi texunt. Sic ille libro quarto,

*Et quamuis subito, quouis in tempore, quamque*

*Rem contra speculum ponas, apparet imago:*

*Perpetuò fluere ut noscas è corpore summo*

*Texturas rerum tenuis, tenuisq; figuras.*

30 Sed venit aliquando mihi in mentem Apuleium eo loco legisse *Exuuias* non *texturas*: itaque esse rescribendum, de quo iudicent docti viri.

25 *seu mediis oculis proliquis*) Respicit illa Platonis in dispu



tatione de visu ὥστε τὸ μὲν ἄλλο ὅσον παρύτερον σέγειν πᾶν τὸ τοῖστο δὲ μόνον αὐτὸ καθερὸν διηδεῖν.

26 atque ei vniu) Sic legi debet, vel vt Coluio visum, muniti. Vulgo, atque muniti. Plato ibidem. τὸ τῆς ὀφθαλμοῦ ῥόδου, τὸ τε ἐκπύπτον ὁμοιον πρὸς ὁμοιον συμπαγὲς γυμνασμον, ἐν σῶμα οἰκειωθὲν ξυνέση. similia idem mox vbi tractat πρὸς τῆς τῆς κατὰ πτερον εἰδωλοποιίας.

Pag. 20, 2 intentu i aeris fracti) Petri Pithœi viri doctissimi, & cui æternum hæ nostræ literæ ac Iuris scientia debebūt, est hæc emendatio: nam omnes libri hîc corrupti sunt. 10 Plutarchus in Placitis ex Chrysippo vocat συνέντασιν τῆ μεταξὺ ἀέρος νυχύτος. vt de tanti viri correctione nemo dubitare debeat.

17 appositum fomitem) Scribendum, oppositum.

26 ac non modo campo & glebis) Voculam ac quæ exciderat, ex Rom. restituiamus: & à praua distinctione male affectum locum, sanauimus.

Pag. 21, 13 à probatore obstitit:) Vulgo, approbatore. sed veram lectionem ex edit. Rom. reposuimus. Sic dictum à probatore obstitare, vt apud Græcos κρύπτειν & κρύπτεσθαι ἀπὸ πνός, 20 etiam apud poetam præcipuum.

21 Humilitate abdita & lucifuga) Scrib. abditus.

22 Ego adeo seruior: tu an habeas ad ag.) Non dubitauimus veram & certam emendationem nostram in contextu recipere, sprete vulgaria scriptura, seruor & abeas. Scio seruor pro obseruor Latinum esse, atque adeo Tullianum: sed id non posse hîc locum habere pertendo. non enim de obseruantia & cultu qui honoris causa à liberis personis exhibetur, intelligit: sed de seruorum διακονία & ministerio. Quid quod sequentia eam lectionem manifestè 30 flagitant: debet enim repeti vox seruos quæ in verbo seruior intelligitur inclusa: vt in illo τῶν LXX διακονῶν ἰδεῖα δὲ εἶσι. nimirum ἡ δίκη. est enim σχῆμα ἀπὸ κοινῆς, ὅταν ληπτέον ἐκ τῆς



ἐκ τῆς ῥήματος τὸ ὄνομα, ut loquitur Eustath. in Iliad. β. Non igitur *seruor* sed *seruior* legendum. Seneca, *seruis paucioribus seruiui*. De tranquill. vitæ.

24 cum vicinis tuis *cambias*) Vox Græcæ originis, quam Carisius libro tertio, & Priscianus ex eo vertunt ἀμείβομαι. Glossæ veteres *Cacumbeat διάλλασει*. Lego, *cambiat* ἀλλάσει. Est à κάμπω, propter Gratiarum vices: semper enim Gratiæ καμψιδάυλοι non εαδιδόεμοι esse debent. Inde est nostrum Francoceltarum *change ἀμοιβή*. Græci tamen suum κάμπω non usurpant pro eo quod est *campio*: sed pro eo quod veteres Latini *campso* dicebant. Ennius *Leucaten campfant*. Græcum prouerbium apud Strabonem, Μαλέαν δὲ κάμψων ἐπιλάθου τῆς οἴκας. & apud geographos sæpe κάμψαι ἀκρεν.

15 Pag. 22, 22 ter triumphum una porta egerit) Quasi verò non omnes triumphus eadem porta agerentur Iosephus Ἀλώσεως libro septimo, πρὸς δὲ τὴν πύλιν (triumphalem portā intellige) αὐτὸς ἀνέχεται, τὴν δὲ τὸ πέντε παλαιὰ δι' αὐτῆς αἰετὲς θεία μυστὴς τῆς θεωρητικῆς αὐτῆς τευχίας. Sed respicit Apuleius ad situm populorum de quibus Curius triumphauit, Sānitum, Sabinorum, Lucanorum: qui omnes ab eodem Tiberis latere sunt siti.

25 Pag. 23, 3 quum iam ad villam publ. v.) Legebatur quoniam male, pro quom iam. Exierat Cato cum tribus seruis: sed cum ad Villam publicam quæ in campo Martio erat, peruenisset, subiit animum cogitatio, nō posse tam paucos seruos sufficere prouinciam administranti: misit ergo in Urbem, qui duos emeret. sic quinque habuit: quot & Plutarchus ait. Hæc vera mens istius loci.

30 14 aduersum diuitias possessa.) An scribendum potius, aduersum diuitiis professi. vel aduersam: hoc sensu, paupertatis professionem esse virtutem amare & sequi, contra quā soleant diuites: quod & suadent quæ sequuntur. Lipsij c-



mendatio *aduersum diuitias possessa*, etsi elegans & ingenio-  
sa, propterea minus placet, quia sensum huius *κωλ* sus-  
pendit: cum videantur singula membra sensum absol-  
uere debere.

19 *diuitiarum alumni solent.*) Editiones recentes habent, s  
d. *alumni sunt. legebam, alumna sunt.* haut dubiè melius. sed  
veram lectionem in Rom. cod. reperi postea.

22 *ubi contra, haud temere*) Egregiè emēdauius omnium  
librorum *ἔαφην*, *ubi contra hanc*. nullo planè sensu. *ubi est*  
*ἔπεν* Græcorum. 10

Pag. 25, 8 *Etenim omnibus ad vitæ munia ut.*) Scrib. *Etenim in*  
*omnibus.*

13 *irritam copiam*) *ἀνωφεκτον ὀξεσίαν*, quæ in rerum actu  
magis impediatur, quam adiuuet.

24 *qui superuacanea nolit, poscit necessaria.*) Inepta & con- 15  
tra auctoris mentem scriptio: *Lege, possit nec.* Sequitur  
statim, *non ultra volentes quàm poterant.* & non longè antè,  
*delicias ventris & inguinum, neque vult vllas neque potest.* quem  
locum male sunt quidam arbitrati emendationis egere.

Pag. 26, 9 *Non habuit tantam rem familiarem Philus,*) Hic est 20  
P. Furius Philus vir consularis C. Lælij Sapiientis æqualis  
& amicus, ut ex variis locis Ciceronis apparet. quare etiā  
idem Tullius in libris De republica hos inuicem loquen-  
tes fecerat. vide ad Atticum lib. IIII, & ad Qu. fratrem.

19 *quippe qui inopia, desiderio, op.*) Scribi debuit, *quippe quia* 25  
*inopia desiderio, opulentia fastidio cernuntur.*

Pag. 27, 9 *pauciores habeo*) Vel *pauciores res habeo* scribendum,  
vel *pauciora.*

18 *etiam in ista vitæ humana tempestate*) Quia propius abe-  
rat hæc lectio à Romana, ideo eam probaui: nam alio- 30  
quin sic potius legerim, *etiam in ista vitæ humana, ut in tem-  
pestate.*

22 *Proinde gratum habitum*) Inest in verbis vulnus, vereor  
ut in-



ut insanabile: tamen erit sententia non contemnenda si legas, *Proinde gratum habui cum ad contumeliam diceretis.* Sed preit ad aliam emendationem liber Rom. ubi *dicens* (pro dicentis, ut assolet, legitur, non diceretis. Fors fuit defuncti aliquot voces: quas sine librorum ope velle comminisci, *μαίνεσθαι μάλλον εἰν' ἰσως, ἢ μαντεύεσθαι.*

P. 28, 14 Πῆρῃ πρὸς πόλιν ὅστι) Qui istius parodiæ Cratetis loco, ipsa Homeri verba, quæ in vulgatis editionibus hîc leguntur, substituit, nâ ille fuit insigniter & imperitus & audax. Nâ quis stupor aut κορυβαντισμὸς nō vidisse illa non convenire isti loco: quæ verò audacia discedere, à Rôm. ed. ubi diserte ita legitur? Ex ea nos & Græca verba Cratetis (quæ tamen ex Lactio multo ante annotaueramus quam eum librum vidissemus) & eorum versionem Apuleij restituiamus.

18 *Iam cætera tam mirifica,* hæc nempe,

*περίρρυπος ἔδεν ἔχουσι.*

*Εἰς ἣν ἔτε τις εἰσπλεῖ ἀνὴρ μωρὸς, ὡδύσσοις,*

*Οὔτε λίχνος πόρνης ἐπαγαλλόμενος πυγῇσι.*

*Ἀλλὰ θυμὸν καὶ σκόρδα φέρει, καὶ σῦκα καὶ ἄρτες·*

*Εξ ὧν ἔπολευσεν ὡρὸς ἀλλήλους ὡρὲ τέτων·*

*Οὐχ ὅπλα κέκτηνται ὡρὲ κέρματος, ἔ ὡρὲ δόξης.*

3 *Et togam palmatam*) Insignia triumphantium, quod nunc est, toga picta olim, & tunica palmata fuere. Non tamen propterea suspectum quisquam habeat hunc locum. Nam etiam palmatæ togæ postea factæ: quas reperio fuisse triumphi & consulatus insignis constare hoc ex Martiale, Tertulliano, Cassiodoro, & Ennodio. Verum de istis alibi.

30 Pag. 29. 6 *ut quædam mendicabula animi sordent.*) Lege, q. m. nimis sordent quod & aliis ante nos in mentem venerat. Erroris aperta caussa. Sic I Floridorum *quædam palliata mendicabula obambulant.*



17 *crebris liberalitatibus modice imminutum.*) Imò verò non modicè. Ait ipse Milesia vltima, *Nā & vinculas patrimonij peregrinationis attriuerant impensæ: & erogationes vrbicæ pristinis illis prouincialibus antistabant.* vbi & alia in hanc sententiam. Sed ita hic loquitur Apuleius, quia nihilominus diues, remansisse videri voluit.

22 *contentum patrimonij*) Cæcus sit oportet qui non videat vulgatam lectionem, *contemptu* esse mendosam. nec debuit Coluius, præsertim qui tantum auctorem haberet, de ea in contextum recipienda dubitare.

Pag 30. 7 *unde tibi potius quam*) Interrogationis nota in fine posita istius periodi, totam sententiam corruperat, quæ hæc est. *Æmilianus iste ob cadauerosam faciem & Acheronticam, vulgo Charon audiebat. Infra. Igitur agnomenta ei duo indita: Charon, vt iam dixi, ob oris & animi diritatem.* Hic 15 verò vult videri Apuleius non ob turpitudinem formæ id ei adhæsisse cognomen: sed ex eo potius, quod multos suorum cupiditate hereditatis sustulisset. quamquam istud ab eo non tam dicitur quam per figuram innuitur. Simili artificio & sub finem orationis vitur: vbi caussam 20 explicat cur idem Æmilianus cum Rufino consentiat in danda vxore Sicinio puero. vide locum.

7 *De patria mea*) Periodū lōgiusculam & suboscram, & nonnihil etiam corruptam, ita lege, ita distingue, *De patria mea verò quod eam sitam Numidiæ & Gatuliæ in ipso confinio 25 meis scriptis ostendisti, quibus memet professus sum, cum Lolliano Auito C.V. præsentē publicè differerem, Seminumidam & Semigatulū: non video q. omnia plana & aperta.*

21 *illa terræ alumna*) Male in prioribus ed. *terra. Alumna terræ τὰ ἐν γῆς φύμενα.* 30

25 *in hospitium corporis*) Rom. in hospitali corpore.

Pag. 31. 5 *Meliides fatuus*) vt Græcè *μελιτίδης*: non *Milerides*. vt vulgò.



18 *tuum Atticum Zarathē*) Sic prisca lib. Ego verò scripserim Zarath: in eo enim ἡ βαρβαρότης quā ridet, quod definat hoc nomen in aspirationem contra linguæ Græcæ analogiam. alioqui non est quod hoc vocabulum cuiusquam aures offendat magis quam Ζάρης & Ζαῖς quæ sunt nomina locorum in Græciæ penetralibus, apud Lycophronem & geographos. Apud Ptolemæum scribitur hoc nomen Ζάραθα: & sane scripsisse hîc puto Apuleium Zarath: in quo præter aspirationem, aliud etiā βαρβαρισμός ob geminatam consonantem in fine.

10 Pag. 33. 18 *Quod ingenti tumultu*) Mirum etiam in Rom. legi qua: quod est ineptum.

15 Pag. 33. 2 *recognosce dicentia*) Illud *dicentia* an dicemus esse τοῦ ποινῆς, an potius subditium? Suspiciari licet fuisse prius proximè sequentia verba Græca Latinis characteribus scripta *dis epta* pro *dis ἐπτά*. Inde manasse hanc vocem sono affinem.

17 *σεραπνεύειν δὲ τὴν ψυχὴν ἔφη*) Lacunam impleuimus appositis Platonis verbis ex Charmide.

20 23 *ad omnia quæ velit incredibilia*) Melius scripseris *ad omnia quæ velit, incredibili quadam vi. c. p.*

25 Pag. 34. 20 *suspectata Empedocli Catharmæ*) Sic scriptum, paulo minus, in codice Rom. in quo hoc tantum peccatum est, quod *Cathorinee* scripserunt operæ: debuerant enim *Catharmæ* hoc est, καθαρμοί. Nota Empedoclis *ροητεία*, noti καθαρμοί ex Plutarcho, Laertio, aliis Græcis. At in editionibus post Romanam cufis quam fœdè acceptus fuerat hic locus? Ita enim primus opinor Bernardus Philonathes edidit, *Eocli suspecta est Cathorino*. quam portentosam *γεαφὴν* omnes deinceps editiones fideliter seruauerunt. ἔτιως ἀπαλάπτωρος τοῖς πολλοῖς ἢ τῆς ἀληθείας ζήτησις.

30 21 *Platonis τὸ ἀγαθόν.*) Non ita accipi hæc debent, quasi Plato fuerit magiæ suspectus: quam ille graui supplicio



proposito de sua Republica exterminat Legum XI. sed quia multa ille de diis differere solitus nō in vulgus nota: ideo visus imperitis novos deos comminisci: quos sub nouorum verborum inuolucro celebraret. Notum quid sit in Academia ταχα δὲν.

Pag. 35, 2 post annos tredecim viduitatis ) Infra duobus locis ait, quatuordecim: & ita hīc censeo legendum.

10 quod secretò colit.) Ita Rom. alij sanctè.

Pag. 36. 7 de falso inuidia ) An scripsit auctor, de falsa inuidia? an potius Græcorum imitatione falsoinuidia nouè dixit, 10 vt illi possent ψευδοφθονος?

Pag. 39, 18 Antipathes illud quæritur, ) Ita emendauit doctissimus Turnebus lectionem omnium librorum Antiphatēs. quam scriptionem possis fortasse non minus benedefendere: vt de quadam planta, aut gemma, aliāve re simili intelligatur, quæ inimicandi vim, vt illa insana laurus, ex perpetua contradictione, habeat fere enim quæcunque ad philtia adhibita, ea quam vim crederentur habere, ex ipso nomine paret. Iam antiphatēs illud contra analogiam Græcam dictum fuerit, (nam illi τὸν ἀντίπατον dicerent, vt alia quamplurima, in quibus genus mutarunt simul & declinationem Romani. σύρμα Græci & σχῆμα, & τὸν χάρτην: Latini syrnam, schemā, chartam sexcenta sunt id genus.

19 Trochiscili, vngues, tenia ) Non potest, meo iudicio dubitari de voce vngues, quin vt emendat Scaliger legendū sit iunges, id est, iunges. nam quis putet in hoc albo prætermissam auem illam, quam supra omnia impetrabilis efficaciz esse in his sacris crediderunt? Et ratio est: quia cum viderent auiculam, quam ὀψθα appellabant ( quæ alia est ab Aristotelis: illi enim ὀυξ non est inter aues quæ κινῶσι τὰ ἐρᾶα, vt χοῖνιλος, κίβηλος, Τρύγας) assidue caudam motitare, crediderunt salacissimum esse ζωφριον. nā & in scena mimi mimæque, præcipuè Gaditanæ, cinctos ita exprimebant



mebant. Ideo philtris adhibitæ iynges inter præsentiffi-  
mapharmaca, vt ex poetis Græcis & eorum scholiastis  
notum. Romanis dicitur *σεισπυγίς*, inquit Theocriti ve-  
tus interpres. Sic ille vertit Latinam vocem, *motacilla*, de

5 qua Varro & Plinius. Glossarium, *σεισπυγίς*, *moriceilla*, *mo-  
tacilla*: at *ῥυξ* ab eodem magistro exponitur *frutilla*. Iam di-  
ximus iyngem in amatorijs aliam esse ab ea quam descri-  
bunt Aristoteles & Plinius: neque dubium mihi, quamli-  
bet de genere earum quæ, vt ille ait, tremulum crispant,

10 pro iynge in amantium *φαρμακυντεία*, habitam & ita ap-  
pellatam fuisse. Postea verò non hæ tantum auiculæ, sed  
*ἀπὸ λῶς* omnia quæ conciliandi amoris aut amicitie vim  
habent, ita cepere appellari. sic enim illā vocē disertissimi

15 Græcorum, etiam in honesta amicitia vsurpant. *Trochilif-  
ci*, si ea lectio vera, sunt trochi minuti: est enim diminu-  
tio duplex vt in Latinis nonnullis, Græcis non paucis. *τό-  
κος τοκείον, τοκείδιον. χιτάν, χιτωνίσκος, χιτωνισκείον*. Sic

*τερχός, τερχίσκος, τερχισίλος*. Bene autem trochus & iyn-  
ges hîc iunguntur. nam & in vsu iungebantur. Scholia-  
20 ftes Pindari, Pythionicarum ode quarta *λαμβάνουσαι αἱ  
φαρμακίδες τὴν ῥυξά, δις μόδιον ἐν τερχοῦ πινὸς ὃν περὶ εὐμῶ-  
σαν ἄμα ἐπαδουσαι*: οἱ δὲ φασιν, ὅτι τὰ ἐν τερχῇ αὐτῆς ὀξέλεικουσαι  
*καὶ δάπτουσι τὰς τερχάς*. Theocritus,

*Ὡς δινεῖθ' ὁ δὲ ῥόμβος ὁ χάλκεος ὃς Ἀφροδίτας,*

25 *Ὡς κείνος δινεῖτο ποδ' ἀμετέρῃσι θύραισι.*

Sic possumus eam lectionem tueri atq; interpretari: quia  
tamen ea vox nonnihil insolens est, & verius ratio leui-  
ter repugnat: fortasse non male scripserimus, *trochilisci*, iis-

dem, sed transpositis literis. *τερχίσιος* est parvus trochi-  
30 lus, quod notum est auiculæ cuiusdam nomen: quæ etsi  
parua, vigoris tamen plena est, & vt de ea Græci scribunt,  
*δριμύ ὄρνειον*: vnde potius ortum videtur quod de odiis tro-

chili & aquilæ Plinius ex Græcis refert, quā ex eo quod



ille ἀνατίως prorsus ἀπ᾽ αὐτῶν hanc auctm videntur veteres  
philtris apram censuisse, vt quæ accelerandorum votorū  
vim haberet: nam & grammatici τροχίλον, ὡς δὲ τὸ τρέχει  
dictum volunt. Semper autem, vt antè diximus, ex nomi-  
ne captabānt omen: quod tamen Apuleius oratoriè ma-  
gis quàm verè alibi ridet. *Tæniæ* sunt quæ alij auctores in  
hoc argumento licia nominant: quorum non in magicis  
hisce tantū sacris olim fuit vñs, sed in plerisq; opertaneis.  
sic apud Clementē Alexandrinum legas ταινίας ἐείω κῆ πορ-  
φύρα πεποικιλμένας in expiationibus fuisse adhibitas. Erāt  
& magicæ istæ tæniæ diuersi coloris. Petronius, *Illa de si-*  
*nu licium protulit varij coloris filis intortum, cervicemque vinxit*  
*meam.* Non exprimit colorum numerum: ceterum pluri-  
mi aliquando miscebantur: nam in Ciri canit Virgilius  
*Térque nouena ligat vario diuersa colore Licia.* fere tamen pau-  
ciores: putatres, vt in Pharmaceutria.

*Terna tibi hæc primūm triplici diuersa colore Licia circumdo.*  
aut etiam duo: coniicio ex hoc Lelij, seu veriùs Lëuij lo-  
co. Ita enim hos versiculos & legendos & digerendos  
censeo:

*Trochiscili, iynge, tæniæ*

*Alterplices bicoloreæ,*

*Radicula, herbæ, surculi.*

Nam qui vulgatam lectionem conantur explicare, & ad  
aureas ac cordylas pisces referunt, ij verò τελείως ὡς ἀπα-  
υσσι. Quid enim magis κῆ δὲ μέγεθος oppositum, menti au-  
ctoris dici fingiue potuit? Sed id genus scriptorum senten-  
tiæ pleræque de numero sententiarum per me tollantur  
licet. At eam lectionem quam supra posuimus, vt affir-  
mare pro vera nō ausimus, ita nihil absurdi cōtinere asse-  
ueramus. *Alterplices*, est duplices, vt & Festus interpreta-  
tur. Legebam prius *atriplices* & de ea herba accipiebam,  
quam Græci χρυσολάχανον vocant: de cuius mirabili vir-  
tute



- rute ex Pythagora refert Plinius libro xx. Sed sequenti  
 voce *bichordilæ* quid fiet? Placet itaque magis superior e-  
 mendatio. Ac videtur initio scriptum fuisse *bichoroliæ*  
 transpositione literarum, pro *bicoloriæ*, vel *bicoloreæ*,  
 quod vsitatus *bicolores* dicitur. Atque hæc est nostra de  
 hoc loco sententia: quam contanter & verecundè ideo  
 preferimus, quia meminimus esse à te, Scaliger eruditissi-  
 me, aliter pridem emēdata ista & exposita. Legis tu *Au-*  
*riplices bitorulæ*: & refers ad simulacra magica quæ ipsi pli-  
 ces alio nomine videntur appellata: ingeniosissimè, vt o-  
 mnia, & doctissimè. Enimuerò non is es tu vir nobilissi-  
 me, qui in hoc genere literarum, quod (vt de medicinæ  
 arte Celsus ait) coniecturale magnam partem est, tuas o-  
 mnes sententias, ceu *νοελας δόξας*, velis haberi: quod falsò  
 nimis & improbè sycophantas quosdam, non Scaligeri  
 nominis magis quàm Musarum hostes dictitare, non pu-  
 det. Sed quid eos pudeat, qui ea scribunt, ea tuentur, quæ  
 nemo legat sanus, quin statim exclamet *peruisse Fontē de rebus*?  
 22 *Hinnientum dulcedines*) *hinnientiū* scribi iusseramus, ob-  
 metrum: nam primus pes est spondæus trium syllabarum  
 cuna *συνιζήσεις*.  
 24 *Verisimilius confinxisses*) Ita hæc periodus tota con-  
 cipienda non vt in vulgatis libris.  
 P. 40, 2 *Quare autē videatur nihil adiutare.*) legebatur *quanquā vi-*  
*deatur*, fecimus, *quare autem*, melius, opinor, & verius, quā  
 docti viri quibus placet, *mihi adnutare*. Sic in *ὁμοῖος* hu-  
 ius sermonis, *Dixi cur non arbitrer quidnam*, &c.  
 7 *Quam subsiciuam Græciam fecerat.*) *Græca subsiciua*, est  
 Græcia altera & secunda: sic apud Arnobium libro quin-  
 to, *subsiciuæ laudes* sunt laudes secundariæ.  
 11 quos scilicet eum de manibus amissurum n.f.) *Scribā, Quos*  
*scire licet eum de manibus missurum non fuisse.*  
 16 *terræ ascripsisse*) Male in vulgatis *scripsisse*.

T



19 Τοῖα Διὸς θυγάτηρ) Non fuit difficile locum satis apertè ab auctore indicatum, ex poeta promptum apponere. Est Ὀδυσ. δ.

24 Ὡς ἀγαθὴ φωνήσας) Et hîc asterisci erant pro Homeri verbis: quæ ex Odyss. & restituimus: certum enim non alium locum ab ipso auctore olim appositum. Similem nuper medicinam similiter affecto Symmachi loco faciebamus: ita enim vulgò legitur epistola c. i. lib. ix. ut plane Homeri . . . . . relatione usus . . . . . id est æquimanum te esse pronunciem. scribendum, ut plane Homerica relatione usus. 10  
ὡς ἐδέξιοι id est æquim. te pron.

26 nec Proteus faciem,) non dicit ἀρόσσωπον, sed totius corporis speciem. vide A. Gellium libro xiii. cap. xxviii. sic De deo Socratis, omnem humani animi faciem pati. quod & in Augustini De ciuitate dei legere memini, ut alia 15 multa huius scriptoris. Idem significat dictio instar. Floridorum libro secundo, ex vulgata diuisione, Psittacus Indicus auis est: instar illi minimo minus quàm columbarum: sed nec color ei (male vulgo colorum) columbarum. ita legi & interpungi locus ille debet. neque quicquam deest quod falsò quidā 20 sunt arbitrati. Instar est ὅμοιος, species. sic apud Virgilium quantum instar in ipso. Valerium Maxim. habere instar arcis. Glossæ veteres, Instar, similitudo, ὁμοίωμα, ἀπεικόνισμα. In eodem libro postea scriptum Ister, ἔδος, συνήθεια, τύπος, 25 τρέπος. vbi legi debet, Istar. quod valet instar: sic mox istita pro instita. multa enim male lecta, male scribit Græcus ille magister longè doctissimus. Porro Homeri locus est Ὀδυσ. δ. in eodem poemate omnia habes quorum hîc fit mentio: præter cingulum Veneris, de quo sic maximus 30 vatum Ιλιάδ. ξ.

Ἡ καὶ δὲ πρὸς θεῶν ἐλύσατο καὶ ὄνιμα πάντα

Ποικίλον· ἐνθα δὲ οἱ δολιχέλαι πάντα τέτυκτο.

Pag. 41, 19 qui vestem, perfossor) parietū nempe. sed ita ἀπλῶς  
qui



qui vetriculariam vitam viuunt appellantur. Gloss. Τυχω-  
ρύχος, perfossor. Affines his τυμβωρύχοι, qui & νεκρορύχται di-  
cuntur, vt apud Phlegontem.

24 vt si thus) Perperam in vulg. et si thus.

5 Pag. 42, 3 flexis hamulis apud Pharum insulam famē propulsasse.)

Puto verā lectionem primæ editionis, propulsatos esse. Pro-  
pulsio & propulsor, idem: nam antiqui verba quam pluri-  
ma ancipiti terminatione, in vna eadēque significatio-  
ne protulerunt: quorum longum catalogum cōtexit Pri-  
scianus libro octauo. Cæterum, qui Apuleium commisis-  
se hīc ἀμάρτημα μνησινικόν notant, & reiciunt nos ad ὀ-  
δυας. μ. ij verò falluntur, & cuius peccati alium infimulat,  
eiusdem sc, ἀφραδισι νόοιο, obligant. Locus est Ὀδυας. δι.  
vbi poeta Menelaum in hæc verba loquentem facit,

15 Νῆσος ἔπειτα τίς ὅστι πολυκλύσῳ ἐνὶ πόντῳ,  
Αἰγυπῆς περ πάρος ἰδε. φάειν δὲ ἐκ κλήσεσσι.

& mox de suis sociis,

Αἰεὶ γὰρ ὧδε νῆσον ἀλώμενοι ἰχθυάσκειν  
Γναμπτοῖς ἀγρίσσεισιν ἔπειρε δὲ ρασέει λιμός.

20 10 Vt si helleb.) Separauimus male coherentes in vulga-  
tis lib. sententias.

19 Tria omnino nominauerunt) Vulgò, nominauerant. per-  
peram.

Pag. 43, 4 callidissimi accusatores mei) Malim, Αἰενίτι autem sunt  
callidissime accus. mei.

25 10 virile marinum) Caue putes, τὰ virile marinum esse ver-  
ba Tannonij, & eam quam ridet Apuleius circūlocutio-  
nem, quæ non est ab eo posita. Sic autem ipse vocat piscē  
quem mox vno nomine veretillum appellandum esse do-  
cet: sic enim malo quā veretillam scribere. Græci ἀγροῖον θα-  
λάτπον. Epicharmus apud Athenæum libro tertio, Ἐν τῷ  
δ' ἀστακοὶ πολὺ δαίναί τ' ἔχουσιν ποδία μικρά. sequitur pau-  
cis interiectis interpretatio eius loci, Κολύβδαίναν δ' εἶρη-

T ij



κεν Ἐπίχαρμος ἐν τοῖς περὶ κλεινότητος, ὡς Νίκανδρος φησι τὸ Σα-  
λάττον ἀδιδόν.

13 quia & ē quodam) Scrib. confugit. Itaque ē quodam in  
Pag. 44, 25 ostrea Pergami vermiculata) Multis de caussis mihi  
hic locus suspectus. nam & ostreorum mentio hoc loco  
aliena est, inter assulas & festucas littorales: cū potius in-  
ter superiora essent recensenda: & ostrea Pergami quid  
ad hunc locum? imò verò quis vspiam quicquam de iis  
legit? Quare portentum hic aliquot suspicor latere:  
caterum qui emendem, non video. Tu Scaliger emen- 10  
dabis.

Pag. 45, 6 sumta de mari spuria) Sic vocat quæ modò, marina  
virginalia. alludens ad vocis originem: quasi spuria, sint in  
femina τὰ ἀσέλγη μόρια. nam & ἀείπειν & ἀεῖω vnu-  
stè eo sensu poetæ vsurpant. & vocem spuria ἀπὸ τῆ ἀεί- 15  
πειν esse deductam, pars veterum & criticorum & Iuriscō  
sultorum existimavit. Fascinum vocari τὸ τῆ ἀνδρὸς μόριον,  
& quare ita appelletur, notum est.

8 cancer ad ulcera) ὁ καρκίνος περὶ τὰ καρκινώματα.

9 alga ad querquerum) Roman. editio, quercerum. c pro qu 20  
vt in cocus, coquus & aliis multis. Rectius tamen scripseris  
querqueram: nam subauditur febrim: & est iocus valde fa-  
cetus, quasi alga quodam algu proprio posset mederi fer-  
uori febris.

10 oppidò proxima humanitate) Si quid mutandum, placet 25  
quod pridem nobis in mentem venit, proluxa: sed cur pro-  
xima non ferimus? nam ita Latinè dicitur homo obuius  
& humanus, ὁ ἄνευ δεισιπνείας & obuia humanitas,  
talis animi habitus. Ab eadem mente, præsens auxilium,  
& præsens deum dicimus. inde & illud est Hesiodi, 30

Γείτορες ἄζωτοι ἔμιν, ζώσαντο δὲ πηοί.

Pag. 46, 8 ordinatus & cohibilius) τεταγμένως καὶ σω-  
σαλμένως. sic apud A. Gellium, celer oratio & cohibilis, libro



xvi. capite xix. & libro septimo *dicendi genus subtile & co-*  
*hibitum.*

14 *sed utique Natur.*) Omnino ita legendum: nam illud  
vulgatum, *sedulique* ineptum est. Atque ita nos hunc lo-  
cum pridem, in nostri codicis ora, ut plerisque alios, cur-  
sim inter legendum emēdaveramus: postea animaduer-  
timus Iustum quoque Lipsium virum doctissimum qui  
pro Aristarcho fuit Coluio hunc auctorem recensenti,  
similiter emendasse. quod & in aliquot locis aliis vsu-  
uenit.

10 Pag. 47, 8 LOCUS EX GRÆCO) Quotiescunque in hac ora-  
tione fuisse aliquid recitatum, cum ea pronuntiata est, in-  
dicatur: eius quod lectum est titulum, curauimus inferen-  
dum ex ipsius auctoris verbis. Qua ratione quantum lu-  
15 cis orationi accedat, nemo non videt. Fuit ea oratorum  
præsertim Græcorum consuetudo, ut in scribendis ora-  
tionibus quo quæque loco litis instrumēta fuissent pro-  
ducta & recitata, titulo apposito indicarent. Nulla fere  
hodie extat Græca oratio, ubi indices istiusmodi plures  
20 non reperias. Male ergo meriti sunt de hac oratione,  
male de nobis, qui hos titulos exemerunt: quos fuisse  
olim ab auctore appositos, vnicus saltem qui reman-  
ferat argumento sit. hunc dico qui in ipso fere fine ora-  
tionis habetur, TESTIMONIUM CASSII LONGINI, &c.  
25 nam si illū Apuleius adiecit, cur solum? cur eum potissi-  
mum? cur non alios quoque omnes? ille verò omnes ἀ-  
ναμνηστικῶς. Nemo igitur factum nostrum calumnietur:  
quod non dubitauerimus absque librorum auctorita-  
te, aliena verba in contextum recipere. non enim ita est:  
30 sed inserta olim ab auctore, & male postea sublata, in  
suum locum restituiamus.

18 *Et, ne operosè animalium genita pergam,*) Hæc lectio ut-  
cunque ferri fortasse potest: sed ne quid dissimulem, ali-

T iij



ter Apuleium scripsisse arbitror. Lego autem, *Et ne per omnes animalium genus pergam.* est transitio à primo loco librorum Apuleij De piscibus, ad secundum: is locus fuerat. *Ἐὶ γυνώσκεις* illorum; quæ in multiplici differentia est posita: aliquot recensuit Apuleius præcedentibus verbis, 5 non tamen omnes: ideo hac trāsitione utitur, *ne per omnes animalium genus pergam.* hoc est, *ὥστε μὴ πᾶσας τὰς ἰδέας τῆς γυνώσκεις αὐτῷ ἔλαττω.* *genitus* est *γυνώσκεις*. delectatur enim hic auctor ea nominū forma, ut alio loco notamus. Illud operose natū ex compēdio scripturæ *peroēs* id est, *per omnes.* 10  
Pag. 48, 4 *nisi in communibus differentiis*. Parua menda inerat in his verbis, sed coniuncta cum totius sentētiæ labe. Legebatur, *nec cetera animalia nisi in communibus differentes attingam.* scripsimus *differentiis*. Non attingam inquit alia animalia præter aquatilia: nisi quatenus inter explicādum 15 horum genera, incidet oratio in differentias ipsis communes cum reliquis. Exemplo res erit clarior. Plinij sunt verba. *Aquatilium tegumenta plura sunt: alia corio & pilo integuntur, ut vituli & hippopotami: alia corio tantum ut delphini.* Vides Plinium dum pergit per species aquatilium incidere in 20 differentias communes *ὅνδε εἰς καὶ χερσαίους.*

18 Q. Ennius *ædes Phagitica*) Non tam facile est veram lectionem istius loci præstare, quàm arguere falsam proclive. Editio Romana habet, *ædes phagitica*. Video placere doctissimis viris indicem carminis Enniani fuisse, *Ἰχθυοφαγικά*. itaque hîc esse emendandum. Ego dum diligentius veterem lectionem ruspans rimor, adducor in suspicionem, tractasse Ennium eo carmine nō solum de Piscibus, sed & de aliis esculētis: ac quid ubique terrarum palmam obtineret percensuisse. Itaq; poemati illi fecisse titulum 30 EDESTA VEL PHAGICA. hoc est, ΕΔΕΣΤΑ Η' ΦΑΓΙΚΑ. Sic Græci quidam, ut ex Athenæo discimus, huius argumenti libros cum scriberent, *Περὶ ἐδεστών* inscripserunt: ut Mnesi-



Mnesitheus Atheniensis. Varro vnam è Menippeis suis  
Περὶ ἑδισμάτων. Ita ergo, fors fuit, in Apuleio scribendū,  
Q. Ennius Edestis aut Phagicis, quæ versibus scripsit.

23 Omnibus ut Clypea præstat mustela marina) Hadrianus  
5 Turnebus legit, Omnibus at Clypea. possumus & at Clypea.  
vel à Cl. Notum loquendi genus mustela Clypea ut vinum  
Chio apud Varronem imitatione Græcorum. Clupea est  
vrbs veterum Carthaginensium, quam Græci geographi  
Ἀπίδα vocant.

10 24 Mures sunt Aeni) In Rom. Teni. & est Tenus vna de  
Cycladibus. sed ex Arcestrati verbis Τὰς μύας Αἴνος ἔχει  
ita pridem emendauit magnus ille Hadrianus Turnebus  
ὁ πολυμαθὲς τος. quamquam nescio an per omnia in illo  
15 argumento Græcum poetam secutus esset Ennius. num  
potius in quibusdam suum & suorum Italarum palatum  
consuluisset. præterea scimus qua licentia versati sint ve-  
teres poetæ Latini in Græcis scriptoribus: etiā tum quan-  
do eos ex professo vertendos suscipiebant.

25 Mitylenæ est peecten, caprósque apud Ambracienses.) Hic  
20 versus in cod. Rom. portentose erat deformatus, Mus Mi-  
tilenæ est peecten caradrúmque apud Vmbraciæ finis. Hercu-  
les ἀλεξίκακς quod genus metri istud est? Doctissimus  
Turnebus emendauit, Mus Mitylenæ est peecten apérque apud  
Ambraciæ amnes. nos, hoc modo. Mitylenæ est peecten, caprós-  
25 que apud Ambracienses. cuius emendationis prius quam ra-  
tionem reddo, apponam Arcestrati versus Græcos vnde  
hi facti sunt, ut eos legendos censeo.

Τὰς μύας Αἴνος ἔχει μεγάλης, ὅς ρεϊα δ' Ἀβυδός  
Τὰς ἀρκτὰς Πάριον, τὰς δὲ κτένας ἢ Μιτυλήνη  
30 Πλείστες δ' Ἀμβρακία παρέχει, καπρὸς τε μετ' αὐτῶν.  
Μεσσήνη δὲ πελωριάδες σενοπορθίδι κόγχῃ.

tertij versus pars posterior apud Athenæum hodie cor-  
ruptissimè sic legitur καὶ ἀπλάτα μετ' αὐτῶν. nos cum vi-



deremus manifesto desiderari piscis nomen, & didicissemus ex Aristotele ac Plinio κέπρον piscem in ea ora inueniri, emendauimus ex facili κέπρος τε μετ' αὐτῶν. sequentem versum ex manuscriptis correximus. Nunc videamus de versu Ennij: in cuius principio vocem *Mures* male positam bene sustulimus. nonne enim iam dictum, *Mures sunt Aeni*? deinde aliter poeta Græcus. vt valde mirer hoc leuiculum potuisse Turnebi acumen fugere. Adiecere hanc voculam ceu tibicinem aut destinam fulciendo versui, qui aliter eum putabant ruiturum. sed non mirabuntur versiculum esse ἀκρόαλον vt appellant veteres critici, qui σιγηρὸν hoc πάθος meminere antiquis poetis per fuisse familiare. In hoc ipso fragmento sequitur,

*Melanurum, turdum, merulamque, umbramque marinam.* 15

*Polypus Corcyrae.* Iam capros legimus ex vestigiis veteris lectionis *canadrum*. Græcissat scilicet more suo & iure caesus poeta: quod norunt qui illius reliquias in deliciis habent. Lego etiam, apud *Ambracienses*, ex illis, apud *Ambraciae finis*. vtrumque dicunt Græci Ἀμβρακιδῶς & Ἀμβρακιώτης. & Latini similiter, *Ambraciensis* & *Ambrasiota*. 20

26 *hunc magnus erit si*) Secuti sumus iudicium Turnebi in restituendis quæ hic erant corrupta. Aduersar. XXI.

Pag. 49, 7 *Purpura muriculi, murex*) Vulgati lib. *mures*. nec mutauit Turnebus: sed cur ante recensitos mures denuò commemoret? *murex* ergo scribimus, vt sæpe alibi *purpura* & *murex* iuncta leguntur. 25

24. *Homerus docet*) *Odyssæa* τ

Ωπειλὴν δ' Ὀδυσῆος ἀμύμονος ἀντιόχοιο  
Δῆσαν ὅππῃ μὲν ὡς ἐπαοιδῇ δ' αἶμα κελαὶ νὸν  
Ἔσχεδον. 30

Pag. 50, 13 *in primori fronte animum gestare*) Enn ius

*Amicitias*



*Amicitias atque inimicitias in fronte promptas gero.*

Plautus Pseudolo, *iram in promptu gerere*. M. Tullius pro Cn. Plancio, *Hic, quod cum ceteris animo sentiebat, id magis quam ceteri, & vultu promptum habuit & lingua.*

5 *netdum etiam decerno quid vocent*) Non male: quid si tamen vocem?

26 *qui aselli piscis*) Legere hoc memini non apud Aristotelem, sed apud Athenæum & Aelianum sæpius: neque id *ἀσέλιος* sed *ὄψις*. verum Romani tam *ὄψιν* quam *ὄψιον* *asellum* vocant.

10 Pag 50, *suomet obsonio dixit*) Emendandum censeo *viuit*, & sensum hunc esse arbitror. Perstringit Æmilianum, quod Sicinium Pudentem puerulum indulgentia corrumperet, ac molliter apud se haberet. addito autem *suomet obsonio*, quod valet, suis ipsius sumtibus in quo ma-

15 gnum Æmiliani scelus, qui eo tempore illum puerum regebat. qui igitur austerus & verè patruus esse debuit, contra, miserum iuvenē gulæ & nepotatui se passus est dedere, & bona sua in ventrem condere. agnoscent loquendi genus, qui Plautum non ignorant. De sententia quam dixi non dubitabit qui postrema huius orationis legerit.

20 *Quod ego gratulor*) Hæc ita in emendatissimis libris scripta erant: *Quod ego gratulor nescire istos, Legisse me Theophrasti quoque & Nicandri Dineara.* . . . . Caterum me

25 etiam beneficiis postularent, ut qui hoc negotium ex lectione & emulatione Aristoteli nactus sum, non nihil & Platone me adhortante, qui ait eum qui ista vestiget, . . . . Nunc &c. Conferant

30 nunc studiosi lectionē quā edidimus cum isto lacero & in modum cribri perforato textu: omnia sarcinimus, omnia sanauimus. Indicem sanè libri Theophrasti non fuit difficile ex Laertio nostro promptum apponere. illud miror neminem vidisse adhuc, *beneficij postularent* scribendum esse, non *beneficiis*. quo nihil neque ad intelligendum



ineptius, neque ad emendandum facilius. ceterum valet  
 οὐ γὰρ δὲ μὴ, vt locis sexcētis in Apuleio. Post vocem *ἡμεῖς*  
 sequentia continuauimus: quia in editione Rom. non  
 amplius spatij relictum, quàm ad recipiendam eam vo-  
 cem quæ ibi deerat. Platonis verba ex Timæo restitui-  
 mus: in quo an *ὁ σοφὸς* litauerimus, doctōrum erit æstima-  
 tio. non enim facile erat ex tam paucis verbis *eum qui ista*  
*vestiger*, quid esset substituendum diuinare. Locus philo-  
 sophi ita habet, *τῷ δὲ περὶ φιλομαθείαν καὶ περὶ τὰς τῆς ἀλη-*  
*θείας φρονήσεις ἐσπεύδασι, καὶ ταῦτα μάλιστα τὰν αὐτῶν γυ-*  
*μνασι μάλιστα, φρονεῖν μὲν ἀθανάτα καὶ θεῖα, ἀντὶ τὴν ἀληθείας ἐφα-*  
*πτήται, πᾶσα ἀνέγκη περ.* prima verba visus expressisse Apu-  
 leius illis paucis, *eum qui ista vestiger* breuiter & dextrè ac-  
 commodans suo instituto parum aliàs similem locum.  
 ideo dixit, nonnihil *ἔ* Platone me adhortante. nempe hac  
 laudatione *τῆς φιλομαθείας*: cuius ambitu etiam illa intel-  
 liguntur de quibus hîc disputatur.

P. 52, 5 *disquamari* *ἔ* *exdorsari* p.) Scripserim *desquamari*, *ἔ* *ex-*  
*dorsari* vt apud Plautum & Festum.

8 *adpræscriptum opinionis* *ἔ* *fama confinxere*) Non cepe-  
 runt elegantiam huius locutionis qui *confluxere* putarunt  
 legendum. *adpræscriptum opinionis* *ἔ* *fama* valet, prout præ-  
 scribebat & docebat faciendum esse, fama & opinio quæ  
 vulgo de magis obtinet. Planè sic accipit præscriptum  
 vt Græci suum *ὑπογράφειν* & *ὑπαγορεύειν*. cum ipsa na-  
 tura rei, aut hominum communis opinio alicuius nos  
 per se admonet.

23 *puerum in aqua simulachrum Mercurij contemplantem*)  
 Græci *ὕδρουαντες* vocant. Plinius libro XXVIII. *aqua*  
*tentare Deos*. Augustinus de ciuitate Dei libro VII. capite 30  
 XXXV. Nam *ἔ* ipse Numa ad quem nullus Dei propheta,  
 nullus sanctus angelus mittebatur, hydromantiam facere compul-  
 sus est: vt in aqua videret imagines deorum, vel potius ludificatio-  
 nes



nes demonum, à quibus, audiret quid in sacris constituere atque ob-  
servare deberet: quod genus divinationis idem Varro à Persis dicit  
fuisse allatum. Plinius libro ultimo, *Ananchiride in Hydro-*  
*mantia dicunt evocari imagines deorum.*

- 5 Pag. 53, 5 quem se à pedissequo in stipe Apollinis accepisse Cato con-  
fessus est) Legō in stipem. hoc est cum vellet stipem Apol-  
lini conferre: quod tamen apparet eum non fecisse, nego-  
tiis, credo, præter expectationem impeditum. De stipe-  
diis inferri solita quia notatum aliis, nihil dicam. Sed cur  
10 à pedissequo pecuniam accipit Cato? Quia olim moris  
non fuit ut viri honesti per urbem incedentes pecunias  
secum gestarent: quod si qui ad manum habere vo-  
lebant, ut ferè homines liberales, & voluptuosi & osten-  
tatores, pedissequorum ipsos comitantium id erat mu-  
15 nus & onus. Inde illud est Theophrasti nostri *ὡς δὲ ἀλαζο-  
κίας. Καὶ τῷ παιδί μάχεται ἐκ ἔχοντι χρυσὸν ἐν τῷ ἀκολαθείν.*  
Plutarchus in Cimone, *αὐτῷ νεανίσκοι παρείποντο νόμισμα  
κομίζοντες ἀφθονον, οἱ παριστάμενοι τοῖς κομφοῖς τῶν πενήτων ἐν  
ἀγορᾷ, σιωπῇ τῶν κερματίων ἐνέβαλλον εἰς τὰς χεῖρας.* Mos est  
20 antiquissimus: nam apud Eustathium legere memini sub  
finem Iliadis, ex aliquo veteri scriptore, *ἡ δὲ ἱστορία, αἰτ, ἐπαι-  
νεῖ τὸν Πεισίστρατον, ἐπεὶ δὴ ὡς εἰρήνην αἰεὶ νεανίσκους δύο ἢ τρεῖς ἐ-  
χοντας κέρματα, ἐξ ὧν διδύς εἰσέφερε ἢ καὶ εἰς ταφὴν.* Laertius  
in Zenone *πομπὰς δὲ ποτε κοῖλον ἐπὶ δῆμα τῇ ληκύθῳ, ὡς ἐ-  
25 φερέ νόμισμα, λύσιν ἐποίμην τῶν ἀναγκάων ἵν' ἔχοι Κράτης ὁ δι-  
δάσκαλος.* Suaue est quod ex eodem scriptore disci-  
mus, à delicatis quibusdam & voluptariis aliquando facti-  
tatum: ut si servi copia non esset, non solum ipsi num-  
mos circumferrent: sed etiam in vicis & angiportis, aliis-  
30 ve locis publicis occultatam pecuniam haberent, ibique  
servarent. Verba eius de Polemone, *νέος δ' ὢν, ἀκόλαστος τε  
καὶ διακεχυμένος ἦν οὕτως, ὥστε καὶ περὶ φέρειν ἀργύριον πρὸς τὰς  
ἐτοίμους λύσεις τῶν ἐπιθυμιῶν ἀλλὰ καὶ ἐν τοῖς σενωποῖς διέκρη*



ωτεν' ἀλλὰ καὶ ἐν Ἀκαδημία πρὸς κίονι πινυτρίω βολον δὲ ρέει  
 πρὸς πεπλάσμενον αὐτὸς, διὰ τὴν ὁμοίον τῇ περὶ τὴν μένην πρὸ-  
 φασιν. Meminit & alibi idem auctor, aliique. Sed hæc  
 præter institutum.

22. debet ille nescio qui puer prouidus) Leuissimum mendum 5  
 virgula inter puer & prouidus interiecta, quosdam impulit,  
 ut locum sinistrè acciperent, & emendarent scilicet puer  
 prouidus dicitur ab Apuleio, is qui ad præuidenda & præ-  
 dicenda futura adhibetur.

Pag. 54. 1 citò ad diuinationem suam redigatur.) Putabam verius 10  
 ad diuinam naturam suam, ut paullo antè, redigi ac redire ad na-  
 turam suam, quæ est immortalis scilicet ac diuina. sed nec vulga-  
 tam damno.

Pag. 55. 18 quem pulchro pallio amiciat) Non displiceat puro pal-  
 lio. Vide Festum in pura vestiment. 15

Pag. 57. 1 cuius pueritia etsi nihil ad religionem suffragaretur.) In  
 verbis hæreo: nec scio an satis bene emendem etsi nihil ad  
 libidinem suffragaretur. Sententiam facilè video: quam ite-  
 rum infra expressam reperio. Cæterum ait, nequeo in animum  
 inducere tam stultum Æmilianum esse, ut arbitretur mihi literas 20  
 pueri, & eiusdem accusatoris mei obfuturas.

21 mea aqua licet ad hoc vtare) Sic apud oratores Græcos  
 ἐν τῷ ἐμῷ ὕδατι λεγέτω:

22. quid respectas?) Hæc vera & prisca lectio: non ut vul-  
 gò, expectas. 25

Pag. 59. 1 si conscientia nimis multi sunt?) Nihili lectio: puto  
 scribendum, si conscientia vnus multi sunt? vocem nimis muta-  
 mus in vnus; quæ dictio totidem apicibus constat. quan-  
 quam si quis utrâque vocem censeat retinendam, non re-  
 frager. Ita legemus, conscientia vnus nimis multi sunt. catum 30  
 dictum & nimis verum.

3. An adiutorio multitudo eorum necessaria fuit.) Alij libri,  
 auditorio, credo parum visam Latinam vocem Taciti, Sue-  
 tonij.



tonij, & Seneca, adiutorio. aut illi certè lolio victitabant  
qui hac corruerunt tenere hostias, dictum vt ab Epicteto  
apud Arrianum *ἐπὶ τοῦ μαντοδομίου* quodam loco, *κα-  
τεῖν τὰ σπλάγχνα*. nam idem ritus ab vtroque intelligitur.

5 Hostiarum lustralium in magicis sacris meminit Tibul-  
lus,

*Et me lustrauit tadis, & nocte serena*

*Concidit ad magicos hostia pulla deos.*

8 *eiusdem Thalli valitudinis*) Latinitatis ratio postulat,  
10 *Thallo*. genus loquēdi est translaticium, & iam pueris no-  
tum. In libello tamen De deo Socratis ita emendandus  
venit locus, quem corruerunt, qui similem huic *φρόσις*  
non intelligebant. *Socrates* sicubi locorum aliena sapientiæ of-  
ficiis consultatio ingruerat, ibi sui demonis præfatio regebatur. ho-  
15 die legitur *alienæ*: nullo planè sensu. Separat officia sapi-  
entiæ à diuinatione. sic paullo antè, sicubi tamen interfectis sa-  
pientiæ officiis, non consilio, sed præfatio indigebat. quo loco an-  
ceps animi sum, dixeritne auctor interfecta sapientiæ officia  
vt Plautus, *Occisa hæc res est*: an potius legendum, *interfectis*,  
20 vel intercepis.

20 *necubi tibi*) Nullo sensu prius, ne vbi tibi.

Pag. 61, 13 *& pinguis humoris*) Sic *φλέγμα* vertit. Magna au-  
tem elegantia & perspicuitate Apuleius, quæ plurib. ver-  
bis & obscurius à Platone dicta sunt, paucis exprimit. Stu-  
25 diosi locos comparent.

18 *spiritu indidem parto*) Plato, *πνεῦμα ἐξ ἑνὸς μέρους*.

21 *Pectoris enim primorē cutim*) Lego *Corporis*: Platon enim,  
*καταποιῦν λαιτὸ σῶμα non τὸ σῆμα*. neque autem dicat ali-  
quis, ita fortasse legisse Apuleium: sequitur namque, *leni*  
30 *turpitudine corporis compensat*. Deinde quo auctore tueri ali-  
quis possit propriam sedem vitiliginis & similium *ἐξ αὐ-  
τοῦ* esse pectus?

Pag. 62, 1 *pernitiosa illa albedo*) Verè emendatū Coluio, cū in



omnibus libris legeretur dulcedo. Platonis illa exprimit,  
τὸ λυγρὸν φλέγμα ἀποληφθὲν μὲν γλῆς μελάνης κεραθέν.

16 quod animi partem rationalem) Vide quomodo illa nō  
vertat, sed interpretetur, νόσημα δὲ ἱεραῶν δὲ φύσεως ἐνδιηκώτα-  
τα ἱερὸν λέγεται. Porro causas huius appellationis alias re-  
peries apud Hippocratem, Aristotelem, Galenum.

Pag. 63, 7 De caducis) tamen apud Diogenem index est Περὶ  
ὑπὸ πλῆθους, non ὑπὸ πλῆθους vel ὑπὸ πλῆθους.

8 De non videntibus animalibus) Lego, De invidentibus ani-  
malibus. quis fando audiuit, aut legendo didicit Theophras-  
tum scripsisse librum de non videntibus animalibus? re-  
ferebam tamen ad librum eius Περὶ τῶν φωλιδόντων ζώων.  
parum firma coniectura, ut postea animaduerti. nam ex-  
tat hodiēque locus Theophrasti quem vertit noster ora-  
tor. ita enim Excerpta illa paucula quæ hodie reliqua  
sunt de libro Περὶ τῶν λεγομένων ζώων φθονεῖν, incipiunt: Οὐ-  
πὸ γὰρ λεώτης, φασὶ, φθονῶν τῆς ὠφελείας τοῖς ἀνθρώποις, κατὰ  
πῖναι τὸ δέρμα, ὅταν ἐκδύνηται. ἐστὶ γὰρ βοήθημα ὑπὸ πλῆθους.

10 more ceterorum serpentium) Stellionem inter serpen-  
tes numerat: Plinius separat: Theophrastus (ait) auctor est, an-  
guis modo & stelliones senectutem exuere. & melius sanè alij  
inter lacertos ponunt: etsi Aristoteles ab utroque genere  
distinguit, ut in octavo Historiarum. φωλεῖ τὰ πολλὰ τῶν ἐν  
αἵμων οἶον. τὰ τε φολιδωτὰ, ὄφεις τε καὶ σαῦραι, καὶ ἀσπιδόχρωται.  
Pag. 65, 9 stultitia euectus es.) Distraximus literas quæ in diph-  
thogum male coaluerant: legebatur enim, stultitia uectus.  
sic in libello De interpretatione male in quibusdā libris  
maxima minimis efficere, pro maxima è minimis.

17 quanquam ipse aperiret) Perturbatæ prius & peruersæ  
sententiæ attulimus interpunctionis rectæ lucem.

Pag. 67, 6 sicut forte negotium magiæ facebitur) Non satis hanc  
lectionem concoquo: Puto melius, ut cuique f. n. magiæ fa-  
cessetur, vel, simul cui f.

Pag.



Pag. 68, 3 *tamen Maxime fuisse concedam.*) Non malè scripseris *maximè f.* & sanè non aliter edi debuit. Idè est ac quod statim subiicit, *per me liceat frerit repertissimum.*

23 *Oeam veneram, Oeam & Oea* perpetuò scripsimus: non ut in vulgatis *Oecam, Oeaa*, corruptè.

25 *quot sacra nossem percensui.*) Reieciimus quod in omnibus libris inuenimus *quod*. nam alterum sensus postulat, & similes alij loci, *tot mysteris deum conscium.* & *tot mysteriorum enumerationes.*

10 Pag. 69, 2 *religiosis Oeensibus commendata*) Fuit *Oea* *Æsculapij* nobile templum: isque deus quasi patronus eius oppidi & tutela habitus: propterea oratio quæ magna ex parte esset de religione & cultu illius numinis, non potuit non esse *Oeensibus* gratissima. Lego autem, *mentionem* *Æsculapij religionis Oeensibus commendata.*

15 10 *tot mysteriis Deum conscium*) Nouè dictum pro *tot mysteriorum*, nisi scribendum *tot mysterium.*

Pag. 70, 11 *Et forsitan ne ob hanc diuini contumaciam*) Scribo, *Et fors fuit ut ob hanc diuini contumaciam non inducat in animum verum esse quod dixi.* Similiter aliquanto post, *Fors fuerit ut ne sic quidem credat Æmilianus.* In epistolis Symmachij *fors fuit an nò raro memini legere.* pro fortasse, vel fortassean. ut libro primo epistolæ v, & xxxiii. & alibi. *Diuini-contumacia* vox Apuleij ut quæ præcessit, *diuini-sciens*, vbi

25 Magiam artem piam *Et diuini-scientem* vocauit: nisi tamè & hoc loco *diuum contumaciā*, & illo *diuum scientem* verius est scribi. Falluntur qui putant vocem *contumaciam* hîc non conuenire. Glossarium, *Contumacia κατὰ φρόνησιν, ἀπειθεία.*

30 17 *signum dato, Et audiat licet*) Symbolum &, ut alibi vocat Apuleius, memoraculum quo se inuicem agnouerunt Matris Deum symmystæ fuit hoc, *Ἐκ τυμπανὸς ἑορῆον, ἐκ κυμβάλου ἑπὶ οὐκ ἐκρυφόρησα, ὑπὸ τῷ πατρὶ ὑπέδου.* quo synorgiastæ Liberi patris, *ἀστέρας, σφαῖρα, ἑρέβιλος, μήλα,*



ῥόμβος, ἔσπλεον, πόκος quo participes sacrorum Eleusini-  
 rum, Ἐνὴς Διὸς, ἔπιον τὸν κυκεῶνα, ἔλαβον ἐκ κίτης ἐργαστήριος  
 ἀπεδέμην εἰς κάλαθον, καὶ ἐκ κάλαθου εἰς κίσλη. Adi, si lu-  
 bet, par scriptorum doctissimum, Clementem Alexan-  
 drinum, & Arnobium.

21 cuius vel iniquissimo animum expleſſe) Et hoc ex edit.  
 Rom. nam alij, animo.

Pag. 71, 4 quamquam eo tempore) Omnes codd. quamquam meo  
 tempore. ineptè. In Rom. verò etiam post aliquot paginas,  
 meo tempore iterum vitiosè pro eo tempore.

6 Scilicet eum,) Apertior erit sententia si compositam  
 vocem in sua principia dissoluas, Scire licet. cæterum tota  
 periodus tenebricosa admodum, non nihil etiam corru-  
 pta antè edebatur. quod priores cēsores, non vidēre nos  
 vidimus, nec tulimus: sed omnes tenebras recta distin-  
 ctione, & mutatione vocis aucupatum, in aucupantem, su-  
 stulimus.

13 fumum terra sua emergentem.) Scribebatur, mergentem:  
 hoc est δυνάτα vel δύσμορον. scripsimus emergentem auctore  
 Homero qui ἀποθερόσποντα dixit. imò ratione ipsa ita fla-  
 gitante, & rerum natura.

19 cui vulturio Alexandrini cœli,) Sperne distinctionem  
 vulgarium librorum, cui vulturio, Alexandrini cœli quicquam.

20 omnis fumi non imperitus) Non omnes animadvertent  
 quare hoc dicat. Obiicit autem Crasso isti vitam parasiti-  
 cam: parasitorū enim hæc solertia fuit, hæc palma. Ait  
 quidam de eo grege apud Diphilum comicum,

Ἀπενὲς δὲ πλεον τῶ μεγάλῳ τὸν καπνόν·

Καὶ μὴ σφοδρὸς φερόμενος εἰς ὀρθὸν τρέχει,

Γένηται, καὶ χαίρει π καὶ πτερύσσεται·

Ἐὰν δὲ πλάγιος καὶ λεπτός, οὐδέως νοῶ

Ὅτι τὸ τό μοι τὸ δειπνον ἀλλ' εἰδ' αἶμι ἔχει.

Præterea fuit ea ætate frequens in ore hominum prover-  
 bium,



bium, quod in historia aliquot Augustorum apud Spartianum & Capitolinum sex septem locis notare memini, *fumum vendere*, vel *per fumum aliquid vendere*: de eo qui gratia qua valebat apud principem ad quæstum suum abutebatur. Eò etiam allusum esse ab Apuleio declarat quod infra non longe ait: vt ne impunitum Crasso foret, quòd Æmiliano homini rustico fumum vendidit.

23 *facilius ad eum Alexandriam vini aura*) Loquitur de Crasso Alexandria commorante: rectè ergo nos *Alexandriam* scripsimus, cum hîc quoque vulgatæ editiones ineptirent: vbi est *Alexandria*. sed & *peruenisset* potius scripsessim. iam enim Crassus Alexandria non erat.

26 *ieiunus adhuc & abstemius*,) ἀστικός καὶ ἀσώτος. *Abstemius* comica licetia nō est ὁ μὴ μετέχειν οἴνου vt vertitur in Glosfaria: sed ὁ μὴ πίνει: qui pro hora diei nihil dum vini bibit. Si bene memini ita accipit & Tertullianus de Christianorum stationibus & ieiuniis alicubi loquens.

Pag. 72, 6 *quem Oea reliquerit*) Malim, *reliquerat*.

8 *Quam verò subtiliter*) Nimium fastidiosi fuerant, quibus hæc Rom. cod. lectio displicuit, & *sublimiter* maluerunt. En criticorum vel oscitantiam vel ἀνεπιστάμωτον.

Pag. 73, 11 *Nam equidem hæc fabra tecum*) Placet admodū quod docti viri excogitarunt, *hæc fabricantem*. sic tamen vt nostræ coniecturæ nōdum nos pœniteat, *hanc fabram tecnam* id est, *technam*. Imò verò sic potius scribet qui me audiet, *Nam equidem hæc fabra tecum fabricantem* hesternæ die animaduerti, &c. nam quia inter *fabra tecum*, & *fabricantem* & literarum & soni est similitudo aliqua, ea re corruptus hic locus, vt alij *μερείω επιμερείω*. hæc fabra valet, τὰ σοφὰ ταῦτα. supple *μηχανήματα*, & commenta.

Pag. 74, 8 *iam pridem abligurriuit*.) In cod. Rom. *iam iam pridem abligurri*. an quod ita auctor scripserit, an scribarum vitio, non facillè dixerim.



Pag. 74, 13 *tribus millibus nummis*) Si ad Latinitatis normam exigas scribes, *nummum*, vel *ter mille nummis*. sed illo potius modo auctor scripserat: vt infra, *sexaginta millibus nummum*.

21 *haudquaquam occulta res acta est*) Malim occultò.

Pag. 75, 4 *quanquam sunt soluta audacia*) Arrisit mihi hæc lectio 5  
vetus præ illa noua solita aud.

Pag. 75, 16 *Et cum sit sceleti forma turpe & horribile*) Non est nostri moris emendationes nostras venditare, inque illis *περπερόειδαι*: tamen hunc locum & quatuor alios qui nō longo interuallo sequuntur, Musis fauentibus emendauimus. Legebatur in editionibus aliorum, *cum sit celeri forma*. scripsimus *sceleti* f. nam quid est *celeri forma*? illa verò quorundam emendatio, *heberi forma* planè hebes & *α-εγοδινουος*. nostra verò correctio tam certa vt de ea ne dubitandum quidem sit. Nam *sceleti forma* esse legendum 15  
paret liquidò ex ipsa re primum: istud enim de quo agitur sigillum ea facie fuisse dicebatur ab Apuleij accusatoribus. arguunt illa mox, *Tertium mendacium vestrum fuit, macilentam vel omnino cuiusceratam formam diri cadaueris fabricatam, prorsus horribilem & larualet*. omnino *sceleti formam* his 20  
verbis describit. contrà Apuleius, in refutatione huius falsi, tribuit sigillo suo *faciem decoram & succi plenam*. quæ sunt planè *εὐανθρίασεως* opposita formæ *σχελετόει*. Paret etiam manifestissime ex vestigiis deprauatæ lectionis cum hoc loco: nam editio illa Romana, quam toties lau- 25  
damus, præfert *celeri* non *celeri*. tum reliquorum qui sequuntur, in quibus *scelestus* legebatur. quis adeò Academicus vt pronunciare dubitet, & *celeri* literulæ adiectione in *sceleti*, & *scelestus* quoties in hac disputatione occurrat, vnius item literæ detractio in *sceletus* mutandum? Sed 30  
omnem dubitationem vel Pyrrhoni alicui ademerit ipse Apuleius paullo pòst ita scribens: *Hiccine est sceletus? hæccine est larua?* Lege eo loco cum vulgatis *scelestus*. quæram à  
te vbi



te vbi antè dictum sit aduersarios Apuleij laruam appel-  
 lasse istud simulacrum. sed certo certius scripisse illū *sce-*  
*letus*, voce Græca: pro qua Latinam subiicit *larua* ceu in-  
 terpretamentum prioris. Glossarium vetus, *σκελετός, larua*  
 5 *sceleus*. nihil opportunius ea auctoritate ad probandam  
 nostram emendationem fingi potuit: ex qua duo disci-  
 mus: alterū, vocem *larua* in superiore loco esse interpreta-  
 tionē dictionis *sceletus*: alterū, vocabulum *sceletus* etsi Græ-  
 cum purum putum, pridem tamen ciuitate Latina fuisse  
 10 donatum: ne quis fortè miretur oratorem in foro Roma-  
 no vocem Græcam toties vsurpasse. Det verò mihi ali-  
 quis Latinum vocabulum proprium (nam *larua* *κρείως* a-  
 liud est) Græco *ἰσοδύαμον*, & concedam eo potius vsu-  
 rum illum fuisse. Norunt tamen eruditi Græcis literis,  
 15 quam familiaris ea lingua huic scriptori fuerit: cuius Ve-  
 neres & Charitas plurimis locis felicissimè aut vertendo  
 exprimit, aut Latinè imitatur. quod sæpe interpretes  
 quia non animaduertebant, ob Græci sermonis imperi-  
 tiam, scedè & turpiter lapsi sunt. Sic mihi risum aliquan-  
 20 do mouisse memini Beroaldi subtilem horū verborū in-  
 terpretationem Milesia septima, *accipite virum ipsa mor-*  
*te quam formidant alij meliorem*. vbi cum ille non videret  
 Græcanicam elegantiam elegantissimam, Deus bone  
 quam ineptè se gerit? atqui *morte melior* non aliud quàm  
 25 mortis contemtor. Græcè ad verbū dixeris, *δέχεσθαι με τὴν*  
*θανάτην, ὃν φοβέσονται πάντες, κρείττω*. Tale illud quoq; lib. xi.  
*σεκρετόν; μάδαις* quibusdā quæ voce meliora sunt. sic enim Græci  
*τὰ ἀπόρρητα* vocant *λόγον κρείττω*. Legas ibidem & inuinius  
 quod Græci *ἀόινος* imitatione dictum: vt *illiberis* apud Ter-  
 30 tullianum *IIII* contra Marcionem pro eo quod Græ-  
 ci dicunt *ἄπυς*. Noster verò libro De philosophia etiam  
*symbolæa* Latinè protulit. vbi tamē *symbolæ* vel *symbola* per-  
 peram scribi video. Mirum verò nondum esse emacula-



tum istum eiusdem libri locum, quo notissima Platonis sententia continetur. *Illum quidem qui natura imbutus est ad sequendum bonum non modo sibi in intimatum putat: sed omnibus etiam hominibus: nec pari aut simili modo: verum etiam unumquemque acceptum esse: de hinc proximis, & mox ceteris qui familiari usu vel notitia iunguntur.* Quæso, quem sensum ista sic scripta habent? Legendum est absque omni dubio: non modo sibi in intimatum putat. Deinde, verum patriæ unumquemque acceptum esse. vel, astrictum. adeone quisquam in literis peregrinus, ut ista unde sint desumpta, non statim agnoscat? 10 Ex eodem philosopho debuit & hic locus emendari, lib. De deo Socratis, quem ita nobis edidit vir ille doctissimus qui nuper, bono publico, cum suis manuscriptis eos libros contulit. Ita enim est apud Platonem: ne quisquam arbitretur omnia eum vulgò loquentium captasse. quippe etiam semotis 15 arbitris uno cum Phædro extra pomerium sub quodam arboris opaco umbraculo signum illud ac nuntium sensit, ne prius transcenderet illius amnis modicum fluentum, quàm increpitum inclinatum amor retinendum placasset. Cedo quemvis arbitrum, neminè esse qui ista intelligat ita scripta. sed omnes mendas 20 stuleris, si primò omnia legeris non omnia: deinde sub quodā arboris opacæ umb. non opaco. postea ne prius transcenderet Ilissus amnis m. fl. nam ad Ilissum habitus ille sermo, ut initio eius dialogi narratur. postrema autem sic, quàm increpitu indignatum Amorem recinendo placasset. Res sic habet: Socrates 25 post habitam illam orationem quam ab eo expressit Phædrus, traicere Ilissum, ad cuius ripas ambo sedebant, cogitabat, ne iterum talem aliquam necessitatem idem ille imponeret: Inter hæc, suū illi dæmonium infusus rrat, graviter offensum esse ei Cupidinem ob superiorem orationem, qua amorem increpauerat: faciendum ei omnino esse, ut cum prius quàm amnem transcendat placet. placandi Dei vnicam viam & rationem esse statuit Socrates 30 τὸ

παλ-



παλιν ὁ εἶν. Hæc ita Plato: quæ eò protulimus ut superio-  
 rem emendationem nostram confirmaremus. *Increpitum* di-  
 xit Apuleius pro increpatione. sic apud eundem *agnitus*  
 pro agnitione. Ita enim legi debet initio III Florido-  
 rum hic locus: *Reperias apud ipsum multos sales, argumenta lepi-*  
*dè inflexa, agnitus lucidè explicatos.* Loquitur de Philemone  
 comico, & eius comædiis. *agnitus sunt αἱ ἀγνοεῖσεις.*  
 quæ fuit vel operosissima pars plerarumque fabularum  
 veteris comediæ: ut ex Aristotele, & Plauto ac Terentio  
 10 scimus: nam Aristophanes non utitur: at vulgò scribitur  
 in Apuleio *agnatos* perabsurdè. *Recinendo placare* in supe-  
 riore locò est, *ἰλάσασθαι τὰς παλιν ὁ εἶν.* quod Horatius di-  
 xit *recantare opprobria.* Venit & commodum alius loci mi-  
 hi nunc in mentem, ex eodem Platone emendandi: quem  
 15 & ipsum non possum quin apponam. Legitur sub finem  
 libri De dogmate Platonis, in descriptione pererudita  
 partiū corporis humani. *At enim illæ optimæ sunt partes, quas*  
*labor subigit: ut femina ipsaque sessitandi regio.* Apage tam stul-  
 tam sententiam, quæ optimas corporis nostri partes vo-  
 cat femina & clunes. Scribe, *optimas*, hoc est, ut loquitur  
 20 Plato in Timæo, unde totus ille locus est expressus, *σὺρξὶ*  
*ξυμπεπληρωμένης.* Sententia aperta & certa: quam habes  
 fusius tractatam tum apud alios, tum Lactantium De opi-  
 ificio Dei cap. x i i i. Poteram plura adicere vel ex singu-  
 25 lis huius elegantissimi auctoris libris: sed hæc satis fuerint,  
 excitandæ quorundam supinitati nescio dicam an securi-  
 tati: qui nulla aut leuissima Græcarum literarum cogni-  
 tione imbuti, solos se aliquid scire putant. Atqui plurima  
 eos peccare necesse est, quibus id praesidium deest. Equi-  
 30 dem vix vnquam in istorum *νῦν ὑπὸ πολλοῦ λαζόντων* criticorū  
 scripta oculos coniicio, quin certissima indicia tñs *ἐκ ἐμ-*  
*πειρίας ἢ Ἑλληνικῶν* animaduertam. At hæc querela alius  
 erat loci & temporis.



Pag. 76, 2 *formas è buxo*) Hæc vera *ῥεαφή*. Roman. cod. *Gnos-*  
*so* mendosissimè. gradum fecit ad veram lectionem Ber-  
 nardus Philomathes qui è mafs. edidit, *euoxo*. Coluius fe-  
 cit è *buxo*. verè & ingeniosè.

9 qui mihi factum volebat.) Imitatur Terentium,  
 - dij tibi Demea

Bene faxint, cum te video nostræ familiæ  
 Tam ex animo factum velle.

Simile apud Plautum & hunc nostrum, illi *prouentum cu-*  
*pit*: quod vltatius velle alicui & capere alicui. Illo modo ite- 10  
 rum locutum memini Apuleiū De philosophia, *Animas*  
*bonorum deamare, & studere illis, factumque velle vti quàm plu-*  
*rimum potiantur* (ita lege non potuntur) *bonis artibus*. Nihil igi-  
 tur mutandum initio epistolæ L X. Symmachi libro pri-  
 mo, *Gelasius cui factum volo, imperialis domus curâ recepit*. quin 15  
 potius emendandus alter eiusdem locus epistola LXXI.  
 libri eiusdem, *quæso, vt ei virtute qua celsus es, factum velis*. Le-  
 go *factum v*.

14 *ex ea se fecisse*) Roman. & aliæ, *sed ea se f.* nullo sensu  
 quem restituit ex pro *sed repositum*. malo tamen quod po- 20  
 sita reperi in editione Philomathis, *Secundum ea*.

Pag. 77, 14 *adeo euidentis signum*) Omnes cod. ante *euid.* perspicuè  
 mendosè pro *adeo* vel *tam*

22 *cum audirem sceletum*.) Ita esse legendum satis super-  
 que ante probauimus. tamen oēs codices & hîc & tribus 25  
 locis proximis *scelestus* scriptum habent: vt dubium non  
 sit antiquum esse hoc mendum. Sed veritati, vt ille ait,  
 nullum temporis spatium præscribere potest.

Pag. 78, 8 *bene tam puris*) Laborantem à praua distinctione lo-  
 cum emendauimus.

19 *duat deus iste*) Quid sunt meriti qui hanc *ῥεαφή* Ro-  
 manæ edit. mutarunt? nam in aliis omnibus libris legas  
*aut deus iste*, sententiâ nullâ. *Duat* pro *dui* nisi ita scriben-  
 dum 30



dum potius. vel est, vt *fuat*.

Pag. 79, 14 *nec vice vlla comprehensus*,) Exprime, vt puto voluit vocem Platonice ἀκατανόμαστος. quare lego voce non vice. magis κτ' ποδας libro De dogmate Socratis, ἀρρη-  
 5 πον ἀκατανόμαστον vertit *indictum innominabilem*. est ibidem & alia vox Platonis ἀσείμετρος quod esset, *nullo loco comprehensus*. sed illud prius verum est.

Pag. 80, 5 ὅς τ' αὖτε οἰκίσεως) Videtur Cicero cum hæc verteret, legisse ὅς τ' αὖτε οἰκίσεων: videlicet ἔσα. & ἱερὰ πάντων  
 10 θεῶν, absque πᾶσι: quæ tamen dictio retineri potest pro *apud omnes vel consensu omnium gentium*. Ciceronis interpretatio hæc est. Terra igitur, *vt focus domiciliorum, sacra deorum omnium est*. quocirca ne quis iterum idem consecrato.

9 ἐν ἄλλαις πόλεσιν) Cicero, in urbibus, ἐν ταῖς πόλεσι.

15 22 in cæteris causis minimè prosperum matrimonium) Caue assentiaris illi emendationi, in cæteris casibus. Recta enim est vulgata omniū librorū lectio *causis*. & ita in libris Iurisconsultorum accipi vocem, *caussa* alibi monebamus. Sic αἰτία in illo Matthæi, εἰ ἔτις ὅς τ' ἡ αἰτία τῆ ἀνδρόπε με-  
 20 τὰ τῆς γυναικός. Plane respondet Hebræorum תורת

Pag. 81, 1 *Ceterum cur Æmil.*) Iacentem sententiam ereximus adiectis interrogationis notis.

6 M. Antonius, Cn. Carbonem) Accusationis huius fortasse meminit M. Tullius epistola ad Pætum: ubi de Cn. Carbone loquens. *Iam pater eius*, inquit, *accusatus à M. Antonio, tutorio atramento absolutus* putatur: tamen quia de accusatione suscepta in iuuenili ætate sermo est, nescio an non auctori hic memoria imposuerit: vt M. Antonio tribueret, quod debuerat L. Crasso: quem certum est, cum esset  
 25 adolescentulus vnde viginti annorum Cnæum siue Caiū (mira enim vel librorū vel auctorum in hoc prænomine varietas) Carbonē perculisse. Meminit Cicero variis locis,  
 30 nec non auctor libri *De causis corruptæ eloquentiæ*.



6 C. Mutius A. Albutium. ) Cicero Titum vocat. Bruto, Mutius augur quod opus erat per se ipse dicebat: ut de pecuniis repetundis contra T. Albutium. Notę inimicitie inter Mutium Scæuolam & Albutium, etiam ex Lucilij versibus quos refert Cicero primo De finibus.

7 P. Sulpitius Cn. Norbanum ) Tullius Caium Norbanum vocat De oratore lib. II. Celeberrima fuit ista accusatio, & propter reum, & propter eius patronum M. Antoniū.

7 C. Furius M. Aquilium. ) Existimo scribendum, M. Aquilium. nam hunc constat grauissimorum criminum fuisse postulatū, & M. Antonij patrociniū seruatum.

9 iuuenes laudis gratia plurimum hoc rud. sub. ) Cicero pro M. Cælio. Voluit vetere instituto eorum adolescentium exemplo qui post in ciuitate summi viri & clarissimi ciues exstiterant, industriam suam à populo Rom. ex aliqua illustri accusatione cognosci. 15 Auctor libri De causis corruptæ eloquentiæ, Nonodecimo ætatis anno L. Crassus C. Carbonem vno & vigesimo, Cæsar Dolabellam, altero & XX. Asinius Pallio C. Catonem, non multo ætate antecedens Caluus Vatinius, iis orationibus insecuti sunt, quas hodieque cum admiratione legimus. Hieronymus Augustino, 20 puerulis est iactantia, quod olim adolescentuli facere consueuerāt, accusando illustres viros suo nomini famam quærere.

20 demissum & subornatum ) Satis noue, nescio an satis Latine, demittere accusatorem pro submittere. Fortasse emissum scribendum, quo dicitur modo emissarius: aut Græcissat Apuleius: nam Græcis *καθίστα* & demittere significat & submittere.

Pag. 84, 6. assuetudine coniugis torpens ) Andesuetudine: an ita potius, à solitudine coniugij torpens.

Pag. 86, 23. confestim Roma aduolauit: ) Erat in omnibus libris 30 Romam prorsus contra rationem: præcessit enim paullo ante. Ipsa de ea re Pontiano filio suo Romam scripsit. Ibi erat Pontianus: inde acceptis matris literis Ocam euestigio venit.



venit. Ac suspicio est scripsisse Apuleium, *Roma Oeam ad-*  
*uolauit.*

Pag. 87. 7 *interprecationem matris*) Suspicor legendum *Proca-*  
*tionem matris.* hoc est, dum illius nuptias proc' multi am-  
biunt, postquam semel eius animus ad nubendum est  
conuersus. Pudentillæ nuptias à pluribus procis fuisse ex-  
petitas, non vno loco dicit Apul.

10 quod *utinam numquam euenisset*) est quod Græci dicunt,  
*ὁ μήποτε ὄφελον.*

10 II *uxoris meæ respectus*) Maneat hæc vetus scriptura,  
non *aspectus*: *respectus* hac ratione, Latinum & probum  
verbum. si probi Iuuenalis Suetonius, ipse Tullius.

15 non ita ante multos annos) Priores omnes editiones per  
facetè, non ita *pridem ante multos annos.*

15 24 *conuersum ab uxoria re*) Imò *auersum.* si satis ego sa-  
nus & meæ spontis.

Pag. 88, 5 *prospectu maris qui mihi suauissimus est*) Restituimus  
in suum locum veram priscarum editionum lectionem,  
*maris*: nam *matris* quod in recentioribus extat, nullam reli-  
querat superlationem *ἀτοπίας.*

20 21 *quoniam mihi soli, ait.*) Locus corruptissimus, & quem  
frustra fortasse speremus sine libris posse sanare. mihi cer-  
tè *ἐκ ἐφικτόν.* tamen, quod in nobis est, vulnus ita obliga-  
mus, ut aliqua sit sententia, *quoniam mihi soli, ait, rerum om-*  
nium curam crederet: *confidere sese fore ut id onus recipiam.*  
25 Vox crederet cum deprauata, tum loco mota fuisse vide-  
tur. multa in omnibus scriptoribus ita corrupta transpo-  
sitione verborum. atque adeo venit in mentem loci è  
Plautina Truculento, quem ita perturbatum in omnibus  
30 libris vidimus.

*pró di immortales Calliclem video senem,  
Alteram tonstricem, alteram ancillam suam meus  
Qui affinis fuit, ancillas duas constrictas ducere.*

Y



170 IN APOLOGIAM APVLEI  
ita enim restitui debet.

-pro di immortales Calliclem video senem  
Mens qui affinis fuit, ancillas duas constrietas ducere.  
Alteram constricem huius, alteram ancillam suam.

22 quoniam non formosa pupilla) Subtili commento Apuleius honori suo velificatur, cum iis argumentis facit Pontianum se ad nuptias hortari quæ alium auertissent: nam quis non potius ducat virginem pupillam hoc est *ἐπίκλανεον*, eamque formosam: quàm viduam mediocri facie mulierem, & liberorum matrem: verum id quia censet Pontianus alienum à philosophicis Apuleij moribus, ideo hoc argumento duci se ait, ut illum conditione vsurum confidat. Ita interpretor hunc locum: neque iis assentior qui *pupulam* legendum censent: neque autem iis qui *pupillam* accipiunt de puppis virginum, quas Græci *παιζγόνες* & *ἰσαγόνες* vocant. Lego deinde, *Sin hac reputans*, hoc est, incommoda quæ modò diximus.

Pag. 90, 7 ne si omnino) Perperam antè, nisi omn.

18 idem libidinum ganearumque locus) Scripserim *lucus*. Ganeæ & eiusmodi loca ædilem metuentia, seorsim esse solent ab hominum conspectu: ideo *lucum* appellat, respiciens ad tenebras lucorum.

Pag. 91, 1 qui istum depervtunt multi sunt.) Equidem neque istam lectionem satis concoquo: neque eorum emendationem probo, qui legunt *depervant*: id enim planè contra auctoris mentem. Fortasse scribend. *qui istum di pervtunt multi sunt*. qui non ut apud comicos in hac locatione, pro utinam: sed pro quare.

24 Lex, inquit, negat posse dissolvere) Scribebam, *Res inquit. n.p.d.* Sed quia vet. omnes codd. habet *Flax*, inquit n. puto scribendum, *flagitantibus negat posse diss.*

P. 92, HS XXX) Romanus codex XXX. alij eandem summam perscriptam. Ex ipsis Apuleij verbis liquet intelligi.



telligere eum de aliqua summa insanum magna : itaque vel *tricies* verum fuerit : vel etiam maior aliqua fortasse summa.

10 homo *iustus & morum* ) Nihil deerit si legas *iustus & verus*. sic accipi *verus* pro *δίκαιος* notum omnibus.

10 I: *totam domum contumeliis abnuit* ) Si putarem eam esse sententiam quam ij probant qui legi volunt *obuoluit*, dicerem scribendum minore mutatione *obnubit*. & esset dictum vt apud Ciceronem & Sallustium *cooperire facinoribus*. id enim est *obnubere*: vnde apud Solinū *oculos nictatione obnubere*. Nunc puto sententiam esse longè aliam. Scribo autem, *vetula & effœta, nunc demum contumeliis abnuit*. Vult hominis non paupertatem sed egestatem indicare: qui & patrimonium suum totum abligurrierit : & cui vxor iam effœta desierit esse vectigalis. Sic enim ante dictum lecti sui contumeliam fuisse isti vectigalem. *Abnuere contumeliis* elegantissime dictum pro eo quod Plautus dicit *exaruisse ex amœnis rebus*. Contumelia vt apud Græcos *ὕβρις* accipitur Latinè non rarenter isto modo. & est *ἀρχαϊκῶς* dictum, vt antè, *curare rebus alienis*. Talem sententiam desiderari arguit vox *caterum*: imò arguunt supra & infra scripta si quis attentè legat. Fuit cum placeret *alit* aut *abluit*: quod esset *πλῴειν* Græcorum pro *λοιδορεῖν* aut *ποιεῖν λοιδορεῖσθαι* significatione Hiphil Hebræorum. non placet id nunc mihi. Vocis *totam* prior pars originem habuit à fine vocis præcedentis, male geminata syllaba, vt sæpe.

25 29 *domi sedisser* Terentius,  
*an sedere oportuit*

*Domi virginem tam grandem?*

30 Sic *καθῆσθαι* apud Græcos *ἐπὶ πάσῃ ἀπραξίᾳ*.

Pag 93, 7 *immedicatum os*) Male præcūt qui hæc mutant: non sequor. *immedicatum* est *καταφάρμαχέν* non vt putant *ἀφάρμαχόν*.

Y ij



Pag. 94, 13 *se mihi manu sua mortem allaturum*) Parum Latinè:  
scrib. *illaturum*

18 *quas tamen cum saltas*) Ingeniose Lipsius ita emenda-  
uit priorè lectionem *consultas*. Tu, inquit Apuleius, tam i-  
gnauus es, vt cum Philomelam, aut Medeam, aut Cly-  
temnæstram saltas, gladium non habeas, quem histriones  
cum argumētum postulat solent gestare. Hunc gladium  
non rectè idem ille vir eruditissimus cum baculo tragœ-  
dorum confundit. Baculum illi semper habuerunt præ  
manibus, quamcumque fabulam saltarent: gladium non  
nisi cum cades erat in argumento. Ac videntur fuisse hi  
gladij histrionici parui ad latus vel clunes dependentes,  
ne gestus agentibus essent impedimento. Propterea legi  
mox fortasse debet, *tanta formido ferri est, sine clunaclo saltas.*  
non *cludine*. *Clunaculum* A. Gellius interspecies gladiatorum  
refert: & Festus docet gladium esse ad clunes ap-  
pendi solitum: quales fere laniorum sunt & coquorum:  
Propius accedere ad vulgatam lectionem, in ea emen-  
danda non quiui. Qui *sine ludione* corrigunt, & Halicar-  
nassensis Dionysij locum afferunt, ij mihi videntur, vt  
ingenue loquar, leuissimè in cognitione antiquitatis fuis-  
se versati.

26 *è tabulario publico*) Absurdè vulgò, *tabulario Pontiani*  
*præsente, & contra scribente Aem.* lectio quam edimus aper-  
tissima est. *Contra scribere* dixit vt Græci *ἀντιγράφειν*. notum  
quid sit *ἀντιγράφειν* apud oratores Atticos.

Pag. 96, 6 *siquidem id foris scripsit*) Nisi aliud later, censeam scri-  
bendum *foras*.

Pag. 97, 9 *ad expellendum à me crimen M.*) Apponam priorem  
lectionē & fidei meæ causa, & vt videant studiosi, quan-  
tum hic locus nobis debeat: *ad expellendum à me crimen Ma-*  
*gia, sedulo omissa, memorabili laude Rufini vice mutauit* Non du-  
bito applausuram nostræ emendationi coronam docto-  
rum



rūm: cæteri quid sentiant, *Θεῖξ αὐτὰ μέσον.*

Pag. 98, 5 καὶ ἐρῶ καὶ ἐλθέτω νῦν πρὸς ἐμὲ ἕως ἐπὶ σωφρονῶ.)

Vulgati codices, καὶ ἐρῶς ἐλθέτω νῦν πρὸς ἐμὲ, ἐπὶ σωφρονῶ.

Scripsimus, καὶ ἐρῶ. vbi enim amoris erit aperta cōfessio in

5 his verbis, ni ita legas? ἕως ante ἐπὶ ex sequentibus locis restitui-  
mus. Sensus est, Vos magum dicitis Apuleium, &  
me ab eo magicis cātaminibus in amorē illectam: ita est:  
amo illum: & coniungi cum eo volo, dū adhuc sum meæ  
spontis. elegantius scripseris Ναὶ ἐρῶ. fortasse etiam ἐλθετε  
10 non ἐλθέτω legendum. Suadere videntur ista aliquantò  
post. *Pudentillam quæ scripserat dissimulamenti & deridiculi cau-  
sa*, ἐλθέτω ἕως ἐπὶ σωφρονῶ post hæc literas euocasse ad se filios  
& nurum. nam si ego illum locum rectè capio, legendum  
ibi ἐλθετε quod si eo loco, etiam in aliis omnibus vbi-  
15 que ista periodus extat. Scribemus ergo: Ναὶ ἐρῶ καὶ ἐλθε-  
τε πρὸς ἐμὲ, ἕως ἐπὶ σωφρονῶ. multo commodiore sensu.

6 quæ Græcè interposuit) Rufini ergo aliquæ partes fuerāt,  
in causâ dicenda? Non puto. itaque lego, quæ Græcè inter-  
posui.

20 19 *Nemo erat qui pro me ferret*) Ferret eleganter pro re-  
ferret. Simplex pro composito: quod apud optimos scri-  
ptores creberrimum. Non ergo audiendi qui faceret aut  
esset volunt scribi, aut staret. Sic in libro De deo Socratis,  
cerni pro discerni. *Natura neque vno neque gemino modo, sed plu-  
25 ribus cernitur.*

Pag. 99, 2 quàm exprobrantis) Supple magis. Hellenismus. Lati-  
nis quibusdam quàm ipsis Græcis familiarior.

8 ὡς μοχθηροὶ ὑμεῖς) Vulgò, ἡμεῖς.

10 καὶ ἐρῶ) iam antè emendauimus.

30 21 *ne auscultarent, sibi potius audirent*) Sibi audirent ἀρχαῖ-  
σμός imitatione, vt videtur, Pacuuij: Illius sunt hi versus.

*Nam istis qui linguas auium intelligunt,*

*Plūsque ex alieno iecore sapiunt quàm ex suo,*

Y iij



*Magis audiendum quam auscultandum censeo.*

Pag. 100, 6 ἐγὼ δὲ πρὸς μέγα λόγον ὅτι δὲ ἐγὼ, αἴτια ἢ εἰς ἀρρώστη-  
 σιν.) Hæc nostra emendatio est, quam eliciimus ex ista  
 priorum omnium librorum: ἐγὼ δὲ πρὸς μέγα λόγον ὅτι δὲ  
 τὴν εἰς ἀρρώστησιν ἐπὶ corrupta omnia, & hiātia: deest enim  
 verbum αἴτια. Sensus est, Ego, ait, non sum incantata: sed amo-  
 ris mei causa est Fatum. Emendationem nostram non pos-  
 sumus librorum auctoritate confirmare: sed possumus A-  
 puleij ipsius. nam benè à nobis restitui illa, ὅτι δὲ ἐγὼ, αἴτια  
 ἢ εἰς ἀρρώστησιν ἐπὶ, euincunt hæc statim, Nubendi autem seu ra- 10  
 tionem seu necessitatem Fato adscribit.

23 nulla impertua mora subneruasti) Quæ malum ista vox  
 subneruasti? an scribendum subeneruasti? an subueristi? Sed  
 videtur omnino vox hîc aliqua fuisse ab usu remotior &  
 secretior, quam propterea corruerunt quia non intelli- 15  
 gebant. Scrib. supperuasti: quod optime cōuenit cum præ-  
 cedenti præcipuisti: sunt enim ambo paullo petita longius.  
 Supperare quid sit ex Catullo, Festo, Scaligero notum e-  
 ruditis.

Pag. 101, 2 Sed sum ego inscius) Græcissat: ita enim vsurpat vocē 20  
 inscius, vt Græci ἀμαθὴς de homine inepto & parum pru-  
 dente.

10 filius matris suæ pudenda exprobrat stupra) Vulgò, matris  
 suæ. Illud ante has Imperatoris Pij statuas quam vim habeat  
 intelligunt, qui meminerunt sub Imperatoribus capital 25  
 fuisse ante principis imaginem vel nudasse se, vel obsceni  
 aut dixisse aut fecisse quidquam. Id crimen impietatis hi-  
 storici nominant.

15 Tunc quod in cubiculo agat p.) Magnam tenebricosę  
 sententię lucem attulerit qui eam ita concipiet: Tunc quod 30  
 in cubiculo agat perquisitis, ne mater tua amatrix, sed omnino fœ-  
 mina? estne vt in ea cogites nisi vnā parentis religionem? Ne ma-  
 ter tua ἀρχαίων pro nedum, vel, nō dicam mater tua. Sic  
 antè



antè bis locutus hoc lib. quare meritò illa nobis suspecta  
vulgi scriptura, *ne mater tua nō dicā amatrix*. scalpellum (nisi  
habes ipse aliquid melius) adhibe, & illa mihi refeca, *non*  
dico: quæ verba isto quidem loco non emam vitiosa nu-  
ce. *οὐδ' ἰχάδους μίας*.

5 Pag. 102, 15 *nefando, immani, impetibili*.) Mira vox hac notio-  
ne, & ut puto, quam legunt plures quàm intelligunt. Pro-  
priè *impetibile* idem est ac petitioni obnoxium, quod faci-  
lè possit impeti. Solinus de Chamæleonte, *Impetibilis est co*  
10 *raci: à quò cū interfectus est, victorem suum perimit interemptus*.  
Nisi me fallit memoria, non est alius Solino antiquior  
qui eam vocem vsurpauit. Postea cepit hoc vocabulum  
accipi de re turpi & reprehensionis obnoxia, ut in hoc lo-  
co Apuleij. Symmachus epistola CIII libri noni. *Nam*  
15 *mihi turpe atque impetibile est, attonito animo ex fronte mæsta læ-*  
*tos adire conuentus*. In alia omnia ita verus magister qui Glos-  
sarium scripsit. *Impetibile, ἀνεπιχειρητον, ἀνεπιτιθέυτον*. sic in-  
terpretatur quasi præpositio negandi vim haberet. non  
absurdè: tamen ita vsurpatum nondum legi, si bene  
20 memini. ab eadem origine est ibidem, *Inpeteiuis, εἰαυς*. pro  
impeteius.

16 *Athenienses quidem*) Non displiceat mihi quondam.

Pag. 103, 9 *tuum factum obliuio capefferet*. In vulgatis, *obtuto*.  
scripsimus *obliuio*, ex coniectura, qua nullæ *ῥεαυμικαὶ δει-*  
25 *ξεις* certiores.

Pag. 104, 4 epistolam Pudentillæ Græcатиorem) *μᾶλλον ἐλ-*  
*λυνίζουσαν*. duriusculè dictum.

9 *ἐλθέτω ἕως ἐπὶ πορρηνά*) De his verbis ante diximus.  
Omnino placet *ἐλθετε*. Illa, inquit, prius deridiculi caussa  
30 scripserat *ἐλθετε ἕως ἐπὶ πορρηνά*. cum tamen non vocaret illos  
ad se tum serio: postea verò eadem Pudētilla iterum scri-  
psit *ἐλθετε*, & serio ad se liberos suos euocauit. Non vi-  
deo qui commodus elici sensus possit ex *ἐλθέτω*. Litera.



in ω degeneravit, ut apud Agathiam litera τ. ita enim scribi debuit hic eius locus ex libro primo, *καὶ ὅποια αἴτια πα-  
είλογα ἐν αὐτῇ ξυμῶν ἐχθῆ. non ὅποια αἴτια. quod ferri non  
potest. Eo ipso loco, in locum υ successisse doctissimum  
virum. qui elegantissimi eius scriptoris editione immor-  
tali beneficio nōs sibi deuinxit, nescio quomodo fugerit.  
Scribendum enim ἐκείνω τῷ φύλῳ ἐς τὸδε δυσμυρίας ἢ λδέ-  
τῳ. non τὸ φίλῳ. Ibidem scribe, εἰσῆρρησε, non εἰσῆρησε. vox  
est Aristophanis: cuius item hæc est libro tertio, in qua ισ  
in κ perperam coaluerunt, ibi, οἱ μὲν γὰρ ταῖς σκύραις τὸ πόδε 10  
ᾤκειλιν τὸ μῦθος, εἰργοντο τῆς πορείας. Legendum ταῖς σισύραις  
τὸ πόδε ᾤκειλ. ut apud eundem comicum ἐν πέντε σισύραις  
ἐγκορῶν λημύρος. Loquitur Agathias de Sotericho & eius  
sociis, quos hostis in lecto iacentes oppressit: iis fugere tē-  
tantibus, pedes veste stragula involuti, fuerunt inutiles. 15  
σκύραις esse dictionem Græcam non facile aliquis mihi  
persuaserit. dubito etiam de voce κλινος ἐόφιον quæ initio  
libri IIII inter κολασθήεα ὄργανα recensetur. τὸ δὲ ποῦ  
κεῖται, ut ille ait apud Athenæum. Fortasse legendum, χ-  
λος ἐόφια. Synesius epistola LVIII. καὶ πειρήμιον, καὶ ῥι- 20  
νολαβίδα, καὶ ὠπάρχαν, καὶ χλος ἐόφιον. Hæc & huius generis  
nō pauca nuper in eo scriptore obseruabamus, cum eum,  
simul in manus venit, auidissimè percurreremus.*

22 ne ciues denno ad sportulas conuolarent) Ita fuit tum mo-  
ris in omni solemnitate: siue aliquis tyrocinij diem cele- 25  
braret, siue nuptias faceret, siue honore insigni aliquo au-  
ctus, eum auspicaretur.

Pag. 105, 15 *mater futura in ipso materno sinu*) Non erat alius in  
isto libro locus magis corruptus: quem tamen nullo ne-  
gotio (quod impune dixisse liceat) in integrum restitui- 30  
mus. Ita autem scribebatur, *mater futura in ipso materno, sinu  
bat in segete, adulta super fecundam glebam. vel enim sub ulmo  
marita cubet in ipso gremio terra, matres inter s.*

20 ille



20 ille celeberrimus in comædiis versus) Græcum versum deesse ex eo licet coniecere, quia deest. non est autem dubium, pertinuisse eum versum ad laudationem ruris, aut vitæ rusticæ. Tale illud ex Menandro,

5 ἔστιν ἀρετῆς καὶ βίᾳ διδάσκαλος  
ἐλδιδέου, τοῖς πᾶσιν ἀδεόποις ἀγρός.

nec non istud Plauti

Urbani sunt rustici. DO. pudicius.

Faciunt illi, quàm qui non sunt rustici.

10 Pag. 106, 24 mentiri falsa audes & se quialtera? ) Adiecimus copulam prorsus necessariam.

Pag. 108, 6 vel is Moses aut Iannes. ) Ita scribi debet non ut vulgo Ioannes. Plinius libro XXX. capite primo, Est & alia Magices factio à Moysè, & Ianne & Iorape Iudæis pendens.

15 De Moysè quàm falsum sit, & unde ea opinio manarit, scimus nos Christiani. Iannes hic est de quo Paulus, Ἰωάννης καὶ Ἰακώβους ἀντίστησαν Μωϋσεί. Iudæum fuisse Iannem, nescio an Plinio debeā credere: mihi enim verior Numenij Pythagorici sententia videtur, qui Ægyptios ἱερογερμμεταίς fuisse scribit: eosque tanta Magiæ fama apud suos, ut omnium iudicio soli digni habiti sint, qui Moysi veris miraculis Ægyptum eo tempore percellenti, se opponerent.

20 Pag. 109, 10 factam coniunctionem) Ineptam lectionem suas res sibi habere iussimus coniectionem. Supra, me grandem dotem in principio coniunctionis nostræ mulieri amanti extorsisse. & aliquoties coniungi hoc sensu possum prius.

22 C C C C milibus nummum) Sic codex Rom. alij C C C.

Pag. 110, 3 in concordia coniugis) Magis probem, coniugij.

30 Pag. 111, 14 conciliator fauissor) Quid si, conc. fautor suasor. nam videntur duæ voces in vnam male confusæ.

19 de quo supra dixeram) Fortasse, de qua supra dixi iam. Respicit illa superiora, Mulier H S quadragies possidebat ex quo

Z



sanè aliquantam pecuniam nullis tabulis, sed ut æquum erat, mera fide acceptam, filiis debebat.

Pag. 112, 6 primò hoc vitrici beneficio) Lego vitricus.

16 tirocinio professionis suæ) caufidicinæ nimirum: fuit enim Pontianus eloquentiæ studiis deditus & disertus, ut ex aliquot locis huius Apologetici apparet professionis legi debere non profectiōis, etiam alij viderant.

20 prope exacto consulatu) Scio apud optimos scriptores proconsul & proprætor sæpe inuicem confundi: at consulem appellari qui proconsulari imperio prouinciam aliquam regat, non memini alibi legere: sed quia prouinciæ diuidi olim solitæ in prætorias & consulares, posterior ætas eum qui obtineret prouinciam consularem appellauit consulem, & id munus consulatum, ut hoc loco. Sic ὕπατος Ἀσίας præses Asiæ prouinciæ dicitur à poeta veteri qui epigramma fecit in Laodicen,

Σὴν μὰ δ' ἄμ' ἀλδύναντος ἀνώγειο χρονοιο,

Μάξιμος ἐκδηλον δὴν Ἀσίας ὕπατος.

Enimuero euiluit tandem superbum Consulis nomen: adeo ut etiam magistratus municipales consules appellari non erubuerint. Sic ait Aufonius se Burdigalæ fuisse consulem: & ita apud Philostratum accipio aliquot locis in Sophistarum vitis, ut in Polemone, ἡ μὲν δὴ πολέμωνος οἰκία, πολλοὶ ὕπατοι. Mox ibidem, Ἡεὶ μὲν γὰρ τὴ αὐτοχρεΐζην μᾶλλον ὁ Ἡερόδης ἢ τὴ ὕπατός τε καὶ ὅς ὕπατον δοκεῖν. Idem libri secūdi initio, Ἡερόδης ἐτέλει μὲν ἐν πατέρον ἐς τὰς διουπάτοις, utitur eadem voce & in Niceta, in Aristocle, in Antiocho, & in Antipatro Hierapolitano. quibus omnibus locis caue accipias de Romano consule: sed pro magistratibus, ut dixi, municipalibus, vel alio quo genere dignitatis. ita accipit Agathias libro secundo, vbi de Trallibus terræmotu euerſis loquens, ait Augustum ὑπάτοις ἐπὶ τὰ ἔθνη ἐν τοῖς μέγιστα ὕπατεϊδ' ἂν τε καὶ βυδαμόνων ἀνδρῶν ἐκ τῆς Ρώμης.



μης ὑπολέξαι μὲν, ἀμα πρὸς φετέρω πλὴθει τεύλας ἐς τὴν ὑπο-  
κίαν. Appellat ὑπάτοις, non eos qui tempore Augusti sic no-  
minabantur: sed illos qui coloniæ Tralleis deducendæ  
sunt præfecti. Sed puto scripsisse Agathiā ὑπατικοὺς ἐπὶ ἀ.

5 P. 114, 13 cuius animi disputationē.) Lego, cuius Auitus disputationē.

Pag. 115, 9 quā in omnibus Minervæ curriculum) Scribendum  
censeo, quā in omnibus diversū curriculum cū fratre opt. m. v. currat.  
20 neque comperari neque perfici) Lego, compleri.

Pag. 116, 4 filiam Rufini male comperitam) Scribendum censeo,

10 mali comperitam. ut loquuntur optimi auctores.

9 externasse eam) Proba & sincera lectio, non exterminanda ut reponunt quidam. Externare valet, pro externo habere. Sic dictum ut apud Paulum apostolum ξένος τῆς διαθηκῆς, & ἀπὸ πολλοῦ καιροῦ τῆς πολιτείας. ita loquitur &

15 Appianus quarto De bellis civilibus, Ἡμεῖς δὲ ξένοι καὶ ἀλλότριοι τῆς σωτηρίας ὄντες, πολέμιοι μὲν.

12 eandem illam filia suæ machinam Rufinus admonet.) Corruptissimè in prioribus editionibus, tandem illam filia suæ machinam Rufino admonet.

20 15 puero obicit & obstermit) Obstermere est ob oculos sternere. Cur malint quidam substermit nulla ratio legitima afferri potest. Scribo deinde, At ille puellæ meretricis blandimentis, & lenonis patris ille cēt.

Pag. 117, 1 si verum velis) Legebatur, si puerum velis. sustulimus  
25 exuberantem literam: certiore, opinor, coniectura quā alij quibus visum, si puero velis. A nobis stat sententia quæ illam emendationem respuit: & similes loci, qui nostram confirmant. Supra. Imo enim si audire verum velis. Emiliane, tu potius caducus. item, Imo si verum velis, vxor ad prolem multo  
30 auspiciatius in villa quā in oppido ducitur.

8 Inuestem à nobis accepisti.) Inuestis, propriè, cui nōdum vestitur pudor, ut loquitur Tertullianus. tamen aliter Glossarum auctor, Inuestis, ἀφ' ὁδοῦς, rectè: nam quod in fe-



mina virgo, id in mare inuestis. Tertullianus De virginibus velandis, *Materfamilia vocatur licet virgo, & paterfamilia licet inuestis*. Ibidem, *Si virgo mulier non est, nec vir inuestis est*. Est igitur inuestis qui Græcè *ἡδεος*: quo sensu veteres Latini etiam pueros virgines vocarunt, ut notat Nonius: & in patrum scriptis frequenter. sic & *παρθένος* accipitur interdum pro *ἡδεος*, ut Apocalypseos cap. xiiii. contrarium est *vesticeps*, ὁ ἐφ' ἑαυτὸν ἑαυτὸν καὶ τὸν ἀφ' ἐδίστων πείραν ἔχων.

15 in ludo quoque glad.) In hac periodo non pauca fuerant deprauata, in hunc modum, in ludo q. g. frequens visitor, 10 nomina g. & p. & v. planè quidem, ut puer honestè ab ipso l. d. Porro ex hoc loco apparet, in ludo gladiatorio lanistam non nisi honestiores docuisse per se: reliquos autem per alios, quorum opera ipse vice *ὑποδιδασκάλων* utebatur: sic fieri amat in aliis quoque ludis.

Pag. 118, 13 mihi hanc veniam tribueret) Venia, nō est *συγγνώμην* sed *χάρις*. Sic apud Ciceronem sæpissimè.

19 enim longè serius ratus f.) Ita Rom. edit. Enim initio sententiæ, ut apud Terentium & alios veteres non rarò.

20 filij contumeliis infectam,) Scrib. *infectam*. ut ex antithesi colligitur, *deuinctam*.

Pag. 119, 13 si quid ei humanitus attigisset,) Alterutrum puto scripsisse Apuleium, *accidisset*, vel *contigisset*.

14 Cape istud matris tuæ testam.) Vulg. lib. *cape ista ut m. t.*

16 obsequentissimum maritum) Sic in veteri lapide.

D. M.

ÆMILIO. VALERIO  
CHORINTO. HOMINI. BONO  
QVI VIXIT ANN. XL.

DEFUNCTO HONORIBVS ÆDILICIIS 30

ANTONIA TORTONIA

MARITO OBSEQUENTISSIMO

B. M. F.

26 infra



26 *insanam putabit*) Male in vulgatis *insanum*. Simili errore paullo post in iisdem, *relictum* pro *relictam*. Ipsam Pudentillam compellat.

5 Pag. 120, 16 pro *pedibus tuis adiucio*) Sententia, ni fallor, postulat abiucio.

21 *Ipse iam ut sui potens, ac qui acerb.*) Vulg. *Ipse iam ut sui potens ac vir, acerbiss.*

Pag. 122, 14 *reminisce mini, quod responderatis.*) Apertè corruptus locus: legendum fortasse, *Saltem fingite aliquid, comminisci mini quid responderetis ei qui vos ita rogaret: Quoniam omnē &c.*

10 Pag. 123, 7 *Dentes splendidas*) Ex editione Romana. vulgo *splendidos*.

11 *Prior natu ea est:*) Pudendo errore in omnibus editionibus, *is est*. quam multis supra de ætate Pudentillæ disputatum?

15 12 *Dotale accipe:*) videlicet instrumentum: sic Græci Iurisconsulti τὸ δωρικὸν. non rectè vulgo, *Dotalem ac*.

16 *procul à culpa philosophiam tuitus sum.*) Male hic quoque locus à scribis imperitis fuerat acceptus: ita nempe, *procul à culpa philosophiæ tuitus sum.* inepta sententia. Principio dixit, esse sibi purgandam apud imperitos philosophiam: nunc in epilogo ait se id fecisse, & quod initio susceperat præstitisse. Ita ergo legendum ut est à nobis emendatum.

20 18 *immo contra ubique si cum septem pennis eum tenui.*) Nullus locus æquè me exercuit atque hic: quid profecerim docti iudicabunt. Scribo, *immo contra ubique, si circumseptum pennis eum tenui.* sermo est allegoricus: quem accipio de Æmiliano præcipuo accusatore. illius accusationi & calumniis ita respondisse gloriatur, ut non solum in fontem se probarit: sed hoc amplius illum ubiq; fontem: idque rationibus adeo claris ut refelli nequeant. hoc illa verba significant, *circumseptum pennis tenui.* allusio est ad venationem ferarum, quæ fit per lineam pennis rubenti-



bus distinctam. Lucanus,

- *duin pauidos formidine cervos*

*Claudat odoratos metuentes aëra pennæ.*

Ouid. *Nec formidatis cervos includite pennis.* meminere & alij poetæ, ac Seneca non semel. Ea linea formido Latine dicitur, Oppiano *δειμαλέην μήρινθον*, cui simile apud Lycophronem, in alio genere venationis *ἰξούτῃ πτερόν*. Hæc lectio proximè abest à veteri Romana. in recentioribus pœnis non pennis scriptum est.

20 *tuam existimationem reuereri, quàm potestatem vereri*) 10 Acutè vt alia multa. Floridorum primo. *Neminem proconsulum, quod sciam, provinciâ Africa magis reuerita est, minus verita.*

24 *Dixi*.) Debemus hanc quoque vocem editioni Romanæ: nam illam recentiores editiones omisere. 15

Pag. 174 tolle annotationem quæ incipit versu 12. & eius loco hanc repone. 23 nulla impertita mora subneruasti Putabâ scribendum *supperuasti*. sed nihil mutandum. *Subneruare* vetus & proba vox est, idem significans ac *supperuare*. similique analogia facta. Ea dictione memini veterem Bibliorû interpretem 20 exprimere aliquot locis Hebræum קרן quod est succidere suffragines. vt 2. Samuelis cap. VIII. vbi LXX. verbo *ὑψαλέων* vtuntur. & Iosux capite XI. bis: vbi LXX. *ὑψογοντῶν* pro eo dixerunt. Glossariû, *ὑψογοντῶν*, subneruo. 25

*Quæ sequuntur ita emendabis.*

Pag. 19, 26 ei vniti. 20, 5 tangant. 19 in nubibus varij. & d. 30, 26 quid ex istis 33, 17 *δρακόντιος*. 34, 20 Cathartæ, Socrati dæmonion, Platonis τ. 48, 7 persenferc. Gr. 82, 20 d. missum. 143, 11 *φαρμακία*. 144, 25 *ὑψογοντῶν*. 162, 14 *ὑψογοντῶν*. P. 169, 11 hac notione. Pa. 149, 31 adde: His iam editis obseruauimus Bernardum Philomathem ex suis mss. vno aut altero loco hos titulos in sua editione reposituisse.

INDEX



185

# INDEX RERVM NOTATV

## DIGNIORVM IN IS. CASAV-

### boni Castigationibus.

A		F	
<i>Abnuere contumelios.</i>	171	<i>Facies.</i>	146
<i>Abstemiis.</i>	161	<i>Facilum velle alicui</i>	166
<i>Agnitus.</i>	165	<i>Falso invidia.p.</i>	142
<i>Alierplices.</i>	144	<i>Fascinum.</i>	148
<i>Antiphates.</i>	142	<i>Fors fuat.</i>	159
<i>Αέφαλος</i> versus.	152	<i>Fumum vendere.</i>	161
<i>Agathiæ loci emēdati</i>	176.179	G	
<i>Apuleius in aliis scriptis emendatus.</i>	pag.128. & 146.157. 163. 164.165.166.	<i>Genitus</i>	150
<i>Archestrati locus correctus</i>	151	<i>Glossarium emendatur.</i>	146
<i>Auriplex.</i>	144	H	
<i>Auriplices.</i>	145	<i>Hellenismi notati.</i>	163
C		I	
<i>Cambio.</i>	137	<i>Iannes magus.</i>	177
<i>Campo.</i>	ib.	<i>Immedicatum os.</i>	172
<i>Causa.</i>	167	<i>Impetibile.</i>	175
<i>χειροσφόριον.</i>	176	<i>Inuestis.</i>	180
<i>κλινοσφόριον.</i>	ibid.	<i>Instar.</i>	146
<i>Clunaculum.</i>	172	<i>Inuidere pro non videre.</i>	132
<i>Cohibilis.</i>	148	<i>Iunx.</i>	142
<i>Consules municipales.</i>	178	<i>Ιούξ.</i>	142
<i>Consulatus pro Proconsulatu.</i>	ibid.	L	
<i>Curare rebus alienis.</i>	134	<i>Lucretij locus.</i>	135
D		<i>Lustrales hostiæ.</i>	157
<i>Demittere.</i>	168	M	
<i>Diuiniconiumacia.</i>	159	<i>Mos circa pecuniam.</i>	155
<i>Duat.</i>	166	<i>Motacilla.</i>	143
E		<i>Mundicina.</i>	132
<i>Ennij loci correcti.</i>	151	N	
<i>Externare.</i>	179	<i>Ne pro nedum.</i>	134
		O	
		<i>Obnubere.</i>	171
		<i>Obsequens maritus.</i>	180



INDEX


<b>P</b>		Symmachus emendatur. 146. 166
Plauti locus restitutus.	169	Symbola variorum sacrorum.
Πλύνειν.	171	159
Porta triumphalis.	137	Syrma. 135. & 142
Propulsor actiue	147	<b>T</b>
Pronomen is vacans.	129	Tēniæ quorundam sacrorum di-
Proxima humanitas	148	uerſi coloris. 144
<b>Q</b>		Toga palmata. 139
Querquera.	148	Trochiliscus. 143
Quintus.	130	Trochiscilus. ibid.
<b>S</b>		<b>V</b>
Sceletus.	162. 163	Veretillum. 147
Σεισπογίς.	143	Vesticeps. 180
Sermior.	136	Virile marinum. 147
Σκύρα.	176	<b>Y</b>
Spuria.	148	Υδρομαντεία. 154
Stellio.	158	Υπαῖς. 358
Subſicina Græcia.	145	<b>Z</b>
Subneruare.	187	Zaratth. 141
Supernare.	ibid.	

FINIS.


Z

1.6.64  
25294 (Pa)


























005642635



